

PIGHIVS


Apologia.

2

6

378

BIBLIOTECA NAZIONALE
CENTRALE - FIRENZE
50.000 - 10-389





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.378





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.378



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.378

2
6
378
BIBLIOTECA NAZIONALE
CENTRALE - FIRENZE
50.000 - 10-939





APOLOGIA

ALBERTI PIGHII CAM.

penſis aduerſus Martini Bucerica-
lumnias, quas & ſolidis argu-
mentis, & clariffimis ra-
tionibus con-
futat.



MOGVNTIAE,

Anno. M. D. XLIII. Menſe Martio.

2. 6. 378

APOLOGIA

ALBERTI PIGNI CA

LIBRI SEPTIMIUS

LIBRI SEPTIMIUS

LIBRI SEPTIMIUS

LIBRI SEPTIMIUS

LIBRI SEPTIMIUS



LIBRI SEPTIMIUS

LIBRI SEPTIMIUS

F



n
ter
dim
pan
le P
tare
erci
mar
&
no

VITA PRAECLA

RISSIMI VIRI D. ALBERTI PI

ghij Campensis, Praepositi quondam eccle-

siæ Diui IOANNIS Traiecten.

per Ioannem Guntherum obi-

ter excerpta.



NIHIL est quod opus aliquod
æque cōmendat, ac ipsa dignitas
auctoris. Tum vero præclare agi-
tur, vbi & scriptoris auctoritas o-
pus suum illustrat, & operis gra-
tia celebritatē scriptoris vicissim
ostentat. Cum igitur præsentis operis ratio per se
manifesto præcellat, auctoris quoq; gloriam breui-
ter indicare visum est. Nihil em̄ pro illius amplitu-
dine satis explicari posse iudicauimus. Age nūc vel
pauca nobis explorata perstringamus. Albertus il-
le Pighius ex inferioris Alemaniae Campensi ciui-
tate duxit originem, qui ipse sibi studio, ingenio, ex-
ercitatione, fide, constantia simul & auctoritate maxi-
mam gloriam comparauit, vt per virtutis, sapientie
& doctrinae gradus ex humili loco ad magnū ho-
noris fastigium peruaserit. Porro per ætatum gra-

A ij dus

VITA ALBERTI PIGHII

dus ad summam perfectamque sapientiam virilem
 animum semper intendit: & maximarum rerum
 studia perpetuo quam diligentissime consecretus
 est. Idem is tantum assidua cura & præcipua inge-
 nij felicitate profecit, ut iam inde ab adolescentia in-
 ter Philosophiæ ac ingenuarum artium eruditos (Lo-
 uanij potissimum) excellere putaretur. Quanto spi-
 nosius quodque esse, ac plus habere difficultatis intel-
 ligebat, eo cupidius in hoc, studiosiusque incumbe-
 bat, præcipue, posteaquam Theologiæ studio se to-
 tum sanctissime tradidisset. Vbiq; sociam habuit
 mentem ad res altissimas considerandas: ut ingenij
 subtilitate & iudicij dexteritate (quod eiusdem viri
 scripta produnt) vix alibi parem inuenias. Nul-
 lum omnino doctrinæ genus est, in quo non sit Pi-
 ghius exquisitè versatus: homo multæ quidem ac
 infinitæ lectionis, ut qui ætatem omnem in æqui bo-
 nicque cognitione contriuit, qui literarum quoque cer-
 taminibus inter ipsos milites vel exercitatissimos
 excelluit: Historiographus fide dignissimus, acutissi-
 mus Philosophus, Rhetor vehementissimus, præci-
 pius Medicus, & nostri temporis Theologorum nulli
 secundus. Nusquam tamen acrior insurgit, quam ubi
 cum hæreticis (aduersus quos perpetuum ac impla-
 cabile

cabile bellum instituerat) Hierarchiam ecclesiasticam grauissime tutatus est. Præterea de controuersijs in religione Christiana vigentibus exacte disseruit, & id peregre in apparatu procinctuq; viatico. Item de Libero hominis arbitrio materiam sane abstrusissimam luculenter decem libris absoluit, Caluinum redarguens: ac omnium huius tēporis hæresiarum fraudulentiam aperto Marte detegens, ac retundens. Nihil hoc viro sapientius, nihil absolutius, nihil constantius, nihil immobilius, nihil magnificentius, in his videlicet quæ ad iustitiam & fidem nostræ causam asserendam, atq; propugnandam pertinere videbatur. Nam huiusmodi vindicabat pertinacissime, nec tacitis interim summorum virorum nominibus, flagrans iugiter zelo domus Dei, & Reipub. iuuandæ studio, quoquo tandem modo alijs salutaria prouidere posset. Vix vllam temporis partem effluere sibi patiebatur inanē. Quandoquidem ætatis omne tempus tam scite distribuere solitus est, vt vel contemplando, vel docendo, vel inuestigando, vel disceptando, vel scribendo, vel Reipublicæ seruiendo distineretur. Itaque propter suæ multijugæ doctrinæ ac probitatis odorem longe lateque diffusum, accitus est & ab Adriæ

A iij no

VITA ALBERTI PIGHII

no Sexto Pont. Max. qui maximis doctissimisque
viris vt plurimum delectabatur ipse doctissimus.
Post Adrianum a Clemente VII. perquam huma
niter excipi & in publicum insuper adhiberi conci
lium Romæ meruit. Alijs itidem præstantissimis
viris, multisq; magnatibus & gratus & charus ad
modum fuit. In grauissimis publicisq; negocijs fre
quenter legationē obiit Romā, Vvormatiam, Ra
tisponam, atq; id publica euocatus autoritate. Bre
uiter, egregijs humanæ vitæ laboribus præclare diu
defunctus est, quibus & immortalitatem nominis
afsecutus est. Tandem vir diligentissimus extrema
valetudine affectus, vix adduci potuit expostulati
onibus amicorum, vt feruorem animi remittens, a
scribendo supersederet, saltem leuandæ valetudi
nis causa. Verum vbi seipsum vsq; adeo fractum
longa valetudine, studioq; plane exhaustum sentia
ret, vt amplius iam scribere vel consulere posteris
non posset (etiamsi tum adhuc floreret illud im
mortalitate dignum ingenium, animiq; magnitu
dinem, qua præstabat, nō remitteret) deinceps pius
ille Pighius ad ea, quæ verum et pium decent Chri
stianum, exequenda & absoluenda se totum appli
cauit. Hinc receptis omnibus iuxta ritum & con
sue

PER IOAN. GVNTHERVM.

fuetudinem sanctæ Romanæ & catholicæ ecclesiæ
sacramentis, tandem vbi necdum iustam excessi-
set ætatem, ad quartum Calendas Ianuarij, in ingres-
su anni redemptionis humanæ M. D. XLIII. sed
mira & incredibili quadam animi præsentia, spiri-
tum emisit, ac naturæ debitum persoluit, idq; cum
piorum & studiosorum omnium luctu, vir ille
perpetua profecto memoria & gloria vere dignissi-
mus. Vti bonos omnes quam plurimum amplexa-
tebatur ac obseruabat, ita neruis omnibus eosdem
iuuare & ecclesiam Christi illustrare, quoad vixit,
nunquam non aduigilabat: Nihil eorum præter-
mittens, quæ ad ecclesiam Christi restaurandam, et
hæreticorum fraudulentiam detegendam condu-
cere perspiciebat. Hoc ita esse, viuens & moriens
ipsemet Pighius euidentissimum fecit, egregijsque
voluminibus abunde satis orbi Christiano conte-
statum reliquit: imprimis vel hoc opere, quod sicut
ipse extremum *μνημόσυνον* sui reliquit, ita Lectoris
humanitas propensiore etiam fauore suscipiet. So-
lent enim feri partus vel ob id esse gratiores, quod
præterea nihil expectatur. Hunc igitur veluti post-
humum foetum (ad retegendas hæreticorum calu-
mnias & ad stabiliendos piorum animos) in gre-
mium

VITA ALB. PIGH. PER IOAN. GVNTHERVM.

miū ecclesiæ dare voluisset autor celeberrimus,
& exacte respondisset ad singula, quæ nuper malæ
fidei Marti. Bucerus aduersus ipsum effutijt, ac su-
is etiam Symmiltis forte persuasit de restauranda
Christianæ religionis concordia. Cæterum impe-
tus morbi rabiosaque vis properatæ mortis Pighi
um adegerunt, vt absolutum hoc opus relinquere
posteris non potuerit. Nam hic indefatigabilis ec-
clesiæ propugnator ac vindex præclaræ Bucero re-
spondendi prouinciæ immortalis est. Quod si per
valetudinem licuisset, incredibilia quædā, seipsum
etiam superando, vir acutissimus præstitisset in pro-
gressu: nec esset quicquam quo non abunde Bu-
ceri calumnijs quamlibet argutis iri satisfactum, vn-
dequaq; nos perspiceremus, quotquot sincere ma-
nemus Christiani. Fruamur interim eo, quod
nobis diuina pietas hic reliquum esse vo-
luit. In quo tanquam cygnea excellen-
tissimi hominis vox & extrema
oratio plane videtur expres-

sa. Traiecti, Anno

M. D. XLIII.

ALBER

ALBERTVS

PIGHIVS CHRISTIANO LE

ctori veram a Christo pacem, con-
cordiam, & salutem.



Portet, inquit Apostolus, hære-
ses esse, vt qui probati sunt, mani-
festi fiant inter vos. Eam esse in-
finitæ illius, & sapientissimæ bo-
nitatis naturam, vt cum nullius
vere mali, vitiij, aut peccati autor
esse possit, malis tamen omnibus ad electorum suo-
rum profectus vtatur, pijs omnibus in confesso est,
& in doctrina religionis velut axioma quoddam
assumitur, hæreticos esse, qui cum Christo nomen
dederunt, catholicæ ecclesiæ in doctrina Christia-
næ religionis & fidei non consentiunt, & propter
hoc ab eius communione exclusos, propria voca-
bula, propriosq; conuentus sibi inuenisse, vt Mani-
chæos, Photinianos, Arrianos, multosq; præterea, et
his nostris temporibus, Lutheranos, Sacramentaria-
os, Anabaptistas, atque alios eiusmodi, æque habet,
& ab initio habuit communis ecclesiæ catholicæ
sententia. Nam in vna communi catholicæ ecclesiæ

B fide

EPISTOLA

fide, quæ non solum a suis, sed etiam ab ipsis eius inimicis, velint nolint (vt D. Augustini verbis hoc dicam) catholica nominatur, inueniri Christianæ doctrinæ & religionis, claram, certam, atq; infallibilem regulam, alibi clarissime demonstrauius, cui quicquid non consentit, erroneum, atq; adeo est impiū, etiam quantumuis diuinorū eloquiorum contegatur ac vestiatur velleribus. His tamen, vt & cæteris malis omnibus ad ecclesiæ suæ profectum, animarū curationem, & institutionem spiritalis populi vtitur diuinæ bonitatis immensitas: vt qui doctrinæ suæ nouitate infirmiores quidem & carnales ad verum querendum: spiritaliores vero, et magis a Deo illuminatos catholicos, ad verum aperiendum excitant: efficiuntque iuxta dictam Apostoli affirmationem & sententiam, vt qui probati sunt, manifesti fiant inter nos. Sunt, inquit Augustinus, innumera- biles in ecclesia sancta probati a Deo viri, sed manifesti non fiunt inter nos, quamdiu imperitię nostræ tenebris delectati dormire malumus, quam lucē veritatis intueri. Quapropter multi, vt diem Dei videant & gaudeant, per hæreticos de somno excitantur. Utendum proinde idem ille docet hæreticis, non vt eorum approbemus errores, sed vt catholi-
cam

AD LECTOREM.

cam disciplinam aduersus eorum asserētes insidias,
vigilantiores & cantiores simus, etiam si eos ad salu-
tem reuocare non possumus. Mihi certe hoc pro-
fuerunt, vt velut a somno quodam excitatum, ab a-
lijs studijs, in quibus dimerfus fueram, ad catholi-
cam disciplinam sophistarum quorundam studio
(quod vt negare, ita dissimulare non possum) his
nostris temporibus haud parum obscuratam &
spinosis quæstionibus obrutam, luculentius expli-
candam, & asserendam ab hæreticorum istorum,
quibus falso aspergitur calūnijs, reuocauerint, quo
& simplicioribus, incautioribusque consulerem:
quibus eorundem peruersitatem, pestilentissimas
machinationes, & fallacissimas perniciosissimasq;
quas moliuntur insidias, ante oculos ponere cona-
tus sum, a quibus, vt in hanc arenā iam dudum per-
tractus sum, ita etiam nunc, vt nōnulla, quæ a nobis
pie & catholice aduersus illorum impietatem scri-
pta, etiam nostrorum quidem calumniantur, lucu-
lentius explicarem, & diligentius assererem, me
coegerunt. Nam cum nuper publica autori-
tate euocatus vna cum cæteris plærisque inter-
essem conuentibus religionis & doctrinæ fidei
conciliandæ causa, primum Vuormatiæ, deinde

B ij Ratispo

EPISTOLA

Ratisponæ celebratis in Germania, & viderem (qd
res ipsa comprobauit) non magnū ex his fructum
expectandum ecclesiæ, ipse tum mihi hanc indixi
laboriosam sane & periculosam prouinciam, vt vniuersa,
quæ controuertuntur inter aduersarios & nos, pertractarem diligentius, & hinc catholicam
veritatem, inde quantum ab eadem discrepet aduersarioꝝ
sententia demonstrarem per singula, & ob oculos ponerem.
Qua in re si p̄js eruditiscq; a me satisfactum est, plusq̃ sperabam obtinui. Quandoquidem
absens a libris familiaribus, agens peregre, atq; adeo inter
medias ipsas itineris turbas, nescio quo impetu spiritus egesta
ea verius, quam digesta publicauit continuo. Deinde cum reuersus
in patriam Martini Bucerī libellum offenderem, quo acta Ratisponensia
haud sane synceriter explicat, & vniuersam non conciliatæ
illic in religione concordie inuidiam in nostros transfert, & a suis
nihil stetisse persuadere earum rerū ignaris conatur, quo minus
ecclesiæ sit reddita pax & concordia, cuius se suosque cupientissimos facit:
exiguo mox ego libello, quo eius vere componendæ sarcindæq;
rationem explicare conatus sum, scandalis infirmiorū & simplicium,
quæ ille suis illis actis parabat, occurrere studui:

AD LECTOREM.

dui: & palam facere, quamuis dissimulanter, & ve-
lut agens aliud, aduersariorum machinationes, &
Buceri in suis illis actis insidiosas calumnias: quam-
uis eius nomen vix semel atq; iterum, neq; odiose,
in illo perstrinxerim. Tamen si illa ipsa eius acta aper-
to Marte fortiter oppugnata, & per singula pene
verba excussa ab Eccio (quod vt a me fieret post
explicatas a nobis in religione controuersias, quas
componi studemus, operæ precium visum nō est)
post publicatum nostrum libellum, primum intel-
lexi, vt velut ex longinquo tardius ad nos perferun-
tur eiusmodi, atq; etiam ob interdictos aduersario-
rum libellos leguntur a paucis. Aduersus quæ no-
strum ille studium æmulatus, nunc librum emisit,
cui titulum fecit, de Vera ecclesiarū in doctrina, cæ-
remonijs, et disciplina, recōciliatione & compositio-
ne, in quo me sibi præcipue antagonistam delegit.
Quod ægre non ferrem, si modeste faceret, & quan-
quam multas in me Dei dotes agnoscat & prædis-
cet, excellenti enim doctrina, et si quem alium, in ex-
cutiendis quæstionibus methodicum, et in tractan-
dis rebus disertum facit, & deplorat ingenium tan-
tum, tamq; præclare, & natum, & disciplinis excul-
tum, regno Christi potius propugnando, quam

B iij

An-

EPISTOLA

Antichristi instaurando, magisque receptæ, vstitæq; ab initio ecclesiasticæ administrationis formæ, & veteri germanæq; doctrinæ ecclesiæ adserendi, quam ipsorum profanis, impijsq; nouitatibus confirmandis (tametsi contrarijs hæc vniuersa vocabulis designet) dedere se voluisse. Contra tamen apertis, impudentibus, atque intolerandis me conuiciis flagellat, nunc sophistam, nunc calumniatorem faciens, et qui excitati a patre mendacij contra Christi doctrinam, quam & suam facit, nostris eandem perturbauerimus paralogismis & calumnijs, effecerimusque, vt quamuis clara sit & perspicua, a multis tamen, etiam vere timentibus Deum, non percipiatur, sed existimetur cum doctrina Christi pugnare, idque non nouis alijsve, quam cæteri sophistæ idem tentauerunt, rationibus, sed nouo artificio: quod ipsidem tale adhibuerim ad ipsorum doctrinam deprauandam, & contra nostram adornandam, vt ecclesiæ interesse putauerit, nostras potissimum cauillationes depellere. Ad hæc, Dei partes temere & sacrilege inuadens, de occultis cordis nostri iudicat, nunc nō eas mihi causas fuisse studij & instituti in insectandis aduersarijs, quas ego præfero, zelum, inquam, domus Dei, et curam veræ, certæq; disciplinæ Christi

AD LECTOREM.

Christi: nec qđ ad vindicandam ecclesie Hierarchi
am, operā laboremq; meum cōferre voluerim: sed
odio ipsorū, non esse me mei compotē. An vero his
ipsis verbis, hac ipsa loquela manifestum se non fa-
ciat, mihi vedetur nulli germane Christiano dubiū
esse posse. Hoc em̄ habet, qui istos exagitat spiritus
propriū, vt e diametro pugnet cum Christi spī-
tu: vt vel hinc aduersus pestilentissimas istorum
seductiones vere Christianis, si prudenter attendat,
securus esse facile posset, etiamsi doctrinæ eorum
aliud nullum indicium haberet. Nam tam amarus
lentus spiritus, & qui nil nisi dirum, nisi amarum
& conuiciosum suggerit & eructat, quam cum il-
lo Christi veræ mansuetudinis spiritu cōgruat, ne-
mo ignorare potest vere Christi discipulus. Quo
ego animo doctrinam illorum oppugnauerim, ille
mihi testis est, qui inspector est cordium, & me ius-
dicaturus est. Nullius certe odio, quam vnus im-
pietatis, corruptæque per illos religionis, doctri-
næ & veritatis asserendæ studio id a me factū, spe-
ro re ipsa satis me approbasse p̄is omnibus. In
quo, si quod ille mihi tribuit, talem artificem præ-
stiti nostræ tenuitatis conscius, illi acceptum refe-
ro, cuius causam egisse me, non oppugnasse nihil
dubi-

EPISTOLA

dubito. Nec scripsi calumniose, quemadmodum
suo more, & secundum illius, qui singulari diuinæ
prouidentiae beneficio, nusquam in scriptis eorum
se non prodit paracleti eorum ingenium, calumnia
tur ille: sed hoc sentio, quod scripsi: hoc scripsi, quod
sentio. Sed ad conuitia & maledicta eius in nos dis-
simulabimus posthac, tantū his paucis eorum com-
memorasse visum est operæ precium. Nunc vero
ad institutum regredientes, vnde non nihil digres-
si sumus, libro ille suo, quem commemorauimus,
tria præcipue hoc ordine exequitur, primum vn-
de & quibus ex causis hoc in religione dissidium
ortum primo, & auctum deinde, perductumque
adhuc & retentum sit explicare conatur. Secundo
deinceps loco quonam pacto id ipsum tolli, & ve-
ra ecclesiarum concordia queat restitui. Postremo
quæ religionis controuersiae Ratisponæ compo-
sitæ, quæ minus, & quo minus hæ quoque compo-
ni queant. Quod tamen ita polliceatur in vniuersum,
trium tamen controuersiarū, aut articulorum
tantum meminit, nempe de libero arbitrio, de pec-
cato originis, & de iustificatione hominis, & in his
tantum duobus articulis posterioribus, nostram
ipsis aduersantem sententiam calumniari atque im-
pugna-

EPISTOLA AD LECT.

pugnare conatur, & nostras rationes dissolvere.
 Quod ipsum, quam feliciter, quamque efficaciter
 fecerit, post viderimus. Itaque quamvis nobis con-
 uere liceret ad cætera eius libelli omnia, quia tamen
 totus amaritudinis felle tinctus, & perniciosissimo
 veneno imbutus, verborum quodam rotatu atque
 inuolucro, quibus nonnunquam Christianam pie-
 tatem egregie simulat, incauto lectori facile posset
 imponere, vniuersum a capite, quod aiunt, ad calcem
 breuiter excutere visum est. In quo tamen hoc mi-
 hi importunissime accidit, quod grauiter & diutur-
 no admodum, grauissimoque laboranti morbo (cui
 nihil æque aduersatur ac lucubrare & laborare in-
 genio) ille mihi nunc primum oblatus est, cui im-
 putabit æquus lector, si quid in hoc nostro minus
 excussum, emunctumque occurrerit. Maturius cer-
 te prodixisset, nisi & morbo plus indulgere, quàm ipse
 velim, mihi fuisset necessarium. Sed spero illum vi-
 res nobis subministratur, cuius causa agitur. Quæ-
 ro, ut nobis omnibus suum veræ pacis et concor-
 diæ Christianæ spiritum inspirare dignetur, & ad
 eandem suggerere consilia efficacia. Vale.

C APO.

APOLOGIA

ALBERTI PIGHII CAM

penſis aduerſus Mart. Bucerum.

Vnde & quibus ex cauſis ortum primo, & auſum deinde, perductumque adhuc ſit hoc in religione diſſidium, Bucerī paucis explicatur ſententia.



Emōſtraturus ille veram, quam dicit, originem et progreſſum vtiōis, quę in religionem noſtram inuaſerūt, tum diſſidiorum, quę ob tentatam per ipſos horum vitiōrum correptionē oborta ſunt, altius petito, ſed alieno ſane, quod poſt intelliges, a re principio, in duobus maxime capitibus vniuerſas inter ipſos et nos controuerſias contineri affirmat. Quorū primum facit, quibus rebus nobis pareatur, & conſtet peccatorum remiſſio, & cum Deo reconciliatio. Secundum, quis ſit legitimus Dei cultus, ac grata Deo opera, in quibus pios homines exerceri, & Deo ſe approbare conueniat. De his enim duobus capitibus, quādo cūq; viciata eſt religio, puerſas opiniones inter homines graſſari affirmat.

Hinc

CONTRA MART. BVCERYM.

Hinc longissima digressionē, & sui pene instituti oblitus excurrit & traducit crassissimum sane errorem carnalium quorundam, tam sub veteri, quā sub noua lege hominum, qui sine fide diuinæ offensa potentia, & pietate in Deum, in externa tantum illa operum facie, quæ proprie ad latrā & diuinum cultum pertinebant, atq; instituta erant, denique et corporis exercitatione, in ieiunijs, vigilijs, laboribus, vitæ austeritate, quam vltro sibi accersunt & imponunt homines, vniuersam salutis fiduciam ponabāt. Quod ipsum, si sincere faceret, nobiscum faceret, & catholicam, concessam, notamque omnibus veritatem assereret: quamuis frustra in ea asserenda se torqueret, & lectori prolixitate immodica nihil ad rem pertinente, molestiam faceret. Nunc ita id facit, vt in his Louiniani agnoscas germanum discipulum, vt qui non solum ambitiosæ, sed etiam furiosæ superstitionis illos notat, quorum gloriosam atque ardentissimam fidem prædicat Apostolus: quos velut duces & antesignanos transigendæ in vera religione vitæ nobis commendat, & proponit illa sancta ecclesiæ Christianæ antiquitas: qui circuierunt in melotis & pellibus caprinis, errantes in solitudinibus, in montibus & speluncis

C ij & ca

APOLOGIA ALBERTI PIGHII

& cauernis terræ, atq; adeo Christi præcurforem
& baptistam, quo nemo surrexit maior inter filios
hominum, hac nota perstringit. Horum, inquam,
omnium ambitiosam, imo & furiosam superstitio-
nem fuisse dicit, quod corpori condita & concessa
a Deo bona subtraxerunt, vltra quam eo conferat,
vt sobria pietate, et pia sobrietate nomē Dei sanctissi-
mus ad proximos, atq; eius regnū proferamus.

Ex his præmissis, & velut iactis fundamentis, ac
principijs, in omnes ecclesiæ ordines impetū facit:
omnium vitam odiosissime proscindit: vniuersos-
que crassissimo illo, quem ante traduxit, errore ex-
cæcos affirmat, & sine offensæ Dei pœnitentia, et
fide viua in Christum, externa tantum illa cæremo-
niarum latria, atq; operum facie, salutem se assequi-
turos credere. Maxime vero atq; odiosissime omni-
um flagellat Romanos Pontifices, in quos effreni
impudentia euomit, quicquid suggerere illi potuit
amarulentus ille, et omnis Christianæ modestiæ ad-
uersarius spiritus, in quos etiam præcipuam dicti er-
roris causam transcribit.

Quē tametsi etiam prioribus ante nos temporibus
a paucis quibusdam, & sine successu aliquo
per-

CONTRA MART. BVCERV M.

perstrictum, suggillatumque, nunc tandem domi-
nus suæ misertus ecclesiæ, cum tantæ eius & tam ca-
lamitosæ oppressiõni aliquando succurrere vellet,
primum per Erasmus Roterodamum cœperit
conuellere: vt qui magno acumine, viuisque argu-
mentis, & qua pollebat eloquentia ac dexteritate,
commonere aggressus est, salutem nostram nõ pos-
se, nec conseruari, nec reparari cæremonijs, sed fidu-
cia vera in Christum. Nec probari Deo posse ope-
ra, quæ non iuxta præceptum eius eo spectent &
valeant, vt per ea proximo ad bene pieque viuen-
dum commodetur, Successisse illi statim Lutherũ,
qui non solum dicto errori euellendo manum inie-
cerit, sed & vniuersam de pœnitentia, & impij iustia-
ficatione doctrinam repurgarit, atque explicarit, va-
na cum alijs plærisque hinc pendentibus necessa-
rijs quæstionibus, de peccato originis, & natura ho-
minis, de diuina gratia, de fide, de sacramentis, de
missa, de bonis operibus, de humanis traditionibus,
de autoritate ecclesiastica, de libertate Christiana. In
quibus equidem locis contineri vult, quicquid his
proximis annis viginti, de religione inter nos, quos
catholicos censi vel inuitus confitetur, atq; ipsos,
quos Lutheranos aut protestantes vocari affirmat,

C iij in

APOLOGIA ALBERTI PIGHII

in controuersias venit. Luthero se quoque, & cæte-
ros plerofq; eius discipulos, qui ipsius magisterio
ac ductu ad lucem veritatis peruenerunt, velut sub-
sidiarios, aduersum nos adiunxisse in acie, qui ipsos
velut nouarum & damnatarum hæreseon inuen-
tores, propugnatoresq; execrari coepimus. Et hinc
orta, quæ nunc cernimus in religione dissidia: hinc
aucta protractaque adhuc, dum ipsis doctrinæ
Christi, quam profitentur, repurgationem, & ec-
clesiæ disciplinæ correctionem molientibus non
obsequimur, sed resistimus potius. Cætera quæ
subiungit omnia, vel criminationes & in nos con-
uitia continent: vel excusant multa, quæ dissimu-
lare non possunt, pijs omnibus in ipsis merito dis-
plicere: vel quæ excusari non possunt, vt ad ea
conniueamus potius amore reparandæ inter nos
vnitatis, & concordiæ, quam vt sine fine & mo-
do ea exagitemus perpetuo, nobis persuadere co-
nantur: vel denique qui sub ipsorum nomine &
doctrinæ prætextu a fucis multis, qui inter ipsos
sunt, errores multi pestilentes, & fanatici inducti
sunt, vt eos alienos a sua doctrina faciant: vel po-
stremo in Lutheri versantur defensione & laudi-
bus. Quem vnum omni exemptum vult crimi-
ne;

CONTRA MART. BUCERVM.

ne: imo velut heroicum aliquem, & cœlitus de-
missum nobis virum producit, ornatum virtuti-
bus omnibus, & tanquam Christi apostolum.
Nihil hunc vnquam præter Christi gloriam, vt-
que eius regnum hoc vbique erigatur, quæsisse,
aut quærere. Nam de se, & cæteris symmistis suis
Lutheri discipulis, agnoscit ingenue esse pluri-
ma, quæ pijs omnibus merito displiceant, vt qui
iuuenes, imperitique prope omnes, postquam ex
Erasmi, Lutherique doctrina, quid vera esset reli-
gio, intelligere cœperant, ad hanc causam tantam
protracti, multa temere commouerunt in eccle-
sia, quæ præstiterat ne attingere quidem: eaque
audacia soluerint populum & doctrina ecclesiæ
stica, & sacrorum reuerentia, quod nec communio-
nis sanctorum, hoc est, vnitatis ecclesiasticæ con-
seruandæ, nec disciplinæ Christi, & ecclesiasticæ sci-
entiam iustam habuerunt. Nunc vero suos ipsi er-
rores edocti, quicquid ad instituendam verissimam
sanctorum communionem, ad perfectissimam ec-
clesiæ disciplinam vlllo modo facere possit, id non
amplecti modo se paratos esse, & promouere, sed
vt hæc cognoscantur ab omnibus & recipiantur,
pridem summa cura & fideli opera se elaborare, ad
quod

APOLOGIA ALBERTI PIGHII

quod ille nos quoque, vt etiam ipsis coniuncta ve-
lut manu, mutuoque studio & conatu collabore-
mus, adhortari multis pergit: saltem, vt ipsos hac in-
re iam pridem sudantes, non dedignemur adiuto-
res & socios. Quod vtinam sincere faceret: vtinam
sua ipsius verba, quibus nos exhortatur, idem ipse
recte perpenderet: vtinam quales se exhibuerūt ad
dissunctionem, seu luxationem quandam membro-
rum corporis Christi, tales se ad coagmentationem,
reconcinnationemque, atque vnionem eorundem
exhibeant. Et hactenus, quibus ex causis hoc religi-
onis dissidium, & ortum primo, & auctum dein-
de, perductum adhuc & retētum sit, Bucerī senten-
tiam, quanta potuimus fide, luculentia, & breuita-
te explicauimus, totius orationis eius membra, ex-
punctis subinde parergis, ac digressionibus, quibus
incautum lectorem a scopo distrahit, & sensim,
quo vult, ducit, ita secum componentes, vt eius ne-
xum, vim, & efficaciam, & quam apte proposita ab
ipso conclusio ex suis illis deducatur principijs, le-
ctori oculato & dialectice perito intelligere haud sit
difficile. Qua in re, vt & minus exercitato in his, at-
tentoque lectori consulamus, visum est vniuersam
eius compositionem paucis excutere, quo clarius
intel-

CONTRA MART. BUCERVM.

intelligent omnes, quibus hi strophis, technis & verborum fumis, parum cautis, minusque attentis sua persuadere conantur.

Explicatae iam Buceri sententiae de ortu, auctuque controuersiarum, quae nunc religionem conturbant, excussio.



Vdisti Christiane lector, a quibus ille principiis exorsus, quam apte, vereque deducat ortum, progressumque controuersiarum, quae nunc in religione sunt. In quibus ego sane nullam orationis aut ratiocinationis cohaerentiam, imo nihil praeter fumum inanium verborum, praeter scopum vltro citroque currentium video: conaborque, ut idem & tu clare intelligas.

Assumit velut primi principij loco: Quandoque est vitata religio de duobus his capitibus, peruersas opiniones grassari inter homines, nempe: Quibus rebus nobis constet & paretur peccatorum remissio & cum Deo reconciliatio. Quis item sit legitimus Dei cultus; quae grata Deo opera, in quibus pios homines exerceri, & se Deo approbare

D conue

APOLOGIA ALBERTI PIGHII

conueniat. Quod ipsum principium, primo quam sit in se falsum, deinde quam alienum a proposito, nunc demonstrabimus. De dictis duobus capitibus, de peccatorum, inquam, remissione, quibus ea medijs obtineatur, & de legitimo Dei cultu, quis ille sit, & quæ opera Deo placeant, prauas opiniones grassari inter homines, quotiescunque est vitiosa religio, euidenter falsum est. Religionem ego intelligo, & opinionem, quam de numine, aut Deo habent homines: & externum aliquem operum apparatus, cultumque, quo profitentur eandem, & venerari student, quem habent pro numine, iuxta opinionem quam de eodem conceperunt. Veram proinde religionem esse, qua verus Deus vere cognoscitur, & pie colitur: vt ex his duobus integretur vera religio, cognitione, inquam, Dei vera: & cultu pio, qui illam prærequirit, & ex eadem dependet. Porro Dei cognitionem hic intelligimus, non eam, qua ipse cognoscitur in se, sed magis, vt erga humanum genus se habeat, quatenus ipse hoc cognosci vult & dat hominibus. Cognoscitur autem a nobis, partim ratione, mente atque intelligentia, sed a paucis: ijs, inquam, quibus est vita purgator ab animalibus, carnalibusque affectibus,

CONTRA MART. BYCERVVM.

ctibus, nec falsis rerum sensibilibus imaginibus,
quibus hic nos mundus ludificat ac fascinat, in va-
rios errores opinionesque pertrahuntur. His da-
tum est diuina illa, etiam mente atque intelligentia
percipere: sed non admodum multa, & velut per
transennam ac nubilum: quales plurimos sub lege
naturæ fuisse indubitatum est: partim eorum, qui
philosophiæ studio se addixerunt syncerius. Inter
quos, ille Hermes Trismegistus, Socrates, Plato, &
qui cum eis philosophati sunt: partim vero, qui
a pijs parentibus secundum successionem, & ve-
lut per manus, quod & illi a suis maioribus acce-
perant de Deo vero, vera edocti sunt: partim de-
nique, quos singulariter ad hoc illustrauit diuinæ
lucis radius, quorum plerisque & Prophetiæ do-
num elargitus est: quales, quæ commemorantur
a primis illis nostræ religionis aduersus gentilem
superstitionem assertoribus, Sibyllas illas fuisse,
consono testimonio fida testatur antiquitas.
Sed hæc cognitio, ad vulgus hominum non per-
tinebat, nec pertinet. Quibus vt etiam consule-
ret diuinæ erga nos pietatis prouidentia, partim
vivo suo oraculo, partim scripturis Prophetiis
& Apostolicis, quas spiritu sancto inspirati pro-

Dñ dide-

APOLOGIA ALBERTI PIGHII

diderunt sancti Dei homines, partim etiam viua
eorundem traditione, humano generi vniuerso, se,
suamque erga nos voluntatem, & viam, qua perduce
remur ad beatitudinem, publice reuelare dignatus
est. Cuius tam multos, tam certos testes habemus,
tam innumera eiusdem illius reuelationis, atque atte-
stationis testimonia, quibus ille suorum doctrinam
confirmauit, & suam esse demonstraui, subsequen-
tibus eandem signis ac prodigijs, & præter hæc, tot
sæculorum successionem, & fidem consonam, con-
sensumque maximum, ut de eo dubitari a nobis sa-
ne, ad quos ista, ab ipso ecclesiæ initio, ab ijs qui ocu-
lati testes eorum fuerant, continua successionis se-
rie, velut per manus a patribus in filios certissima fi-
de perducta sunt, extremæ dementiæ foret. Itaque
creduntur iam hæc per orbem totum: leguntur, &
magna cum veneratione libenter suscipiuntur a cre-
dentibus populis, velut diuina oracula, quæ mente
atque intelligentia non possunt percipi, & inueni-
untur, qui etiam re ipsa, quod credunt, exhibent,
& sanguinem, ignes, cruces, pro eo nihili facienti
inueniuntur & inuenta sunt tot iuuenum & vir-
ginum milia contemnentium nuptias, casteque vi-
uentium, & qui mundo, & vniuersis, quæ ille sensi-
bus

CONTRA MART. BVCERVVM.

bus ingerit, illecebris, & promittit bonis, renuncian-
tes, voluntariam paupertatem amplexi, relictis abie-
ctisq; omnibus, post nudum Christum crucem su-
am portant. In hæc, illa Dei cognitio, quam fide tan-
tum, non vlla mentis atq; intelligentiæ euidentiâ ac-
cepimus, quin potius in plerisque cum eadem pu-
gnare videtur, in multis, qui eandem ad suam salu-
tem excoluerunt diligentius, profecit & proficit.

Diuinus porro cultus (quæ altera religiõis pars
est) actus est quilibet, quo Deum vt Deum venera-
mur, ac colimus; quem latrâam Græci vocât. Quod
orationibus, quas ad Deum fundimus, id ipsum ex-
primentibus, sacrificijs, & cæremonijs plerisque, at-
que alio externorum operum apparatu fit. Sacrifi-
ciorum hac in re vsus ueteribus multiplex extitit:
quæ quod futurorum adumbrationem quandam
& significationem habebant, quæ deinceps re ipsa
exhibita sunt, nobis quoque sublata sunt, & in lo-
cum eorum omnium, vnicum illud sacrificium sa-
cro sanctum corporis & sanguinis redemptoris no-
stri in eucharistia (quæ commemorationem inge-
rit, eiusdem quidem illius sacrificij, sed vt in ara cru-
cis pro nobis iamdudum oblatum est, quemadmo-
dum

D iij dum

APOLOGIA ALBERTI PIGHII

dum illa vetera tam multa, illud ipsum sacrificium,
 vt futurum, subindicabant) successit. De quo di-
 uinus spiritus per Malachiã Prophetam, id quod
 in Christiana ecclesia ab initio factum cernitur: Ab
 ortu, inquit, solis vsque ad occasum, in omni loco,
 sacrificatur & offertur nomini meo oblatio munda:
 quia magnum est nomen meum in gentibus, dicit
 dominus exercituum. Veteribus etiam cæremoni-
 næ multiplices fuere, ad latrïam, diuinumque cul-
 tum pertinentes: quæ nobis diuini spiritus magiste-
 rio, ab Apostolis, Apostolicisq; viris magna parte
 commutatae sunt. Vniuersa certe forma diuini offi-
 cij, quod in ecclesijs per orbem hactenus celebratũ
 est, & nunc furiosa & sacrilega temeritate Luthes-
 rus cum suis tollere e medio aggressus est, & sustu-
 lit ex suis ecclesijs, tam in orationibus & psalmodi-
 is & diuinis laudibus decantandis, quam cæremoni-
 js sacris, nihil est aliud quam mera, veraq; latrïa,
 verus, piusq; Dei cultus.

In duobus ergo istis cum consistat vera reli-
 gio, syncera, inquam, doctrina fidei, & pio Dei cul-
 tu aut latrïa, si quid in vtroque aut altero vitiatum
 fuerit, vitiatam religionẽ recte dicimus, vt si apud
 quos

CONTRA MART. BVCERV M.

quos vigeat error in doctrina fidei: si modo ille animose, & contumaciter defenditur contra communem traditionem, & consensum catholicæ ecclesiæ, & publicæ, quæ in eadem præsidet, autoritatis sententiam: si item etiam in diuino cultu sit vitium, vt si, quod pro Dei cultu institutum est, aut eundem re ipsa & actu exprimit, impendatur aut diabolo, aut creaturæ alteri: si Deum abominando aliquo, vetito, interdictoque cultu colere studeamus: vt si illi, quemadmodum de lepte scriptura commemorat, superstitione aliqua adstricti immolemus innocentem hominem: si litemus illi humano sanguine, aut necromanticis plærisq; ritibus alijs: si deniq; in vsum reuocare vellemus vetera illa, & abolita sacrificia. Hæc, inquã, propria religionis vitia sunt: hñ veræ religionis corruptores, qui istiusmodi vitia introducunt, atq; introduxerunt, in quæ, vt omnium grauissima peccata, grauissime semper a Deo animaduersum est.

Cætera ad Deum & proximum officia, siue illi, mente ab his terrenis fecibus defecata, pio amore inhæreamus: siue proximo charitatis, quæ lex Dei & naturæ requirit, impendamus officia: seu denique luctemur nobiscum, quo mortificemus veterem hom

APOLOGIA ALBERTI PICHIJ

hominem, & subijciamus imperio spiritus, ad latriam proprie non pertinet: nec inducta inter plerosque religiosi sodalitij his contraria vitia, ad religionis vitia pertinent, vt si quis inter nos viuat carnaliter, luxurietur, crapuletur, inebrietur, mammonae deseruiat, non impendat proximo charitatis officia, sed contra, verbo & re illum offendat potius: si quis diuinæ offensæ, cuius sibi est conscius, non sincere poeniteat. Hæc, inquam, vitia religiosos quidem vitiant, sed religionem ipsam non vitiant, nisi accedat, aut præcedat error in doctrina fidei: pestilens, inquam, persuasio aliqua, qualem ex aduersariorum doctrina conceperunt non pauci: imo qualem eam ipsa aptissimis verbis docet atque asserit, vniuersa hæc vitia ad assequendam salutem nobis impedimento non esse, modo vna fides adsit, qua quis sibi firmiter persuadeat, Christum abunde dependisse pro suis peccatis omnibus: eius satisfactionem ad se certo pertinere: iam se in Christo factum Dei filium, atque illum se propitium patrem habere, quibuscunque alioqui peccatis alijs contaminata vita eius fuerit: solam fidem esse necessariam: cætera omnia liberrima, nec præcepta, vt inquit ille, nec prohibita. Credentis in Christum

CONTRA MART. BVCERVVM.

stum nulla esse opera tam mala, quæ eum possint
accusare aut damnare. Nullum est peccatum, quā
vnam infidelitatem: nullam iustitiam, quam vnam
fidem. Non dubitandum nobis de salute, postquā
baptizati sumus: quod promissio ibi facta, non sit
vllis peccatis mutabilis: proinde baptizatū, etiam si
vellet, non posse salutem suam perdere, nisi nolit cre
dere. His, inquam, atq; eiusmodi, quibus vniuersa
doctrina Lutheri & aduersariorum passim scater,
qui semel induxit in animum credere, suis peccatis
& carnalibus vitijs, in quibus molliter quiescit, ne
cessario adiungit hunc errorem pestilentissimum,
& vniuersæ religiosæ disciplinæ aduersantem, quo
sibi persuadet, hæc sua vitia non fore illi ad salutem
impedimento, modo, quam illi docent, fidem vel
solam habeat: si ipsorum Euangelio credat: si ni
hil dubitet se Dei filium, propterea quod ita cre
dit, sicut prædictum est, etiam quicquid de vita sua
fuerit: etiam quantumcunque alioqui diuina gra
tia indignus fuerit, quæ nihil moretur dignitatem
nostram, præparationes & opera. Istiusmodi igitur
errorem omnium perniciosissimum qui carna
libus hominibus & peccatoribus instillant, religi
onem grauissime vitiant: non illi, qui quāuis pecca
tores

APOLOGIA ALBERTI PIGHII

tores & carnaliter viuentes, synceram tamen religionis doctrinam adhuc recipientes, ecclesiasticæ disciplinæ nihilominus subiecti sunt, cuius erga eosdem corripiendos et reducendos adhuc valet energia & seueritas. Quā vt in ecclesijs suis se funditus sustulisse, sua, quam confitentur, imprudentia, qua ab initio vsi sunt, sero, vt audisti, agnoscunt, & sero intelligunt aduersarij, nec fere sperant eandem posse restitui, quando nec viuo Luthero, cæterisque symmistis eius adhuc constitui potuerit: ita iam experiuntur, nullam sine ea posse conseruari religionem inter homines.

Quorsum vero hæc paulo altius exorsa, & prolixius explicata sunt? Imprimis ex his Christiane lector intelligis, quā ille falsum prædat suæ orationi, qua explicare conatur causas cōtrouersiarum, quæ in religione sunt principium: quas vniuersas, cum sit euidentis, apud illum cum suis existere, in nos transferre conatur. Euidēter enim falsum est, quod ille primi principij loco assumit: Quotiescunq; est vitiosa religio de duobus his capitibus, peruersas opinioniones grassari inter homines, de peccatorum, inquam, remissione, quibus ea medijs paretur: & de cultu Dei legitimo, quis ille sit, & quæ opera Deo pla-

CONTRA MART. BVCERVVM

placeant. Quanq̄ hoc, velut caput tertium, vt dispa-
ratum a duobus prioribus debuisset adiungere.

Vitiatur imprimis religio per omnem hæresim,
et errorem introductum in doctrina sanæ fidei. At
non in omni hæresi de dictis capitibus introductæ
sunt controuersie in ecclesia, & prauæ opiniones, er-
roresq; recepti inter homines. Cum Arriana pestis
vniuersam pene Oriëntalem infecisset, nec minus cō-
turbasset Occidētalem ecclesiam, certum est grauissi-
me vitiatam religionem fuisse, vbicunq; ea hære-
sis recepta fuerat. Idem factum inficiari nemo po-
test, in vniuersis introductis ab initio, a Martione,
Valentino, Basilide, Apelle, Eutychianis, Ebionitis,
Patripassianis, Manicheo, eorumq; complicibus et
sectatoribus, cæterisq; omnibus, q̄ vsq; nunc fuerūt
ab initio: ne in enumerādo sim frustra prolixior. In
quarū tamen nulla, controuersie vllæ de prædictis
capitibus introductæ sunt in ecclesiam: nec est lege-
re in vllis monumētis veterum, aut qui dimicarūt
aduersus sui sæculi hæreses & hæreticos, aut qui ca-
talogon nobis prodidere hæreseon, de dictis capiti-
bus vllō vnq̄ errores doctrinæ sanæ fidei contrari-
os viguisse, & publicos alicuius nominis assertores

E ij ha-

APOLOGIA ALBERTI FIGHII

habuisse in ecclesia præter eos, quos primus intro-
duxit Lutherus & aduersarij.

Res, quibus nobis constat, ac paratur peccatorū
remissio, semper extra omnem controuersiam fue-
re. Imprimis fides orthodoxa & catholica, sine qua
impossibile est placere Deo. Deinde sincera poenitē-
tia uitæ veteris, & ad Deum vera per amoris syn-
ceri affectum conuersio: quæ ex fide illa, velut ex ra-
dice, per sua media procedunt & germinant. Quæ
vero illa sit vera, et Deo accepta poenitentia, & quæ
sit, & semper fuerit catholice ecclesie de eadem sen-
tentia, controuersia de poenitentia euidentis fecimus:
nec minus, quos aduersus eandem impios errores
Lutherus cum suis primi introduxerunt, quam
miris ac miseris eam modis obscurarint, & non il-
lustrarint, vt fallissime ac vanissime gloriari non
cessant. De diuino cultu legitimo, quis ille sit, æque
nulla vnquam fuit hæresis in ecclesia, nec dubita-
tum a Christi fidelibus: Is nempe ille, qui toto orbe
in ecclesijs pro diuino cultu ab initio receptus, &
publice celebratus cernitur, in offerēdo illo sacrosan-
cto altaris sacrificio, corporis & sanguinis redēpto-
ris nostri, in cōmemorationē eiusdē illius sacrificij,
vt in

CONTRA MART. BVCERYM.

vt in ara crucis oblatum est: cæteroq; vniuerso, qd
dicimus, diuino officio: in solennibus illis orationi-
bus, diuinis laudibus, psalmodijs, sacrisq; cæremoni-
is, quæ toto orbe celebrantur in ecclesijs. In quarū
paucis etsi varietas nonnulla incidat, ea nec pietati,
nec religionis vnitati, synceritatique in vllō officit.
Quæ Deo placeant opera, vt a prædictis plane dis-
paratum caput est (multa siquidem Deo placent,
quæ ad latrām & diuinum cultum propriē non
pertinent) ita nunq̃ ab initio a pijs dubitatum est,
sed ipso velut cōmuni naturæ sensu intellectum ab
omnibus: nempe quæcunq; a nobis fiunt pio erga
deum affectu: siue ea fiant honoris eius gratia: qua-
lia sunt vniuersa, quæcunq; ad latrām, & cultū eius
propriē pertinere paulo ante ostendimus: siue quid
faciamus, aut nobis imponamus graue, poenale, &
asperum, quo ita vlciscamur in nobis ipsis peccata, qui-
bus eius maiestatem nos offendisse nobis sumus con-
scij, impendētemq; nobis iram eius hoc pacto auer-
tam, anteuertamus iudicium, & impetremus mi-
sericordiā: nos ipsos videlicet affligentes in ieiunijs,
fletu, planctu, victu ac vestitu, duris & asperis, in cili-
cio, sacco, cinere, atq; eiusmodi: seu etiam hæc mortifi-
cationis veteris hoīs, & sanctificationis nostræ, li-

E iij berta

APOLOCIA ALBERTI PIGHII

bertatisq; spiritus causa peragimus: seu deniq; quæ
cunq; proximo, ex pietatis affectu, impēdimus cha-
ritatis officia. Vniuersa hæc Deo placere, etiam si a
Deo præcepta & exacta nō fuerint, sed posita in no-
stro arbitrio, modo adsit in his oculus purus & sim-
plex, ex quo æstimatur hæc nostra opera oīa, nunq̃
ab initio prijs omnibus (etiā priusq̃ e cruce orbi co-
ruscaret Christi euangeliū) dubitatū extitit: sed ve-
lut naturæ quodā sensu intellectū: qui suis illū pec-
catis non prorsus obscurarunt. Fuerunt equidem,
& adhuc sunt, sed carnales plane & brutales hoīes,
quos atheos verius & Epicuræos, q̃ Christi fideles
dixeris, qui de his impie sentiāt: sed quæ publice ad-
uersus ea introducta sit heresis, nominatim aliquem
assertorem habens, ante natum Lutherū nulla legi-
tur. Qui cum suis quam multiplices in his & perni-
ciosos, atq; adeo palpabiles errores primus oīm in-
troduxerit in ecclesiam, locis plæriscq; explicatarum
a nobis controuersiarum euidentissime demonstra-
uimus.

Ad quæ vniuersa Bucerus stupenda plane diffi-
mulans impudentia, nec verbum habens qd̃ queat,
aut me viuo audeat contra hiscere, sola tamen impu-
denter asseuerandi temeritate & audacia, Lutheri
suo

CONTRA MART. BVCERVVM.

fuorū de his doctrinam pergit asserere, & efferre
vt piam: & nostram ex aduerso calumniari vt fal-
sam atq; impiam: Qua ego impudentia nihil cogi-
tare possum impudentius: perinde quasi stipites fa-
ciat omnes homines: aut nullos legisse nostra, sibi ad-
uersus seipsum persuadeat, vt quæ lecta pluribus,
quam cupiat, & maiori fructu, quam velit, idē ipse
dissimulare non potuit, quod ex prioribus potuisti
lector intelligere. Quemadmodum et ex his, q̄ nunc
explicauimus, quā falsum idem, & quam alienum a
conclusionē, quam stabilire nitebatur, principium
assumpserit: vt ex quo diligenter excusso euidenter
apparet, quas ille causas controuersiarum introdu-
ctarum in ecclesiam, quæ item in religionem inuecta
vitia conatur transferre in nos, ea vniuersa excitata
prodiisse a Luthero & exculta a suis: tametsi & ab
alijs eorum semina diuinæ sementi callide ac dissi-
mulanter inspersa sunt, dum nō satis aduigilarunt,
sed ocio, torpori ac somno dediti fuerunt, quibus
dominici agri cura & cultura commissa extitit.

Sed nunc, ad pensum vt recurrat oratio, demon-
strauimus euidenter falsum esse, quod ille primi prin-
cipij loco assumit: de duobus illis, q̄ cōmemorat, ca-
pitibus,

APOLOGIA ALBERTI PIGHII

pitibus, aut tribus potius, prauas opiniones grassari inter homines, quotiescunq; est vitiatā religio: imo nunq̄ de illis ipsis capitibus prauas opiniones, ac sanæ fidei repugnantes errores publice receptos a quibusuis in ecclesia, etiam quantumuis grauit̄ vulnerata vitiatq; religione: nisi quos primi ipsi multi- plices & perniciosissimos, caputq; omnis religionis tollentes, introduxerunt in ecclesiam. Fecisse illos maxima parte, quæ sunt, non inuenisse religionis vitia: fuisse vitiosos & carnaliter viuentes plurimos, qui nunq̄ ab initio defuerunt ecclesiæ, sed hi admonitionibus, correptionibus, & ecclesiasticæ disciplinæ seueritate reducendi fuerant, atque etiam docendi, si quibusdam etiam erroribus doctrinæ sanæ aduersantibus inuenti fuissent obnoxij. At cum illi vniuersam ecclesiasticæ disciplinæ vim imprudentia sua funditus sustulisse a suis ecclesijs, vel inuiti cogantur agnoscere, quam etiam in nostris magna ex parte labefactasse eosdem, re ipsa experti dolemus ex animo, quam sint bene de ecclesia & religione meriti, nulli obscurum est.

Si fuerunt quidā inter nos tam carnales & crassī, qui sine fide, sine diuinæ offensæ poenitentia & pie-

CONTRA MART. BVCERVVM.

pietate in Deum, in externa tantum illa operum facie, quæ ad latriam proprie pertinent: ad hæc, in corporis exercitatione, ieiunijs, vigilijs, vitæque austeritate, quam sibi vltro imponunt homines, vniuersam salutis ponebant fiduciam, hi ad sanam ecclesiæ doctrinam reuocandi fuerant: & docendi, hæc quidem Deo accepta & gratissima, quando procedunt ex fide & pio in Deum affectu, & amore (vnde nostra opera omnia, atque adeo ipsa fides, vitalem suam energiam suscipit, nisi mentiatur Iacobus Apostolus.) Sed vbi abest ille, in cæteris operibus nostris, etiam qualibuscunque, frustra vllam spem salutis constitui. Ipsum esse amorem, qui nos Deo coniungit, & nos, nostraque opera illi commendat, acceptaque facit: ad quem vsque in mortem nos permanere affirmat ille Euangelistarum coryphæus Ioannes. De quo in controuersia de Iustificatione hominis plenius pertractauimus: & adhuc post incidet locus proprius & necessarius.

Quod vero crassissimus ille, & pene brutalium hominum error, vniuersos ecclesiæ ordines occupauerit, usurpatum, temerarium, & falsissimum est de alienis seruis iudicium, Inter quos multi sunt, qui

F do

APOLOGIA ALBERTI PIGHII

domino suo stant, & steterunt, quos iste iniquissim^o suo iudicio condemnat: omnium vitam odiosissime proscindit: præcipue autem Romanos pontifices (quos ouilis sui pastores & rectores ipse nobis Christus pro se substituit) amarulentissimis cõuitrjs flagellat: ne nusq̃ non prodant energian paraleti, qui per ipsos loquitur, & quod ad Christi ouile, hoc est, catholicam ecclesiam non pertineant. Sed suum ipsi portabunt iudicium.

Quod dicit, primum Erasmus diuinitus inspiratum, dictum errorẽ successu & fructu aliquo cœpisse conuellere, mirandum sane est, vt illũ hoc non pudeat. Nam cum dictus error nullum vnq̃ assertorem habuerit, nihil opus erat eundem accurate conuellere, sed tantum sanam de eo pietatis doctrinam, nemini ignoratam (qui ad eam aduertit mentis oculos) diligenter proponere vulgo carnalium hominum, & mentibus illorum sedulo instillare.

Si docuit Erasmus, quod de ipso Bucerus affirmat, probari Deo non posse opera, nisi quæ iuxta præceptum eius eo spectent & valeant, vt proximo ad bene pieque viuendum per ea commodetur, vt
plæra=

CONTRA MART. BYCERVVM.

pleraque alia impie docuit: quemadmodum plæ-
risq; locis explicatarum a nobis controuersiarum
euidens fecimus. Nunquid diuinus spiritus non af-
firmat placuisse Deo Abelis oblationem & sacrifi-
cium, quod illi de primogenitis gregis sui & adipi-
bus eorum obtulit: nunquid Dei vllum de eo præ-
ceptum proferent: nunquid eo spectauit sacrifi-
cium illud, vt ad bene pieque viuendum commo-
daret proximo: nunquid Deo placuisse idem di-
uinus spiritus non affirmat, quod Noe post dilu-
uium arcam egressus, ædificato altari, de pecori-
bus & volucribus mundis, que secum arcam exie-
rant, holocausta obtulerit: nunquid eius sacrificij et
oblationis vllum Dei præceptum demonstrabunt:
nunquid etiam eo spectabat ille sacrificans, vt ad be-
ne pieq; viuendum commodaret proximo: & non
potius, quẽadmodum & Abel ille, vt hoc ipso exter-
ni cultus genere, Deo honorem impenderet: In A-
brahã, Isaac, & Iacob, de externis cultibus, quos Deo
absq; vlllo præcepto, absq; vlllo ad proximũ res-
pectu exhibuerunt, plærisq; locis diuina scriptura cõ-
memorante, idem inuenies. Rechabitæ speciale vi-
tæ institutum sectabantur, seuerius præ cæteris sui
populi & expeditius, quo suæ peregrinationis

F ij mone

APOLOGIA ALBERTI PIGHII

monebantur, neq; hic se habere manentem ciuitatem, aut patriam, sed futuram inquirere: quod Deo placuisse, idē ipse per Prophetam attestatus est: nec tamen de eo vllum Dei præceptum acceperant: nec vt proximo per id commodaretur, idem illud vlla ratione pertinebat. Elias, Elisæus, cæteriq; Prophetarum domini, nullo Dei præcepto adstringebantur præ cæteris ad vitam coelibem, & illam seueram ieiunijs & vigilijs, laboribus, vestitu, cubitu, cæteroq; victu & habitu, duram atque asperam, qua tamen singulariter præ cæteris illos placuisse Deo, vniuersa scriptura testis est. Nunquid ergo Deo probari non possunt opera, nisi quæ iuxta eius præceptum eo spectant & valeant, vt ad bene pieq; viuendum per ea commodetur proximo? Hæc præcepta non erant, sed vltro assumpta: nec ad proximum respiciebāt, sed ad mortificationem carnis & puritatem, sanctificationemque spiritus, per quam diuinis illustrationibus se reddebant organa congrua. Et quid dicent de Præcursores domini, cui in eremo ab ipsa pene infantia solitariam vitam viuenti, melota vestibus: locusta, mel syluestre, & aqua, cibus potusq; fuerant, & victu rigidissimo eiusmodi indefesse se affligebar? Quid de primis illis monasticis
&

CONTRA MART. BUCERVVM.

& anachoriticæ vitæ patribus & cultoribus: quos
feruens illa nobis produxit primitiua ecclesia. De
Paulo. Anthonio. Paphnutio & similibus. Quid
de his, quorum Apostolus gloriosam atq; ardentis-
simam fidem nobis imitandam proponit: qui cir-
cuierunt in melotis & pellibus caprinis, errantes in
solitudinibus, in montibus & speluncis & cauernis
terræ. Horum vitæ institutum, si ad Erasmi illud
axioma exigas, Deo placere non potuit: si ad illud
Buceri, quod præmisimus, ambitiose, imo & furio-
se superstitioni in eo ipso etiam fuerunt, quod corpo-
ri condita, & concessa a Deo bona subtraxerunt vl-
tra, quam eo conferebat, vt sobria pietate, & pia so-
brietate nomen Dei sanctificarent ad proximos.
Quid deniq; de his dicturi sunt, qui diuinæ maie-
statis oculos grauiter offendisse sibi conscij, et im-
pendentem ob id eius iram metuentes, aut alioqui
singulare aliquod a Deo implorantes auxilium, ad
ieiunium, saccum, cilicium, et cinerem, orationes in-
terpellatas singultibus & lachrymis, in terram quo-
que prostrati semper confugerunt. Ita sæpe fecisse
Dauid, ita Ezechiam, ita Esdram illum, cum a rege
Persarum acceptis mandatis & muneribus, cum ca-
ptiuitatis reliquijs longo infestoque itinere profici-

F iij scen

APOLOGIA ALBERTI PIGHII

scendum sibi esset in Hierusalem. Ita Hierosolymitas, cum Nabuchodonosor per Holofernem militię suę principē ipsis rursus minitaretur seruitutem & exterminium. Ita Iudith, Ester, Danielelem, Machabæos, breuiter, pios omnes fecisse semper, & nec sine fructu, & impetrata a Deo misericordia fecisse, vniuersa scriptura testis est. Et quid illi Niniuitæ? Cum & rex et populus subuersionem ciuitatis suę audissent denunciari a Propheta, credētes quidem in dominum, & nihilominus de infinita eius benignitate non desperantes, ad poenitentiam conuersi prædicauerunt ieiunium: & humiliati coram Deo in sacco & cinere, & se mutuo excitantes ad implorandam eius misericordiam: Quis scit (inquiunt) si conuertatur & ignoscat Deus, & reuertatur a furore irę suę, & nō peribimus? Et quis obsecro hos docuerat his medijs placare Dei iracundiam: eius vindictam deprecari, & misericordiam gratiamq; quærere? Nihil certe inuenies aliud, quam illam ab initio omnium Deo fidelium communem fidem, persuasionemq; publicam: ex qua semper p̄j omnes ad eundem finem assequendum, ad eadem quoque media confugerunt. Quid ergo de his dicturi sunt? Certe secundum Erasmi illud axioma, Deo hæc

CONTRA MART. BUCERVM.

hæc eorum opera placere non poterāt: vt quæ præter eius præceptum vltro assumpta, non eo spectabant, vt proximo per ea commodaretur. Secundū aduersariorum vero doctrinam, quam in confessione suæ fidei atque eius apologia publice asserunt, atrociori etiam censura percelluntur. Neque enim solum ingrata Deo, & illis, qui ea fecerunt, inutilia, sed etiam perniciosa, impia, a dæmoniorum doctrinis introducta fuerunt: quia facta ad placandum Deum, ad eius impetrandam gratiam, promerendamque misericordiam. Et quid diuina scriptura? Vidit, inquit, Deus opera eorum, quia cōuersi sunt a via sua mala, & misertus est super malitia, quam locutus fuerat, vt faceret eis. An hic non vides diuersissimum Dei ab Erasmo & Lutheranis iudicium? Vidit Deus opera illorum, quæ, qualiaq; audisti: nempe quæ præter diuinum præceptum vltro ab illis assumpta, non eo spectabant, vt per ea cōmodarent proximo, sed vt diuinam per ea placarent iram, & impetrarent misericordiam. Quid tum deniq; nunquid propterea detestatus est eos? minime omnium: sed misertus est eis, operum eorundē respectu ac intuitu. Et adhuc Bucere (vt te compellem) doctrina vestra per omnia concordat cum diuina

APOLOGIA ALBERTI PIGHII

uina scriptura, & catholicæ ab initio ecclesiæ, sancto-
rumque omnium sententia, cum qua pugnet nostra
ex diametro. Potestne quicquam dici, cogitarique
impudentius?

Lutherum successisse Erasmo, qui hoc molitus
sit ab initio, non ut duo illa capita Christianæ do-
ctrinæ (Qua nobis ratione cum Deo sit redeūdum
in gratiam, & quis illi ex nobis cultus placeat, &
quæ grata opera) pura ac solida extarent in ecclesi-
is: sed potius perniciosissimis erroribus suis ea cor-
rumperet, & in vniuersa pene Christianæ doctri-
næ capita temerarias & sacrilegas manus inijceret
in locis, quos commemorasti, in quæstionibus om-
nibus & in explicandis, quæ inter nos & vos sunt,
controuersijs, ipsa luce clarius fecimus: nec minus
etiam hic euidentem faciemus de omnibus, quorum
hoc loco tractatio incidet. Non ergo, quas tu Buce-
re videri vis, eæ causæ sunt, vnde, quæ nunc cer-
nuntur religionis dissidia, exorta, aucta, & vsq; nūc
retenta sunt, sed quod vniuersa pene religionis, &
Christianæ doctrinæ dogmata perniciosissimis er-
roribus vestris inseritis. Et prætera (quod ipsi dis-
fiteri non potestis) multa temere impudenterq; cō-
mo-

CONTRA MART. BVCERVN.

moventes, omni religione & sacrorum reuerentia
soluistis populum, atque illi persuasistis ecclesiasti-
cam disciplinam omnem contemnere, partim ex il-
lo, quod supra extulisti, Erasmano axioma: Nul-
la Deo placere posse nostra opera, quæ non iuxta
eius præceptum fiant, atq; eo pertineant, vt per ea
cōmodetur proximo: partim ex vestri euangelij, q̄
illi superaddidistis, proprijs. In quo cum imprimis
doceri coeptum est. Quicquid in diuinis scripturis
non habetur, hoc plane additamētum esse satanæ.
Deinde (quēadmodū adhuc habet decimus quin-
tus vestræ cōfessionis articulus) Quod humanę tra-
ditiones ad placandum Deum, ad promerendam
eius gratiam, & satisfaciendum pro peccatis, aduer-
sentur euangelio & doctrinæ fidei. Quas traditio-
nes humanas intelligatis, velut enumerando parti-
culatim exprimitis, vota, inquam, monastica: consti-
tutas viuendi leges & regulas, vel præscriptas a su-
perioribus, vel quibus sua se sponte adstringūt, qui-
bus ea cordi sunt: præterea ciborum discrimina, &
ieiunia, quæ præcipiuntur atq; obseruantur in ec-
clesia: breuiter, quicquid a sanctis patribus traditū
institutumque est, eo pertinens & respiciens, vt ab-
renunciato mundo, supplātata carne, cōlestem vi-

G tam

A P O L O G I A A L B E R T I P I G H I I

tam in mortali carne meditentur homines : &
 nos Iudæos facitis, qui his contradicentes, doctrina
 nis dæmoniorum obruimus euangelium : nec mi
 nus catholicam Christi ecclesiam, quæ autoritatem
 Romani Pontificis agnoscit & sequitur, Antichristi
 regnum, quod in his a vobis dissentiat . Sed si
 est Antichristi regnum, quæ in his dissentit a vo
 bis ecclesia, vbi ergo, & quæ catholica Christi ec
 clesia . Quam vniuersam ab ipso sui initio, quanta
 fuit, est, & erit, dissentire, ac dissensisse a vobis in
 his omnibus, in plerisque explicatis a nobis con
 trouersijs, ipsa meridiana luce clarius fecimus .
 Quæ est ergo illa, quam perpetuo iactatis, catholica
 ecclesia, cuius sententiæ & fidei, vestra hæc con
 cordat sententia ? An Abel, Noe, Abraham, Isa
 ac, Iacob, Samuel, David, Esdras, Iudith, Hester,
 Daniel, Machabæi, ille domini præcursor Ioan
 nes, illi admirabiles patres nostri anachoriticæ vi
 tæ primi cultores, illi gloriosi duces, & doctores no
 stri, Dionysius, Clemens, Origenes, Cyprianus,
 Basiliius, Hilarius, Hieronymus, Ambrosius, Au
 gustinus, Gregorius, cæterique vniuersi, quos ec
 clesia agnoscit & celebrat . An, inquam, hi omnes
 membra non fuerint catholicæ, quam iactatis
 eccles

CONTRA MART. BVCERVVM.

ecclesiæ? aut nunquid forte diuersa eorum fides
fuit a catholicæ ecclesiæ fide & sententiâ? Et hi om-
nes, quod obiter supra, copiosius autem alibi
demonstrauimus, non solum verbis, sed re ipsa
& vita, vestram in prædictis omnibus condem-
nant sententiam. Sed fingite qualemcunque volue-
ritis ecclesiam, quæ sit vobis catholica, an stanti-
bus dictis principijs vllus ordo, vlla disciplina, vllus
magistratus, vllum officium, conseruari, ge-
ri, administrarique potest in quacunque demum
ecclesia? An cuiquam obscurum est absque disci-
plina & cæteris, sine quibus ea constare non po-
test, nullam subsistere vnitatem religionis & fidei
in vlla societate ecclesiastica? Nam eam vbi tol-
las, ibi videas omnia pessum ire licentia: & con-
temptu pietatis & religionis in carnem & impie-
tatem vniuersa recidere. Quod verò constare hæc
non possit, si tollas Hierarchiam ecclesiasticam,
aut Hierarchis suam auctoritatem detrahas, ipsa rei
euidencia conuicti fateri ipsi sæpe cogimini. Ae-
que illud, quod suis legibus & constitutionibus
contineatur necessario: quibus sua quæq; præscri-
buntur moderanturque officia: vel certa quædam
imperantur Christifidelibus, quæ ad finem eccle-

G ij siastis.

APOLOGIA ALBERTI PIGHII

fiasticae societatis pertinent, & ad pietatem promouent: vel denique ordo, decor, & honestas conseruantur in ecclesia.

Ad primum genus pertinent, quæ ad ecclesiasticos ordines, magistratus, & publicæ disciplinæ, sacrorumque administrationes, eorumque functiones pertinent. Secundi generis sunt ieiunia quadragesimæ, & aliorum non multorum dierum: et quibusdam per hebdomadas diebus interdictus esus carniū: item certorum dierum sabbatismus, ac solennis observatio in diuino cultu, in verbi Dei studio atque audientia: poenitentia atque eucharistia præscripta in Paschate, & si quæ sunt alia istiusmodi. Ad genus tertium pertinent cæremoniæ sacrae, quas ab ipso ecclesiæ initio toto orbe Christiano usque nunc observatas cōspicimus in ritibus certis, qui in diuino cultu et officio, in ecclesiasticis sacramētis tractandis, tradendis atque administrandis, ceterisque symbolis sacris, quæ vsitatur in ecclesijs, sunt. Quorum vsum vetustissimum esse et ab ipsis usque Apostolorum temporibus ad nos descendisse, & spūs sancti magisterio per Apostolos, Apostolicosque viros traditū, alibi ex scriptoribus eorundē temporis, Dionysio, Policra-

CONTRA MART. BUCERYM.

licrate, Clemēte, Tertulliano, Origene, cæterisque subsequutis omnibus evidens fecimus. In quibus omnibus, ecclesiæ filios vivere teneri ab antiquo, imo ab initio obseruatis in ecclesiastica domo ritibus, consuetudinibus & legibus, obedireque constitutis sibi a Deo præpositis, & magistratibus sacris in Hierarchia ecclesiastica, ut alibi a nobis copiose & accuratissime, nec vno loco demonstratum est, ita (ut aliud stantes, aliud sedentes quod dicitur) ipsa rei evidentia cōuicti, quis contra suum ipsorum euangelium, sua quæ audisti principia, sæpe fateri coguntur aduersarij, ut Philippus in sua Aristotelicorum Ethicorum epitome: Aequè & tu Bucere in pastore tuo: nec minus sæpe in hoc ipso, quem nunc excutiendum desumpsimus, libello.

De quibus hoc tamen maximopere mirandum mihi est, quod in doctrina vestra vobiscum vos non constare, sed toties euidenter pugnare non aduertitis. Nam si est verum, quod est verissimum, & ipsi nobiscum sæpe confitemini, in ecclesiasticarum constitutionum præuaricatione periclitari duas res momenti maximi in Christi ecclesia: disciplinam nempe, & tranquillitatem harmoniamque status publici. Si disciplinæ causa (quod æque ipsa rei eviden-

G iij tia

APOLOGIA ALBERTI PIGHII

tia conuicti fatemini) opus est certis legibus, ordina-
tionibus, caremonijs quoq; & ritibus, quibus ve-
lut pædagogia quadam contineantur, exerceantur-
que simplices: imo si (quod & ipsum non diffitemi-
ni) ratio exigit, rei euidentia requirit, euangelium iu-
bet, vt eiusmodi pædagogia exerceantur homines:
& æque, si tranquillitas, vnitas, & harmonia ecclesiæ
pendent ex ordine & consensu publicorū rituum,
qui vt conciliat & consociat homines, ita confusio
ordinis, & discrepantia rituum distrahit animos &
ingentes tumultus, æternaq; bella parit. Si, inquam,
hæc ita se habeant, vt habent verissime, etiam vobis
ingenue confitentibus, primum cōsiderate obsecro,
quis vestræ doctrinæ cōsensus sit, & quomodo ista
quadrent cum vestro euangelio, atq; illis eius, quæ
commemorauimus, velut primis principijs: & de-
inde quam sitis bene meriti de Christi ecclesia.

Quæ in-
comoda
inuenerit
Luthe-
rus cum
suis: &
vñ hæc
in religi-
one disti-
dia.

Anteq̃ prodiret nouum illud vestrum euangeli-
um, religionis & fidei publicorumque rituum, ma-
gnus consensus erat in ecclesia: constitutionesq; ec-
clesiasticæ religiose obseruabātur a Christifidelibus
omnibus: agnoscebaturque ecclesiasticæ Hierar-
chiæ, & Hierarchis eius sua autoritas: per quam vi-
gebat

CONTRA MART. BVCERVVM.

gebat adhuc qualiscunque disciplina ecclesiæ: & reuerentia mœtuque supremæ autoritatis in eadem præsidis, tam sacri quam profani magistratus continebantur in officio: nempe in quos delinquentes, corrigendos, atq; etiam vbi id excessus grauitas & exempli pernicies requirebat, amouēdos magistratu & officio, constante ac vigente religionis vnitate, eius valebat autoritas. At postquam nouæ eius fidei vestræ, nouique euangelij doctrina in orbem inuecta est, postquam doceri cœpit, esse additamentum satanæ, quicquid in diuinis scripturis non habetur, aduersari euangelio Christi & doctrinæ fidei, quicquid præceptum ab ecclesia aut superioribus, sine expresso de hoc Dei præcepto facimus, si ad placandum Deum, ad eius gratiam promerendam, expiandaque peccata nostra id ipsum valere, persuasi facimus. Postquam noua hæc dogmata vestra inuecta sunt, primum omnium, omnes leges, & constitutiones ecclesiasticæ, ac pontificiæ sunt sublatae e medio, vt mera figmenta, mendacia atque additamenta satanæ: & ecclesiastici canones, iusque pontificium, ex vestri illius Apostoli & Euangelistæ autoritate, in derisionem & contumeliam, publico damnatum incendio.

Sacer

APOLOGIA ALBERTI PIGHII

Sacerdotium, quale solum eatenus nouerat Christi ecclesia, episcopali ministerio, ritu a maioribus accepto, tradito, & toto orbe obseruato ab initio (quod controuersia decima euident fecimus) eadem auctoritate pronunciatum est idolum esse, & figmentum ignorantium hominum. Missas, in quibus Deo offertur illa sacrosancta oblatio corporis & sanguinis Christi in eucharistia, quemadmodum maximo consensu, quanta quanta est, ab initio fecisse vniuersam Christi ecclesiam controuersia quinta demonstrauimus, docere coepistis esse summam impietatem & idololatriam. Obliterastis tot sæculis vnanimi consensu obseruatum in hac Occidentis & Latina ecclesia publicum ritum ac formam celebrandæ missæ, atque eius etiam canonem, quod sacrificij & diuorum mentionem faceret: & pro eis statuistis parum sana Lutheri vestri somnia. Idololatrias pronuntiastis nos vniuersos, qui maiorum, & vniuersæ ab initio ecclesiæ ritu (quod decima tertia controuersia euident fecimus) diuos coleremus iam regnantes cum Christo, eos inuocaremus in necessitatibus nostris, atque eorum imploraremus apud Deum suffragia: quod cum ueneratione eorundem haberemus reliquias: eosdem honoraremus

CONTRA MART. BVCERVVM.

raremus positis statuīs, imaginibus, picturis: imo
quod Christum adoraremus, quamuis vere nobis
præsentem in eucharistia. Exhibatū, proscriptum,
& anathematizatum est per vos, quicquid eatenus
sine scripto, velut ex Apostolica traditione, omni-
bus sæculis, toto orbe seruauit Christi ecclesia: nem-
pe ritus vniuersus benedictionum & consecratio-
num ecclesiasticarū: in chrismate, in oleo sacro, in sa-
cro fonte, in aqua lustrali, in cereis, in locis, templis, al-
taribus, vestibus, vasis diuino cultui mancipatis, bre-
uiter quicquid est sacrorum rituum, quicquid cære-
moniarū in tractandis, tradendisq; sacramētis eccle-
siasticis, quo ita sacrorum omnium reuerētiā de-
traheretis populo. Vniuersam diuini cultus, qui in
templis peragitur, & eatenus toto orbe summa cū
religione, pietate, ac deuotione Christifidelium per-
actus est, illam exteriorem faciem, impietatem, An-
tichristi laruas ac faciem pronunciaſtis, præsertim
si existimetur ad pietatem conducere: persuasistisq;
& inculcastis hominibus, & sustulistis e vestris ec-
clesijs. Aboleuistis festiuitates publicas, quibus vel
redemptionis nostræ mysteria, vel gloriosos sancto-
rum patrum nostrorum de hoc mūdo triumphos
recurrente per annum celebritate recolimus. Abo-
H leuistis

APOLOGIA ALBERTI PIGHII

leuistis ieiunia, tum alia, tum quadragesima, quæ ab ipsis vsque Apostolorum temporibus toto orbe tota obseruauit ecclesia. Et, quem eadem induxit, ciborum delectum etiam sustulistis e medio, et cum alijs plerisque diebus vos magis iuuat piscibus quam carnibus vesci, quibus diebus illis interdixit ecclesia, iisdem vescimini, velut in contemptum ecclesiæ. Cum multis ante sæculis in pace egisset Occidentis hæc & Latina ecclesia, & ut in cæteris, quæ ad religionem pertinent omnibus, ita & in sacramento eucharistiæ eundem ritum seruaret, sub panis tantum specie communicandi populum, impugnari hoc per nouitatum captores & studiosos quosdam in Boemia, Ioannem de Hufs, & Hieronymum Pragen. ante annos ducentos coeptum est, qui damnato ritu vsitato eatenus, velut Christi euangelio contrario, necessitatem communionis vtriusque speciei introduxerunt: quanta illius regni ante florentissimi clade, confusione, deformatione, deuastatione, quot milium hominum cæde, res ipsa adhuc hodie loquitur.

Sed cum malum hoc iãdudum intra limites vnus illius regni, velut consopitum quiesceret, per vos
rursus

CONTRA MART. BVCERV M.

rursus excitatum in vniuersam Germaniam intro-
duci coepit. Cum tota ab initio ad nos vsq; Christi
ecclesia, ab ipsis nimirum Apostolis hoc receperit,
ne sacerdotes, & altaris ministri seu diaconi nube-
rent, tametsi ante mariti, vnius tamen vxoris, quam
virginem accepissent, admitterentur ad sacerdotiũ
& altaris ministerium: nec vlla sit, aut vnquã fuerit
Christianæ professionis natio, vbi admissum sit, ve-
lut legitimum, sacerdotum cõiugium, quod etiam
Apostolicis canonibus, synodorum, tam in Orien-
tali, q̃ Occidentali, Africana quoq; ecclesijs celebra-
tarum, ecclesiasticisq; antiquissimis decretis distri-
ctissime interdictũ semper fuit & inhibutum, quem
admodum xv. controuersia euidentissimum feci-
mus. Vos contra, sacerdotes vestros vultis nubere:
non semel tantum, sed decies, si ita res tulerit: etiam
cum quibuslibet, cum vidua, cum vili deniq; scora-
to: nec sacerdotes tantum & diaconos, sed etiã mo-
nachos & monachas, q̃ semetipsos, voto Deo præ-
stito, sponte castrarunt propter regnum Dei. Quia
bus iuxta certissimam diuinæ scripturæ & conso-
nam orthodoxorum ab initio patrum omnium &
catholicæ ecclesiæ sententiã, nõ solum nubere, sed
& velle nubere damnabile est.

H ij Hæ

APOLOGIA ALBERTI PIGHII

Hæ sunt Bucere, non quas tu cōmemorasti, cau-
sæ diffidior, quæ in religionem inducta, adhuc ma-
gna totius ecclesiæ confusione, infinito plurimorū
scandalo perseverant. Quæ per vos, non per nos in-
troducenda sunt, quantumuis tu contra, compositæ o-
rationis artificio, fumis, ac inuolucris hæc obseuera-
re niteris, & frustra transformare in cōtrarium. Nā
ante doctrinam noui huius euangelij vestri, nulla
de his in vniuersa Christi ecclesia controuersia ex-
stitit, sed fidei, obseruationis & rituum vnitas. Hoc
credebamus & tenebamus omnes, quod multis re-
tro sæculis velut per manus traditum a patribus in
filios & ad nos trāsmissum accepimus, didicimus-
que in catholica ecclesia. Idem & vos tenebatis, cre-
debātis, & obseruabatis nobiscum in dictis omni-
bus, in quibus hæc nunc induxistis diffidia. Quod
eatenus vnus nobiscum societatis, ecclesiasticæ,
inquam, familiæ & Christi corporis membra fue-
ritis, ire non potestis inficias. Eadem quippe fi-
de, iisdem legibus & ritibus publicis nobiscum
conuersantes in domo ecclesiastica, sub vnus re-
ctoris & pastoris eius nobis constituti a CHRIS-
T O obedientia. Quod igitur vestra vos auto-
ritate secessionem feceritis a reliquo corpore, quod
eatenus

CONTRA MART. BVCERV M.

eatenus vna, & communia partiri, imo destruere
& obliterare conati estis, quod omnia vſitata, rece-
pta, vetera antiquare, noua introducere: idq; vſtra
ipſorum, hoc eſt, priuatorum, iuuenum, imperito-
rumq; (quod ipſi vos non diffitemini) obſcurorū
que hominum autoritate, quibus non præeſſe, ſed
ſubeſſe rectoribus eccleſiæ: non illos regere, ſed regi
ab eiſdem, a Chriſto mandatum eſt: quis non intel-
ligit factum impudenter, temerarie, iniuſte ac ſedi-
tioſiſſime?

Hoc te quæſo Bucere, vt perpendas diligenter, ſi
vnus alicuius magnæ, et inſignis ciuitatis pars nō
nulla priuatorum & obſcurorum hominum (&
quæ reliquæ comparata, vix vllum numerum con-
ſtitueret, imo quæ indigna eſſet, quæ compararetur
cum reliqua) quod ſibi quædam diſplicerent in vſi-
tatis legibus, magiſtratibus & adminiſtratione pu-
blica, in itis inter ſe coniurationibus, publica ſibi ap-
propriare conarētur, communia partiri, aliena inua-
dere, & ſuo diſpenſare arbitrio, receptas leges anti-
quare, nouas introducere, nouare, confundere, ſur-
ſum, deorſumq; miſcere omnia, nunquid dubitarēt
magiſtratus, hos illos, vt perniciem publicam co-
ercere, opprimere, & in ijs exemplum edere ſeditio-

H iij ſis

APOLOGIA ALBERTI PIGHII

sis cæteris? Et si illi, vel negligerent, vel etiam prode-
rent salutem publicam, an ignorarēt ciues boni cæ-
teri, in istiusmodi casu sui quid foret officiū? Quid
igitur, vbi in ipso Christi regno, in ipsa domo Dei
viventis, hæc a vobis facta esse, & adhuc fieri con-
spicimus? nunquid obscurum est, qui in ea ma-
gistratum gerunt, qui ex Dei ordinatione gladium
portāt, quid ipsorum hac in re sit officiū, etiam quic-
quid contra videri velitis vos? Qui si ad hæc con-
niueant, imo si qui eorum, priuatæ cuiusdam rei
suæ, sui affectus, aut odiū in quemquam causa, quia
alteri id malum præsentius iudicant, & plus incom-
modaturum existimant, gliscere magis, quam op-
primi hanc perniciem publicam cupiant, & clam
oleum camino iniçiant, an hi suo officio satisfac-
iunt? nunquid indigni hi forent, qui amouerentur
magistratu? imo qui vna exterminarentur cum pe-
ste & perniciē publica eiusmodi? Si in ecclesiasti-
carum constitutionum præuaricatione periclitan-
tur res duæ momenti maximi in ecclesia, ipsa nem-
pe disciplina publica, & tranquillitas harmonia-
que status publici (quod aperte agnoscit & inge-
nue confitetur Philippus, nec minus tu, vbi ex ani-
mo loqueris) necesse est ex eorundem contemptu,
imo

CONTRA MART. BVCERV M.

imo abolitione, plane tolli abolerique disciplinam publicam, & tranquillitatem, harmoniamque status publici ab ecclesia. Quod cum vos vestra illa, quam præmisimus, doctrina palā conati estis, nec adhuc cessatis facere: vestro utique ipsorum iudicio ac sententia constringimini. Si disciplinæ causa, etiam ipsis vobis confitentibus, certis legibus, et ordinatiōibus opus est, cæremonijs quoque et ritibus, quibus velut pædagogia quadā contineantur exerceanturque simplices, imo si ratio requirit, ipsa rei euidentia exigit, euangelium iubet, ut eiusmodi pædagogia exerceantur, regantur, doceantur Christifideles: quæ disciplinæ locū reliquerunt in ecclesia, qui docuerunt ecclesiasticas leges et ordinationes, esse mera figmenta et mēdaciam: esse traditiones hominū, quibus nemo obligari possit corā Deo, et quas doctrinas dæmoniorum appellarit Apostolus. Qui cæremonias vniuersas, et ritus sacros deriserunt, exploserunt, & exhibitarunt ab ecclesia, et novos introduxerunt, quisque pro suo arbitrio. Si verum est Philippe (ut & te quoque cōpellem) quod dicis loco memorato, ut sane est verissimum, ex contemptu dictorum consequi in populo contemptum religionis, et Hierarchiæ ecclesiasticæ, quod ipsam testari affirmas, quā omnes cernimus, rei euidentiam

APOLOGIA ALBERTI PIGHII

tiā: si non possunt ad timorē Dei institui homines,
vbi pædagogia, ordo, disciplina nō est: sed his sub-
latis necesse sit sequi infinitam vastitatem & barba-
riem: si recte admones, vt quisq; consideret, quā im-
mensum scelus sit, istiusmodi vastitatis exēpla præ-
bere & autorem se facere: quantum deniq; mali sit
in altera scandali parte, quo tranquillitas & status
publicus turbatur ecclesiæ: quem in ordine publi-
co, & magistratibus sacris, vt tot sæculis durauit
hactenus, sub vno præside superintendente omni-
bus, consistere per se est notorium: miror quod te,
tuam, tuorumque doctrinam, quam adhuc mordi-
cus asseris, adhæc verissime abs te dicta, et per se eui-
dentia, serio expendens atq; excutiens, tuam ipsius
conscientiam ferre possis. Si est quod dicis, & veris-
sime dicis, ordine & harmonia publicorū rituum,
conciliari in vnum, consociarique homines: si con-
tra, confusione ordinis, & discrepantia rituum, di-
strahi animos, & ingentes tumultus, æternaq; bel-
la generari: & proinde, ne præbeamus causam tan-
tis malis, vt summa cura obseruemus, etiam quales-
cunque ritus publicos, recte consulis: vtinam ipsi
tibi, Luthero, tuisque, consuluisses & adhuc con-
suleres rectius: vtinam præstitissetis quæ consulis:
nema-

CONTRA MART. BUCERVM.

nempe symbolum ecclesiæ, obedientiam vestram, diligentiam, studium, pro conseruando eius ordine, disciplina, tranquillitate, saluteque publica: & nō contra potius confusis ordinibus, introductaq; in ecclesiam nouitate rituum ac discrepantia, pugnis, tumultibus, bellis (quod res ipsa loquitur) causam inexhaustam præstitissetis. Quæ, quem nobis adhuc funestiorum multo, peioremque exitum minuentur, ipsi vos, quamuis fero, intelligitis.

Vtunque tamen ista se habeant, quæcunque vos Erynnis aduersus intellectam euidenter a vobis veritatem tam pertinaciter armavit in publicā perniciem ecclesiæ, quæ ista est impudentia tua Bucer, vt hæc tam euidentia, tua tam elanguida, nec ullis neruis constante oratione speres obscurari posse: quid dico? imo trāsformare in contrarium: atq; atrum candidum, tenebras lucem facere, idque vana, solaque asseuerandi audacia atque impudentia, quæ vna vobis perpetuo est pro locis dialecticis omnibus? An ex his cuiquam obscurum est, vnde, quæ adhuc cernimus dissidia, introducta sunt in religionem & ecclesiam? Qua deniq; fronte audes toties inculcare, vos nihil, quam catholicum ecclesiæ

I con-

APOLOGIA ALBERTI PICHIJ

consensum in omnibus studiose sequi, & quam vos profitemini, doctrinae Christi repurgationem, & disciplinae correctionem molimini, ut cum scripturis Dei, ita etiam cum vetere vere Apostolica ecclesia, & consensu filiorum Dei, perpetuo omnino congruere: nos vero cum eodem consensu, conculcatione totius ecclesiasticae disciplinae, peruersa doctrina, & sacramentorum administratione penitus pugnare? Si ad catholicam ecclesiam non pertinuerunt, quos non multo ante commemorauimus, Abel, Noe, Abraham, Isaac, Iacob & caeteri, quos & illius veteris, & nostrae Christianae ecclesiae praecipua membra, & velut columnas quasdam fuisse indubitatum est, si filij Dei hi non fuerunt, iactate vos in omnibus, studiose & perpetuo sequi consensum filiorum Dei, & catholicae ecclesiae. Nam cum illis omnibus, atque omnium omnino piorum ab initio consensu, vestram doctrinam ex diametro pugnare, & supra, & alibi euidentissimum fecimus, nec minus euidentius erit in sequentibus.

Quaest igitur catholica illa, quam somniatis & iactatis, ecclesia, cum qua pugnet nostra doctrina, vestra autem consentiat per omnia? Hoc ante

CONTRA MART. BVCERVVM.

te omnia certum atque indubitatum est, quemad-
modum omnes ecclesiae veteris illius populi post
Mosen, professione fidei & religionis per tempora
sibi inuicem succedentes conuenerunt inter se, &
illi perpetuo unitae sociabantur, in qua permanes-
bat Mosi cathedra: illam supremam & matricem
omnium agnoscebant: ad illam confugiebant, eti-
am cum iam sparsim in toto orbe, in Aegypto, O-
riente, Occidente, Septentrione multis milibus
congregati habitarent: Ita iam omnes post Chri-
stum ecclesias consociari, & conspirare oportere
cum ea, quam idem ipse Christus ouile suum, &
regnum suum toties affirmavit. In qua Petrum
pastorem ouium suarum posuit, cui regni illius
sui clauis, hoc est, regendi gubernandique eius
autoritatem dedit: & potestatem alligandi prae-
ceptionum suarum vinculis omnes, qui in eo sunt,
& alligata resoluendi pro utilitate eorum, qui eius
regimini commissi sunt, qui vniuersi sunt, qui
inter oues CHRISTI censerunt volunt. Pasce, in-
quit, regeque oues meas, & agnos meos. Qui ex
Christi ouibus agnisque non se esse agnoscunt, hi
Petri se negent commissos curae & regimini. Nec
ad vnius Petri personam haec pertinuisse & perti-

I ij nere

APOLOGIA ALBERTI PIGHII

nere, sed æque ad omnes, qui vicaria illi ordinatiõe
 succedunt, vniuersi ab initio sancti patres nostri in-
 tellexerunt & confessi sunt. Ad hanc ecclesiam, Ro-
 manam videlicet, in qua beati Petri est cathedra,
 propter potentio rem eius principalitatem (vt bea-
 tissimi Irenæi verbis dicam) necesse est omnes con-
 uenire ecclesias, hoc est, eos, qui sunt vndique fi-
 deles. In qua semper ab his, qui sunt vndique, con-
 seruata est traditio ea, quæ est ab Apostolis. Sed
 tribus posterioribus de Hierarchia ecclesiastica li-
 bris nostris, hæc prolixius ex omnium ab initio
 sanctorum patrum consensu euidentissime demõ-
 strauimus. Nec est, quod Petri in ijs omnibus, qui
 eius cathedræ præsent, sanctitatem requiramus.
 Nam quod ad ecclesiæ suæ ministerium & utilita-
 tem pertinet, CHRISTVS necessarijs illos fun-
 ctionibus non destituit: etiam qualicunque alio-
 qui vita fuerint. Proinde, vt præsidibus Mosaicæ
 cathedræ, quamuis malis, æque obedientiam de-
 beri a suis, ipse Christus docuit, quod sacerdotio
 & cathedræ præessent: ita æque atque eo magis,
 nobis faciendum esse dubitari omnino non po-
 test, quanto est dignior sua figura veritas, & corpus
 ipsum, quam eius vmbra quædam ac deliniatio:
 præ-

CONTRA MART. BVCERV. M.

præsertim cū nobis de illis iudicare permissum non sit, quorū ipsos nos Christus subiecit iudicio, qui eos solos, ita hoc requirente necessaria ecclesiasticæ Hierarchiæ forma, suo referuauit iudicio. Ouis es (inquit ille beatissimus Cyprianus) noli discutere pastorem, ne eius quoq; criminis reus tenearis: noli te iudicem Dei constituere & Christi. Ad quem pertinet & honor & cōtumelia, qui cōstitutis in regno suo magistratibus eo exhibetur nomine. Qui vos audit, inquit, me audit, et qui vos spernit, me spernit. Id quod dixit, non ad vitæ meritum, sed ad magistratum, & necessarium officium, quod eius ordinatione & cōmissione gerunt in Hierarchia ecclesiastica, respiciens. Vnde eī (vt eiusdem illius sanctissimi Cypriani verbis iterum loquar) hæreses & schismata oborta sunt et oriuntur, nisi dum Episcopus, qui vnus est, & ecclesiæ præest, superba quorūdam præsumptione contēnitur: & homo Dei dignatione honoratus, ab indignis hominibus iudicatur. Semper iniqua, & temerarie præsumpta, frequenter etiā iniusta falsaq; sunt, nostra de rectorū pastorumque nostrorum factis iudicia: frequēter illis affingimus, quod re vera non est: frequenter de factis eorū iniussissime iudicamus, & quæ necessario cōsilio facta

I iij sunt,

APOLOGIA ALBERTI PIGHII

sunt, nos ea interpretamur facta aliter. Proinde hæc
 nostram arrogantem contumaciam cōpescere vo-
 lens Christus: Super cathedram, inquit, Mosi sede-
 runt scribæ & pharisæi, omnia ergo, quæcunque
 vobis dixerint, seruare & facite. Ergo, inquit, seruare
 & facite, quia sedent super cathedram: non quia vi-
 ri sancti sunt, vt quorum vitia & peccata multa ta-
 xauerat. Dicunt enim, inquit, & non faciunt. Quo-
 rum similis si & nostrorum aliqui sint summi pa-
 stores & cathedræ præsidēs, ad te nihil pertinet. Ha-
 bent iudicium suum, sed tuo iudicio subiecti non
 sunt: dño suo stant aut cadunt, illi districtissimam
 rationem reddituri de omnibus. Quin, & diuinus
 spiritus per Moſen etiam mortis pœnam consti-
 tuit aduersus eos, qui imperio sacerdotis cathedræ
 præsidis obedire contemnerent: simul clare subina-
 dicans, contemptum eiusmodi pertinere ad ma-
 lum & perniciem totius ecclesiæ. Nec ea in re distin-
 xit malos præsidēs a bonis, sed constituto a se sa-
 croſancto magistratui suum honorem, necessari-
 amque ecclesiæ autoritatem asseruit. Quo igitur
 iure vos, ecclesiasque vestras referre potestis in so-
 cietatem, communionemque catholicæ Christi ec-
 clesiæ, quia cathedra Petri diuisi, eandem oppu-
 gnatis

CONTRA MART. BVCERVVM.

gnatis plusquam capitaliter & hostiliter? Quin
& hoc mihi respondeas: Certum est in primis,
catholicam Christi ecclesiam eandem esse & Apo-
stolicam, vt habet Nicenæ fidei confessio, a Chri-
sto per Apostolos in omnes gentes, ad fines vsque
orbis & sæculi, continuæ successionis suæ palmi-
tes extendentem. Eæ ergo solæ ecclesiæ gloriari
possunt de communione, & societate catholicæ ec-
clesiæ, quæ continuæ successionis serie in Apo-
stolos & Christum, suæ institutionis originem
referre possunt, & ab iisdem, Episcopatus & sa-
cerdotij sui institutionem acceperunt: modo reli-
quæ catholicæ per orbem ecclesiæ in doctrina fidei
consentiant, & principali cathedræ suam autorita-
tem recognoscant.

Sed hæc posteriora iã hic non vrgebimus: sed tm̃
qua continua successionis serie, vestras ecclesias, ve-
strum Episcopatum & sacerdotium, ordinatione
legittima referre possitis ad Apostolos & Christũ,
nunc excutiendũ est. Hæc est em̃ certissima & con-
cors sanctorũ patrum omnium sententia, apud illos
solos quærẽdam veram Christi ecclesiã, vbi Episco-
pi sibi succedentes, ordinatione legittima successio-
nis

APOLOGIA ALBERTI PIGHII

nis illius suæ continuitatem ad Apostolos vsque & Christum referunt. Ita gloriosus ille Christi martyr & Pontifex Irenæus libro quarto aduersus Valentinum, suorumque hæreses, ijs solis presbyteris, sacerdotibus et Episcopis obediendum docet in ecclesijs, qui sui sacerdotij originē & successionē trahūt ab Apostolis. Reliquas aut cōgregationes absistentes a successionē eiusmodi, habēdas tanq̃ hæreticas & schismaticas. Idem docet Tertullianus libro de Hæreticorum præscript. Et propterea, per singulas pene ecclesias discurrens, primum in vna qualibet Episcopum ostendit, aut fuisse Apostolū, aut constitutum ab Apostolis, eorūve successoribus. Eum vero, qui nemini succedens, nemine ex his, qui ad Apostolos sui Episcopatus successionem continuam refert, legitima ordinatione Episcopatum dante, Episcopale sibi vsurpat officium, non posse esse membrum ecclesiæ, quantumlibet sub se congreget multitudinem aliquam populi: etiam si Dei euangelia, scripturas Apostolicas et canonicas, intemeratam fidem, & charitatis vinculum se dicat seruare cum cæteris ecclesijs. Diuus Cyprianus idem pluribus locis asserit, eos docens esse schismaticos, qui sine vlla ordinationis lege, et nemine, cui id competit, Episcopatum dante,

CONTRA MART. BVCERVVM.

dante, Episcoporum sibi nomen assumunt. Quod ipsum clarissimis verbis D. Augustinus inculcat: Extra ecclesiam, inquit, sunt, qui relicto Episcopo, Dei ordinatione succedanea præcedente, aut sibi metipsis, aut semetipsos constituunt præpositos, primates, & Episcopos. Quin ille sanctus Cyprianus, ecclesiæ unitatem ibi esse docet, ubi Episcopatus vanus est: ibi vnum Episcopatum esse, ubi ab unitate proficiscitur: ubi Episcopi legitima sibi ordinatione continuo succedunt a Christo per Apostolos, successoresq; eorum vsq; ad nos. Proinde in epistola ad Magnum: Ecclesia, inquit, vna est apud Cornelium Romanæ ecclesiæ Pontificem, qui Episcopo Fabiano legitima ordinatione successit. Apud Nouatianum ecclesia esse non potest, qui Apostolica ordinatione contēpta, nemini succedens a semetipso ordinatus est.

Hic te rursus quæso Bucere, mihi pro te, tuisq; vt respondeas, quo iure, vos, ecclesiasq; vestras referre possitis in cōmunionem, societatemque ecclesiæ catholicæ & Apostolicæ Christi: ad quam non pertinere, qui sacerdotij, & Episcopatus sui originem legitima ordinationis lege, & continuæ successionis

K serie

APOLOGIA ALBERTI PIGHII

serie, ad Apostolos & Christum non referunt, ex
eiusmodi catholicae ecclesiae, & orthodoxorum patrum
certa & consona iam intellexisti sententia. Nunquid
vestrum sacerdotium, vester Episcopatus, legitti-
ma ordinationis lege impenditur: nunquid hos i-
psos continua successionis serie referre potestis in
Christum per Apostolos, successoresque eorun-
dem? Duo hic sunt, quae vobis in controuersiam ve-
niunt: Primum, an sit vobis ordinatio sacerdotij &
Episcopatus legitima. Secundum, an sacerdotes et
Episcopi vestri, continua successionis serie, velut per
manus, suam auctoritatem acceperunt ab Apostolis.
Quorum vtrunq; necessariū est ecclesijs, quae prae-
tendunt communionem societatemq; cum ecclesia
catholica.

[Nobis, Episcopatus, sacerdotij & diaconij ordina-
tio legitima est, quam in illo veteri populo delinea-
tam, expressamq; a diuino spū, in vniuersa Christi
ecclesia ab ipso sui initio, ex Apostolica traditiōe, vsi-
tatum videmus: quae eadē perseuerat vsq; ad nos,
vt est descripta explicataq; ab illis Apostolorum disci-
pulis, & proximis successoribus, a Dionysio ca. iij.
et v. par. i. Hierarchiae ecclesiasticae: a beatiss. Clemēte
in epistola ad vniuersos totius ecclesiae Episcopos,
&

CONTRA MART. BYCERVVM.

& ordines ecclesiasticos. Ab illo quoque beatissimo Anacleto æque Petri discipulo & in cathedra successore, in epistola ad vniuersos Episcopos per Italiam. Quibus consona scribunt Tertullianus lib. de carnis resurrectione, beatiss. Cyprianus lib. de vñctione chrysmatis, breuiter cui ordinationis ritus, venerabilis ille chorus sanctorum patrū omnium, ipsa rei euidentia, & totius orbis consensus, & concors obseruatio, subscribitur: tum vmbra & figura veteris illius tabernaculi, atque eius sacerdotij, suo corpori solidæque veritati adstipulatur: nempe quæ cum certo consecrationis ritu, cum sacri chrysmatis inunctione, certisque symbolis & verbis sacerdotalem potestatem exprimentibus, ab Episcopo similiter legitime ordinato, & qui continua successionis serie, velut per manus, auctoritatem suam accepit a Christo per Apostolos, eorumve successores: quemadmodum cap. iij. lib. ij. de Hierarchia ecclesiastica, & controuersia vñdecima copiosius demonstrauius. Vobis illud ipsum sacerdotiū nostrum, quod tali vsitatæ ab initio ordinationis ritu impenditur, nihil est, quam merum figmentum ignorantium hominum, nec de sacramento, nec de re ecclesiastica quicquam intelligendum:

K ij tum:

APOLOGIA ALBERTI PIGHII

tum: imo nullam esse autore Christo in ecclesia dignitatis autoritatisque imparitatem aut differētiā: Christianos omnes eandem a Christo potestatem habere: omnes in eodem gradu consistere: omnes æque sacerdotes esse, sanctificatos in Christo Christianos. At quibus a magistratu, aut populo committitur prædicandi verbi, & administrandorum sacramentorum ministerium, ijs demum communi ea potestate præ alijs vti licere, quam diu ea durat ministerij commissio: sacrum chryisma, quod telesten, hoc est, sanctificationem & perfectionem a sanctis sacerdotalis nostræ functionis ducibus, hoc est, Apostolis, ab ipso rei effectu, qui in eo perficitur, sanctus ille Dionysius nominatum affirmat. In quo (vt beatissimi illius Cypriani hoc verbis dicam) gratia sacerdotalis dignitatis, autoritatisque confertur, & sine quo (vt Diuus Hieronymus loquitur) nec presbyter, nec diaconus, ius habent baptizandi, aut vlla sacramenta conferendi: Vester illius euangelij Apostolus rancidum oleum per contemptum & ludibrium appellat, & suos docet ex eo calceos inungere: nostros quoque sacerdotes, quod cum illius chrysmatis inunctione ordinati sunt, rasos vnctosque velut
per

CONTRA MART. BVCERYM.
per opprobrium nominat.

Vides igitur Bucere, in primis etiā hac nota vos, vestrasq; ecclesias excludi a communione & societate catholice Christi ecclesie, iuxta certissimam eiusdem & consonam, quam paulo ante audisti, orthodoxorum omnium patrum sententiam, quod non sit apud vos sacerdotij ordinatio legitima.

Nunc vide, an etiam tertia hac nota ab eiusdē catholicę ecclesie communione, societate, & consensu excludamini. Ad eandem eos non pertinere, ex eiusdem catholicę ab initio ecclesie, & orthodoxorum patrum consensu demonstrauius, qui sui sacerdotij auctoritatem referre non possunt ad Christum per Apostolos, hoc est, qui eandem per Apostolos, aut eorum successores non acceperunt; sed nemini succedentes, neque vlllo ex his, qui ad autorem Christum per Apostolos (quibus sacerdota-lem auctoritatem ille primo elargitus est, per quos et propagari eandem voluit in fines orbis & sæculi) sui sacerdotij auctoritatem referre potest, sacerdotium aut Episcopatum dante. Episcopi sibi nomen assumūt ab his, q̄ sibi præpositos absq; vlla ordina-

K iij tionis

APOLOGIA ALBERTI PIGHII

tionis lege constituunt.

Age igitur : primus ecclesiarum vestrarum patriarcha & Episcopus Lutherus est . Sunt & Episcopi Bucerus, Pomeranus, & innumeri alij. Quibus obsecro vos successistis Episcopis catholicis, quamuis in catholicis ad vos vsque ecclesijs ? Quibus dantibus Episcopatum ex Apostolorum successoribus, qui legitima ordinatione, & continuæ successionis serie auctoritatem suam ad Christum per Apostolos retulerunt & referunt, Episcopi aut sacerdotij nomen assumpsistis ? an non ab his, qui sibi præpositos sine vlla ordinationis lege constituerunt : aut ipsi vos ipsos fecistis ecclesiarum pastores & præpositos ? De te & symmiltis tuis dum multa excusas, multa deprecaris, quæ a vobis per imprudentiam commissa sunt, quæ in euidentem perniciem cesserunt ecclesiæ, ipse tu ingenue confiteris Bucere, quod iuuenes, imperitique prope omnes, ad ministerium tam arduum, pastoralis nempe officij, & diuini verbi prædicandi, & ad causam tantam, hoc est, doctrinæ Christi, quam profiteamini, repurgationem, & ecclesiasticæ doctrinæ correctionem pertracti sitis : nec communionis sanctorum, hoc est, ecclesiasticæ vnitatis cōseruandæ, nec
disci-

CONTRA MART. BVCERYM.

disciplinæ Christi & ecclesiasticæ scientiam iustam
habueritis: & propterea multa temere in ecclesia
commoueritis, quæ præstiterat ne attingere qui-
dem: eaque audacia, populum, & doctrina eccle-
siastica, & sacrorum reuerentiâ solueritis. Hoc igitur
te interrogo, quis vos iuuenes tantarum rerum
tam imperitos, ad tantum pertraxit ministerium?
tantam vobis causam delegauit? Quis vos ecclesia-
rum pastores constituit? quis vobis commisit præ-
dicandi verbi ministerium? quis vos censores fe-
cit doctrinæ publicæ, quæ tot annis vsitata & re-
cepta est in catholica Christi ecclesia? quæ vobis tali-
bus, eius corrigendi & reformandi demandauit
prouinciâ? Lutherus ne? Et vnde illi id autorita-
tis competierat? Dicis, non potuisse te, vt primū ex
Erasmi, deinde Lutheri libris cognouisti, quæ vera
esset religio, non palam docere, & profiteri ean-
dem. Ipse ergo tibi vsurpasti tantum pastoralis fun-
ctionis ministerium, et prædicandi verbi officium.
Sed quid ille? Nemo, inquit, assumit sibi sacer-
dotalem aut pastorem honorem, sed qui vocatur
a Deo tanq̃ Aaron. Et rursus idem ille ecclesiarum
tantus doctor & Apostolus, negat cuiq̃ licere sibi
ysurpare prædicandi verbi ministeriū, sed ijs demū
id

APOLOGIA ALBERTI PIGHII

id competere, qui legitime ad hoc vocati, & missi sunt ab his, quibus id competit. Quomodo, inquit, prædicabunt, nisi mittantur? Et vos iuvenes, priuati, obscuri, conseruandæ vnitatis ecclesiæ, & disciplinæ Christi, & ecclesiasticæ imperiti (quod ipsi confitemini) non vocati, non missi, vos ipsos ingessimus ad tantum, tam sublime ministerium? vobis ipsis vsurpatis prouinciã repurgandi, corrigendique disciplinam publicam? Et hinc nata ea, quæ adhuc durant, in religione dissidia: quia vobis hæc agentibus ac molientibus, nos obsequi nolimus, sed restitimus potius. Nunquid iniuste? vt qui vobis ipsis confitentibus, multa temere commouistis in ecclesia, quæ præstiterat ne attingere quidem, atque ea audacia solueritis populum a disciplina ecclesiastica, & sacrorum reuerentia? Ita ne vnquam istorum te pudebit Buce-re? An quisquam ista legens, te mente constare crediturus est? Adhuc perpetuo iactabis societatem, communionem, & cōsensum catholicæ Christi ecclesiæ? Nihil est, quod hic ad consuetas patribus vestris aduersus catholicos tergiversationes recurratis, & dicatis eundem vos patrem Deum agnoscere, eundem eius filium dominum nostrum Iesum

CONTRA MART. BVCERYM.

Iesum saluatorem habere, eundem vtriusque spiritum sanctificantem adorare vna cum patre & filio: syncera Christi sacramenta apud vos esse: eandem legem & doctrinam fidei: easdem scripturas euangelicas, Apostolicas & Propheticas, & in charitatis & fidei communione coniungi cæteris Dei filiis. Nam præterquam, quod hæc falsissime iactantur a vobis, quæ ad modum non semel in præcedentibus, copiosius autem in alijs plærisque lucubrationibus nostris demonstrauiamus, & in quam multis & in quam grauibz pugnatis cum doctrina fidei catholicæ ecclesiæ, euident fecimus. Vt tamen vniuersa hæc ita se haberent, vt dicitis, vel eo solo nomine ad Christi ouile, hoc est, catholicam eius ecclesiam pertinere non potestis, quod quem ille suis ouibus omnibus pastorem & rectorem constituit, Petrum & qui eius locum apud nos obtinet, non agnoscitis: sed capitale cum eo bellum gerendum vobis desumpstis. Quod furore sacrilego vos separastis a Petri cathedra. Deinde & vel hoc solo nomine, quod apud vos legitima ordinatio sacerdotij non sit. Postremo, quod sacerdotij vestri auctoritatem referre non potestis per continuam successionis seriem, ad CHRISTVM per Apostolos:

L

stolos:

‘APOLOGIA ALBERTI PICHI

stolos : sed ipsi vos ipsos fecistis pastores & præpo-
sitos, aut absque legitimæ ordinationis lege ab his,
quibus id a Christo mandatum est, Apostolis, eo-
rumque successoribus assumpsistis sacerdotij & pa-
storalis dignitatis nomen & officium.

Nihil proinde cætera, quæ falso iactatis, vobis
prodesse possent, etiamsi adessent omnia : imo
etiam quantumlibet alioqui viueretis laudabiliter:
sed solo hoc scelere, quod a corporis CHRISTI
vnitate seiuncti estis, alieni quoque estis ab illa tri-
umphante Hierusalem, ad quam, nisi ex hoc Chri-
sti regno & ouili (cui Petrus pastor & rector præ-
sident, cuius cathedra est supremi iudicij solium,
quod nobis in eodem Christus constituit) nul-
li patet aditus : sed ira Dei super illum est, quisquis
se diuiserit ab hac ecclesia. Macula enim huius di-
uisionis & discordiæ, vt beatissimus Cyprianus
hoc verissime docet, nec purgatur confessione,
nec abluitur sanguine. Sed hæc est (vt idem Cy-
prianus nos admonet) antiqui illius serpentis as-
stutia : vt quos a pertis persecutionibus per tyran-
nos, apostatas, & Christiani nominis persecu-
tores capere non potest, eosdem ipsos occultis ac-
cessi-

CONTRA MART. BVCERYM.

cessibus adrepens, sub prætextu Christianæ fidei et pacis, sub ipso Christiani nominis titulo fallat incautos: inueniens hereses & schismata, quibus subuertat fidei veritatem, et corporis Christi vnitatem corrumpat: vt quos detinere non potest in viæ veteris cæcitate, circumscribat & decipiat noui itineris errore: rapiens de Christi ecclesia homines, etiã eos, qui sibi non videntur deserere ecclesiam Christi: et dum sibi videntur iam appropinquasse luminis, lucemque exortam sibi illuxisse, & se tenebras, et regionem vmbre mortis euasisse, alias nescientibus tenebras rursus infundant, vt nec cum Christo, nec cum illius lege, nec cum euangelio reuera consistât: existimantes tamen sese habere Christi doctrinam, veramque euangeliorum fidem, & apud se esse sanctam, catholicam & Apostolicam ecclesiam, cum sint cæci, & in tenebris.

Sic ergo per hæreticos & schismaticos, in angelum lucis transfigurat se angelus satanæ, subornans suos ministros quosdam, velut ministros Christianæ fidei & iustitiæ, qui propinent noctem pro die: perfidiam sub prætextu fidei: Antichristum sub CHRISTI vocabulo: odium

L ij ac

APOLOGIA ALBERTI PIGHII

ac diuisionem contra CHRISTVM, eiusque
ecclesiam, sub titulo Christianæ charitatis & fi-
dei, vt dum verisimilia mētuntur, veritatem ipsam
orationis sublimitate frustrentur. Hæc atque eius-
modi Cyprianus ille, aduersus patres & proauos
vestros verissime dicens, etiam vos illorum ger-
manos filios velut graphice descripsit. Quin & cau-
sam, quæ & illos decepit, nec minus vos decipit
explicans, eam affirmat, quod non est vobis cu-
ra veritatis ecclesiasticæ: nec vnde eius origo &
caput pendeat, inquiritis, quod ipsum tamen o-
mnibus sit obuium ex doctrina coelestis euange-
lij, in quo ita loquitur dominus ad Petrum: Ego
dico tibi, quia tu es Petrus, & super hanc petram
ædificabo ecclesiam meam, & portæ inferorum
non vincent eam. Tibi dabo claues regni celo-
rum, & quæcunque ligaueris super terram, erunt
ligata & in coelis: & quæcunque solueris super ter-
ram, erunt soluta & in coelis. Et eidem post resur-
rectionem suam dicit: Pasce oues meas. Et quam-
uis Apostolis omnibus post resurrectionem su-
am, parem dimittendi peccata potestatem tribu-
erit, dicens: Sicut misit me pater, & ego mitto
vos. Accipite spiritum sanctum. Si cui remiseritis
pecca-

CONTRA MART. BUCERVVM.

peccata, remittuntur eis, si cui tenueritis, tenebuntur
eis: Tamen inter eos ipsos, etsi alioq pares, quo ma-
nifestaret ecclesiasticæ vnitatis caput & originem,
eandem ab vno incipientem in Petro disposuit.
Quam qui non tenet, quomodo, inquit, tenere se fi-
dē credit? quomodo se esse in ecclesia Dei cōfidit?
Extra eam domum, cuius Petrus rector pastorque
constitutus est, & quam nobis arca Noe deliniauit,
quicumque agnum comederit, profanus est, inquit
orthodoxus ille Hieronymus, & peribit ingruente
diluuiō, quisquis intra eam seruatus non fuerit. Vi-
dete proinde, quam recte vobis, miserisq, quos in se-
ctas vestras pertraxistis, consulueritis. Qua denique
veritate Bucere, extrema illa tua, quod ad hanc par-
tem attinet, peroratio nitatur, qua affirmas paratos
vos, non amplecti modo & promouere, quicquid
ad instaurandam verissimam ecclesiæ vnitatem, &
ecclesiasticam disciplinam facere vllō modo possit:
quin & summa cura, & fideli opera pridē vos iam
elaborare, vt hæc cognoscantur recipianturque ab
omnibus, & nos exhortaris, vt hic vos sudātes, qui
nostrum, hoc idem ipsum digno conatu stude-
mus, saltem vos socios non aspernemur, hanc no-
bis curam religiosi verbis inculcans. Sed vtinam

L iij vel

APOLOGIA ALBERTI PIGHII

vel nunc tandem Bucere (quam ignorasse te fatearis, cum primum hanc tibi prædicandi euangelij Lutheram desumeres prouinciam) vnitatis ecclesiæ aut communionis sanctorum (vt tu loqui maioris) conseruandæ veram scientiam didicisses. Vtinam vel nunc demum intelligeres, vnde pendeat, in quo consistat, & quo pacto conseruari possit vigor disciplinæ publicæ. Nam intellexisses vtiq; quam longe abest a vero tua assertio, qua affirmas, paratos vos, non amplecti modo, sed & promouere, quicquid ad instaurandam verissimam ecclesiæ vnitatem, & ecclesiasticam disciplinam vlllo modo facere possit. Intellexisses, vt vobis potius persuadere debuissetis, vt abiecto furore inconsulto, temerario & pertinaci (quo vos separastis a communionem & societate catholicæ ecclesiæ, quo vnitatis eiusdem caput & originem impugnatis, quo tollitis vinculum, energiam & efficaciam omnis disciplinæ ecclesiasticæ) humili erratorum vestrorum confessione ac recognitione, supplices recurreretis ad gremium matris ecclesiæ, quæ vos obuijs vlnis lætabunda & gratanter exciperet: & nos super fratrum nostrorum reuersione ac salute leticiæ suæ socios haberet. Vt vero speres ita id posse fieri, vt religio

CONTRA MART. BUCERVM;

Et o illo Christi ouili (in quo Petrus Christi omnium pastor, rectorque constitutus est) relicto illo ecclesiasticae unitatis capite & origine, diuisi ab illa principali ecclesiae cathedra, transfugere etiam ad vos nobis persuadeas, & vobiscum vna haereticos & schismaticos effici, vestrum sequi ducatum ac magistrum, fieri prorsus non potest. Et haec quidem de causis dissidiorum, quae in religione adhuc durant in ecclesia, sufficere mihi posse videntur. Ex quibus, quam sit aliena a veritate Bucerii sententia, quam in nullo cohaerens, sed multis modis secum pugnans eiusdem oratio, quam falso iactet perpetuo, se cum suis communionem & societatem catholicae ecclesiae mordicus tenere, eius consensum in omnibus se perpetuo sequi, in quam certo denique damnationis periculo agant omnes, qui Lutheri se addixerunt magisterio, sectae, & euangelio, nunc euident factum existimo.

Qua ratione haec in religione dissidia tolli queant, & ecclesiae in piam reduci concordiam, Bucerii sententia.

Non



Non male suadet, inchoandum nobis o
mnibus a sincera peccatorum nostrorum
pœnitentia. Quandoquidē ea sunt, quæ
sicut inter Deū & nos, ita inter nos ipsos
distractionem faciunt.

Deinde assumit, non nisi inter Dei filios, & in ijs,
quæ vere a dño tradita sunt, consensionē posse con
stitui. Cum ijs vero, qui ex Deo nati non sunt, quos
non agit Christi spiritus, eis qui Christi esse volunt,
nihil esse posse in religione commune, sed cum illis
irreconciliabile, & irremissibile ipsis bellum geren
dum. Proximum igitur esse, ad sarcinendam in reli
gione e concordiam affirmat, vt quicūq; Christi esse
volunt, ij se mutuo inquirant, agnoscant, cōplectan
tur, omnesq; non filios Dei caueant ac fugiant. Hos
solos vult conuenire in synodum, præsertim eos, q
ex his, vel docendi, vel gubernandi munere, seu ciui
li, seu ecclesiastico funguntur, etiam inuitis & recla
mantibus summis sacerdotibus, hoc est, omnibus,
qui religionis sibi primam & iudicationem & gu
bernationem vendicant, nihil morati successionem
& auctoritatem, quas iactitant.

Neque esse cum illis conueniendum vel tra
standum

CONTRA MART. BVGERVM.

Standum de religione, qui nobis cognosci non possunt Dei filij, & præditi Christi spiritu. Nam peccatoribus in concilio iustorum locum patere non debere. Hos, inquam, solos Dei filios, & Christi spiritu præditos, moderatores præsertim doctoresque, vtrimque vult conuenire in Christi nomine, & scripturas sacras in manus sumere, & bona fide scrutari, quas solas sufficere vult ad tollendas omnes controuersias, nec esse eas, vt ait blasphemare impios, velut cereum quendam nasum in omnem sensum flexiles, sed vnum certumque, & eum certissime familiarissimeque docere. Tamen si quid veteres ecclesiæ crediderint, quid obseruarint, quid in omni vita sectatæ sint (quod ex sanctorum patrum scriptis intelligitur) hisdem illis negligendum non esse, sed studiose inquirendum.

Mentiri illos, qui affirmant, non licere nobis sine Romani Pontificis assensu concilium cogere, aut quicquam de religione statuere, quod non ipse vna cum alijs nationibus simul approbet. Nam quod cum scriptura non conuenit, nec est traditum ab initio, & obseruatum bonis ecclesiæ temporibus, id admittere, nec ius, nec fas esse. Contra,

M quod

APOLOGIA ALBERTI PIGHII

quod docuit & instituit Christus, cum per se,
tum per Apostolos suos, quod religiose coluit pia
antiquitas, id amplecti & consecrari esse necessa-
rium omnibus, qui Christi esse volunt, & rei-
cere fugereque, quicquid est ab eo dissentaneum.
Quæ vero a domino commendata atque institu-
ta sunt, nec rudes latere posse, si ea, inuocato Chri-
sti spiritu, in scripturis, & sanctorum patrum
monumentis sincero studio inquirent. Nemi-
ni enim petenti in fide non dari a patre ecclesi-
æ bonum spiritum, nec cuiquam non recludi mox
ista mysteriorum Christi adyta, quisquis prece,
& vero faciendæ voluntatis Dei studio ea pulsa-
uerit. Solere quidem vocari semper ad generales
synodos Romanos Pontifices, dum veros ea eccle-
sia Pontifices habebat, ut primos inter patriarchas.
At non licuisse, nisi Romani Pontificis accedente
autoritate, etiam generales synodos indicere & ce-
lebrare, id esse vanissimum constare omnibus, qui
norint historias ecclesiasticas, & in veterum monu-
mentis vel mediocriter versati sunt: ad Eusebium,
& ecclesiasticam historiam tripartitam se referens.
Quin & contradictiones Episcoporum Aphricano-
rum introducit, & sub beatissimo Cypriano, & po-
sterioribus

CONTRA MART. BYCERVVM.

sterioribus tēporibus, aduersus appellationes trāsmarinas, eorum nempe, qui a legitima Episcoporum synodo pro suis criminibus in Aphrica condemnati fuerant, vbi & accusatores, & testes sui criminis præsentes habuerunt. Esse etiam Niceni concilij canones, quibus sit statutum, eos, qui se alicuius concilij sententia inique premi putarent, ad maius frequentiusque concilium, non ad Romanum Pontificem appellarent. Quæ omnia, absque repetitionis tædio, cum hæc ipsa excutiemus, commodius explicabimus.

Imo ipsos esse canones Apostolicos indubitatae fidei, quibus præcipiatur, vt quotannis in qualibet prouincia binæ synodi habeantur, & in qualibet natione, quoties id necessitas postulauerit. In quibus, quicquid constituerint pro veritate contra mendacium, pro synceritate disciplinæ contra omnē dissolutionem morum, id ipsum tam ratum, ac firmum haberi vult oportere, vt rescindi non possit, nec per Rom. Pontifi. Quin & olim reges pios, verosque Prophetas, de restituenda religione, nihil prorsus cum sacerdotibus, suiq; temporis impijs cōstituere potuisse, sed coactos ecclesiam Dei cogere & instaurare.

M ij rare,

APOLOGIA ALBERTI PIGHII

rare, omniaque cum ijs tractare, quos ad id animas
uerat Deus. Et in nostra quoque Christiana eccle-
sia, persecutionum temporibus, quas ecclesiæ sunt
perpeſſæ ab hæreticis, orthodoxos tū ex clero, tum
ex plebe, velut conſpiratione contra impios & hæ-
reſi infectos Episcopos, facta, ad ſanam Chriſti do-
ctrinam, & ſanctam in ea cōmunionem tuendam,
per ſe congregari ſolere, & de religione conſtituere,
quod iſtis videbatur neceſſarium. Ita neque hodie
quicquam dubitandum pijs eſſe, oportere nobis, li-
cet inuitis & reclamantibus ſummis ſacerdotibus,
hoc eſt, omnibus, qui primam ſibi autoritatis, di-
gnitatisq; prærogatiuam in eccleſia vendicant, qui
primam in omnibus, quæ ad religionem pertinent
ſibi iudicationem præſumunt: nihil morati ſucceſ-
ſionem & autoritatem, quas iactant, vt quos omnes
pro illa ſua Chriſtiana modestia dicit natos ex dia-
bolo, atq; eius opera facere, nec colligere cum Chri-
ſto, ſed diſpergere cum ſatana.

Qui in cathedra Moſi et Apoſtolorum federint,
hoc eſt, doctrinam Moſi & Apoſtolorum tradide-
rint, hos, inquit, libenter audiemus, quicquid viuāt.
At ſi qui aliud, quam hi iſſi Prophetæ & Apoſtoli,
euange-

CONTRA MART. BUCERVM.

euangelium afferunt, vel qui, vt id, quod illi nobis attulerunt, extingatur, nihil prorsus intentatum relinquunt, hos anathema nobis habendos, & vt lupos rapaces, Antichristosque nobis fugiendos esse.

Et hactenus quidem, qua ratione grassantia hæc in religione dissidia tolli, & ecclesiæ in piam concordiam reduci queant, Bucer sententiam explicauimus, non paulo tamen, quam ille, & compendiosius, & ordinatius, & luculentius, vt qui idem terque quaterque ad nauseam vsq; repetit. Ad hæc oratio omnis, studio inuoluta, & velut sine scopo currens, obscurisque falsa inuoluens, vnum hoc moliri videtur, vt lectorum oculis fumos inijciat, quo videatur ad concordiam conferens dixisse aliquid, cum dicat nihil, aut si quid nihilo minus dici potest: euidenter falsa audacissime assumens & impudentissime asseuerans: deinde concludens ad ea media, quæ sunt a re alienissima, plane impracticabilia, imo prorsus impossibilia, & quæ seipsa euidenter elidunt, & cum ijs, quæ bonis ecclesiæ temporibus, a sanctis illis patribus nostris, in similibus causis vsitata & obseruata sunt, euidenter pugnant.

M iij gnant.

APOLOGIA ALBERTI PIGHII

gnant . Quæ vt tu etiam lector , qualia verissima sunt , etiam clarissime intelligas , nunc dabo operam , & certo efficiam , modo sepositis tantisper affectibus , qui ex partium studio oriri solent , vni interim veritati aures , mentemque accommodes.

Excussio explicatæ nunc Bucerî sententiæ de ratione , qua & tolli dissidia , quæ in religione sunt , & ecclesiæ in piâ concordiam reduci queant.



Ecclesiam Christi esse societatem Christianifidelium , eamque vnam , catholicam , & Apostolicam , ex confessione Nicenæ fidei indubitatum est . Quamquam alioqui nulla societas , nisi vinculo vnitatis alicuius , possit subsistere . Inter multos vero , nec vnitatem , nec societatem posse constare , nisi alicuius ordinis vinculo in vnum contineantur , vt per se notum est , ita alibi a nobis , nec vno loco euidenter demonstratum est.

Nec est hæc societas tantum inter paucos aliquot

CONTRA MART. BVCERYM

quot Dei filios, qui CHRISTI aguntur spiri-
tu, & regno supernæ beatitudinis adscripti sunt,
quam & nos (qui peccatores sumus, & quotidie ca-
dimus, aliquando surgimus, & in timore ac tre-
more salutem nostram operamur) sperantes in
infinita Dei bonitate ac misericordia, incerti ta-
men quis hinc nos exitus maneat, nihilominus ec-
clesiasticam societatem non deserimus: sed in ea, sub
disciplina publica, sub rectorum pastorumque e-
ius obedientia viuimus.

Illi vero, ex quibus solis aduersarij constructam
ecclesiam volunt, & nos, & seipsos latent, nec sese
agnoscunt mutuo, sed in diuersis forte mundi an-
gulis delitescunt. Sed est hæc societas inter omnes,
qui CHRISTO nomen dederunt, eius familiæ
adscripti sunt, in eius domo, & ouili se continent.
Quod ut faciant necesse est, ut in his, quæ ad so-
cietatem eam, hoc est, religionem pertinent, vni-
uersæ societati consentiant, & magistratus, sum-
mos præsertim, qui in ea nobis constituti sunt,
religiose reuereantur, & obedienter agnoscant.
Nam quod etiam peccatores, qualis fere nemo
inter nos aliquando non est, eius societatis pars
sunt

APOLOGIA ALBERTI PIGHII

sunt & permanent, quousque & ipsi se inde sacrilego furore diuidunt, aut ab ea eiiciuntur ob rebellionem, aduersus magistratus eius & contumaciam. Id tam cernere licet per se ex ipsa rei natura, ex qua necessario est constituta ecclesia, quam ex clarissima Christi doctrina, qui eam subinde decem virginibus comparat, quarum est medietas fatua, & peccatores, qui ecclesiasticæ societatis membra, & pars sunt. Quod & hos tamen vult argui, corripi, & seueritate publicæ disciplinæ coerceri, patet ex Apostolica quoque & totius ab initio ecclesiæ consentiente doctrina, & obseruatione (qua hæc etiam publicos peccatores, sua tamen membra agnouit: pro eis piam sollicitudinem gessit, velut mater filios admonuit, corripuit, & in eorum emendationem, aliorumque terrorem & exemplum, seueritatis & distractionis specimen edidit). Quæ tametsi nulli Christifideli non sunt euidentissima, tamen ob impugnantium nos hæreticorum pertinaciam atque impudentiam, alibi, nec vno loco, a nobis irrefragabiliter demonstrata sunt. Vnde est euident, quam euidenter falsa, quam impia atque impudens sit Buceri assertio, qua in hac quoque de tollendis, quæ nunc sunt in
reli-

CONTRA MART. BVCERVVM.

religione, diffidijs, fardiendaque ecclesiarum concordia, toties affirmat, imo velut fundamentum suæ sententiæ constituit : Non posse, nisi inter Dei filios, & qui eius spiritu aguntur, eiusque opera perficiunt, vllam in his, quæ ad religionem pertinent, consensionem constitui, nihil his, qui CHRSTI esse volunt, posse cum illis in religione commune esse, sed necessario cum illis & irreconciliabile, & irremissibile bellum gerendum. Nam quam diu inter quos societatis ecclesiasticæ ius conseruatur & constat, tam diu perdurat in his, quæ ad religionem pertinent, consensio. Quid enim, si quis nostrum alicui peccato succumbat, nunquid propterea a religione, & vniuersis, quæ ad eam pertinent, ecclesiasticis sacramentis, vniuersaque denique religiosa ecclesiarum societate, alienus est? nunquid sacerdos, si cui sit peccato obnoxius, non baptizat? non dimittit poenitentibus peccata his, qui remissionem eorundem, vt oportet, quærunt? non consecrat panem & vinum in Christi corpus & sanguinem? Misera sane foret, & suæ salutis plane incerta ecclesiasticæ societatis conditio, suo illo autore et opifice prorsus indignissima, perpetuis, irreconciliabilibus, & irremiss-

N

mis-

APOLOGIA ALBERTI PIGHII

missilibus agitata bellis, seditionibus, idque Andabatarum more, qui in tenebris dimicant, & cœcis vniuersa miscent tumultibus: quando de nemine, quod vere sit Dei filius, & Christi spiritu agatur, omnino certi sumus, ac ne de nobis ipsis quidem.

Sed aduersariorum tam stupendam temeritatem, qua ecclesiarum dispensatores, Pontifices, & Episcopos vniuersos, quos nunc habet ecclesia, imo & cæteros omnes, qui ab impia eorum doctrina dissentiunt, pronunciant natos, non ex Deo, sed diabolo: non CHRISTI, sed fatæ agi spiritu, Paulus apostolus vehementer redarguit: qui non solum non vitam, sed nec administrationis eorum rationem vult inquiri a subditis, sed velut ministros Christi, & dispensatores mysteriorum Dei reuerenter haberi. Nam cum de sacrorum & verbi ministris, eorumque (quod ad vitæ dignitatem spectabat) inæqualitate & differentia præmisisset: Vnde carnales quidam, etiam sacrorum, quæ per illos ministrata erant, imaginabantur inæqualitatem & differentiam. Sic vos, inquit, existimet homo, vt ministros Christi

CONTRA MART BVCERV M.

Christi, & dispensatores mysteriorū Dei. Hic iam quæritur a vobis inter dispensatores vt fidelis quis inueniatur. Mihi autem pro minimo est, vt a vobis iudicer, aut ab humano die. Sed neq; meipsum iudico. Nihil enim mihi conscius sum, sed non in hoc iustificatus sum. Qui autem iudicat me, dominus est. Itaque nolite ante tempus iudicare, quoad usq; veniat dominus, qui & illuminabit abscondita tenebrarum, & manifestabit consilia cordium, et tunc laus erit vnicuique a Deo.

Vides, vt tantus ille Apostolus non tulerit subditorum, non solum de vita præpositorum suorum, & ecclesiæ rectorum, tam temerarium, tam iniquum, tam atrox, quale hi tanta impudentia de omnibus proferunt, iudicium, qua eos filios diaboli pronunciant (quorum tamen multorum, si e propinquo & interne spectetur, longe magis quam ipsorum vita, Christum exprimit) sed nec in rationem administrationis eorum inquirere, sed velut Christi ministros, & dispensatores mysteriorum eius vult eos reuerenter haberi, vult honorari ministerium & officium, non vitam iudicari a subditis, vnde nihil pendet mysteriorum

N ij Chri

APOLOGIA ALBERTI PIGHII

Christi, quibus ministrandis illi præsumunt, efficacia. Nam quam sit fallax, & incertum etiam nostrum ipsorum de nobis ipsis iudicium, idem ipse non tacuit: Nihil enim mihi sum conscius, inquit, sed non in hoc iustificatus sum. Qui autem iudicat me, dominus est. Itaque nolite ante tempus iudicare, quoadusque veniat dominus, qui & illuminabit abscondita tenebrarum, & manifestabit consilia cordium. Quid igitur tibi frontis est Bucere? Quid tibi consonat cum Paulo apostolo? Tu vniuersos dispensatores mysteriorum Dei, Pontifices & Episcopos, quos modo habet ecclesia, non solum dispensatores minus fideles, sed natos ex diabolo pronuncias: agi non CHRISTI, sed satanæ spiritu. Sed ille Christi spiritus, tam temeraria, tam iniqua, tam atrociora iudicia de proximis, imo de pastoribus & præpositis nostris non suggerit. Tamen quid habes, quod eos omnes tam inimico, & crudeli iudicio subijcis? Scio non inspectam tibi vitam omnium, de quibus tam hostiliter pronuncias. Scio etiā multorum, quam tua sit, vitam multo meliorem esse, et quæ syncerius Christum exprimit. Quid habes igitur? Scilicet, quia pie & euangelice, vestrae aduer-

CONTRA MART. BVCERVVM.

aduersantur doctrinae & sententiae. Qua tamen in re, ipse tecum aperte pugnas, & aduersaris tuae, & vestrorum fidei confessioni, quam Augustae professi estis, & adhuc tueri videmini. In ea siquidem agnoscitis, & tribuitis Episcopis auctoritatem cognoscendi de doctrina (si quae noua exurgens vocatur in controuersiam) an cum euangelio consentiat, an vero pugnet: & reijciendi, quam dissentire iudicauerint. Qua in re, confitemini ecclesias ipsam ex iure diuino obedientiam debere, iuxta illud Christi: Qui vos audit, me audit. Si vobis ipsis consentientibus, ad Episcoporum auctoritatem pertinet, vt cognoscant de doctrina qualibet, quae vocatur in controuersiam, an consentiat cum euangelio, an vero pugnet: & reijciant, quam dissentire iudicauerint: Si insuper vos illis, ex iure diuino hac in re obedientiam debetis, quid ipsam indignamini, quod suo officio defuncti sunt? nunquid propterea filij sunt diaboli? An non vos ipsos potius demonstratis diaboli filios, quod detrectatis obedire eorundem sententiae & iudicio, cui vestra ipsorum confessione ex diuino iure tenemini obnoxij? Iudicarunt Episcopi, & imo primis Episcoporum summus & totius rector ecclesiae,

N iij

APOLOGIA ALBERTI PIGHII

clesiæ, vna cum sacerdotali concilio secum seruien-
tium domino in cathedra Apostolica, quam pri-
mam ac principalem ecclesiæ suæ constituit. Iu-
dicarunt, inquam, hi omnes, quas vos affertis no-
uas doctrinas, vt pias & euangelicas, pugnare cum
Christi euangelio: & contra, illi consentire, quas
vos traducitis, vt impias. Quid igitur non de-
fertis Episcopali illi cognitioni, iudicio, & senten-
tiæ? quid alienas partes inuaditis? quid vobis ar-
rogatis, quod ad Episcopalem autoritatem iure
diuino pertinere etiam ipsi vos confitemini? Quid
Episcopale iudicium ad vestrum reuocatis iudici-
um? Quod si ita vobis facere liceat, quando obse-
cro tenebimini obedire Episcopali iudicio & sen-
tentia, quam profert de doctrina aliqua, & eam vel
damnat vt pugnantem, vel probat vt consentientem
euangelio? Si dixeritis, quando vere pugnantem
damnat, & vere consentientem probat: verum si quid
contra euangelium doceat, tunc ecclesias habere man-
datum Dei, quod obedientiam prohibet.

Sed hoc ipsum erat quod quærebatur, & contro-
uertebatur inter quosdam de doctrina aliqua, pu-
gnaretne, an consentiret euangelio. Et ne istiusmodi
pugna

CONTRA MART. BUCERVINI

pugna & controuersia inter aliquos, ecclesiæ et fidei
in eadem vnitate scinderet, vt ad viuam aliquam,
nempe Episcopalem autoritatem eius rei spectaret
cognitio, agnouistis necessariam, cui etiam diuino
iure subiectas ecclesias, & Christifideles cõfitemini.
Quod si post prolatum illud iudicium, licebit his, q
eam controuersiam introduxerunt in ecclesiam, æ
que vt antea a se dissentire, & inter se contẽdere, pla
ne frustratoriam, imo ridiculam ea in re autorita
tem & cognitionem Episcopalem facitis. Quem e
nim vnquam proferetis casum, in quo Christifide
les, hac ipsa in re Episcopali cognitioni, & iudicio
tenebuntur acquiescere? An quando doctrina, quã
probat, vere consentit euangelio?

Quid si vere consentiat, & tamen vobis dissena
tire videatur? An quicquid vobis videtur, necessa
rio verum est? Certe non esse, luce meridiana clari
us demonstrauius, imo ipsi vos re ipsa demon
strastis, etiam nobis tacentibus. An tibi Bucere, vt
alia innumera taceam, aliquando visum non est, Sa
cramentariorum illam execrandam impietatem, <sup>Sacra-
mentari-
us Buce-
rus,</sup>
tam euidenter pugnantem cum Christi euange
lio, & omnium orthodoxorum ab initio patrum

cera

APOLOGIA ALBERTI PIGHII

certissima sententia conuenire cum Christi euangelio: An non eiusdem impietatis doctor, assertor, & disseminator extitisti tu vna cum symmilitis tuis, apud Argentinenses tuos & alios? Quid igitur, nū tibi nunc idem videtur? an non iam cōfiteris & intelligis nobiscum, Christi consonare euāgelio, in eucharistia esse veritatem corporis Christi & sanguinis? Adhuc non vides, quam vos ipsos hic ridiculos facitis, quam ipsi vosmetipsos, quid intelligatis & velitis, non intelligitis? Sed vt reuertamur, vnde paululum excurrit oratio, ad excutiendam sententiam tuam, qua ratione & tolli possint, quæ in religione nunc grassantur dissidia, & ecclesiæ renouari in piam concordiam.

Assumis, nisi inter Dei filios, & qui Christi spiritu aguntur, in his, quæ ad religionem pertinent, vllam consensionem esse nō posse: quinimo istis ipsis cum his, qui Dei filij non sunt, nec Christi spiritu aguntur, irreconciliabile atque irremissibile bellum gerendum necessario. Habet hæc Christi domus, & familia etiam carnales non paucos, & qui ab operibus carnis (quibus a regno Dei excludi ea facientes affirmat Apostolus) immunes non sunt: ad

CONTRA MART. BVCERVVM.

ad quos reducendos corrigendosq; eiusdem domus disciplina publica uigilat. Habet & suos ægrotos & infirmos, quorum curæ ut parata eadem habet remedia, ita ut illis omni cum dexteritate intendant, præpositorum officium exigit. At non omnes illi, his uitijs, his morbis pro tempore subiecti, sunt dei filij secundum præsentem iustitiam, ut qui non dei, sed contra carnis potius & diaboli opera perficiunt: nec egroti illi & infirmi semper aguntur a Christi spiritu, sed sæpe suæ infirmitati succumbunt: Præcipit nihilominus Christus, & instantissime exigit, pacem seruari in sua domo & familia: In quam tu contra Bucere, irreconciliabile, & irremissibile bellum introducis inter eos, qui Christi spiritu acti, dei opera faciunt, quæ reliquorum comparatione pauci sunt, & inter carnales hos e regione, qui auscultant mundo, carni, & satanæ: nec tamen propterea ecclesiasticæ familiæ societatem deserunt. Huius tam pertinacis atq; intestini belli, in eadem societate & familia, quis tandem expectari posset nisi funestissimus exitus, etiam in filiorum dei, quos tu fingis, ut paucissimorum ad reliquos comparatione, cessurus perniciem? Tu affirmas, nullam inter hos constare posse cõsensionem in his, quæ ad religionem pertinent. Potest ne quicquam dici aut

O co

APOLOGIA ALBERTI PIGHII

cogitari magis pugnās cum Christi doctrina, & euāgelio: Sed uestro more facis, quod uelut legislator quidam ista nobis, sola nudaq; asseuerandi audacia atq; impudentia obtrudis. In quibus sane miror, si te ipsum intelligas. Supra demonstrauius ueram religionem, in uera dei cognitione, & uero pioque cultu eiusdem consistere. Christifidelis per orthodoxam fidem, & diuinarum scripturarum diligens, & fidele studium, ueram dei cognitionem iam assecutus, si sibi per humanam infirmitatem excidens, carni aut diabolo auscultet, & contra legem dei committat aliquid, non propterea ab ea, quam iam pridem ex auditu, & diuinarum scripturarum diligenti studio assequutus est, uera Dei cognitione excidit. At ea prima religionis pars est. Constat igitur euidenter falsum esse, inter eos qui uere Dei filii sunt, eiusq; opera perficiunt, & eos, qui a mundo seducti & satana, carnis opera faciunt, nullam consensionem esse posse in his, quæ ad religionem pertinent: Nisi uera Dei cognitio, & sincera doctrina fidei (quæ iam dudum acquisita, per mortale peccatum non amittitur) ad religionem non pertineat. Quam certum est esse usui maximo, ad tollenda hæc in religione dissidia, & sarcinendam ecclesiarum pacem & concordiam, apud

CONTRA MART. BVCERVVM.

apud quēcumq; demū inuenta fuerit quamuis peccatorem, modo illi ex animo hæc diffidia displiceant. Quæ tamen displicere quā plurimis, qui tam arroganter de se, aliisq; statuere & iudicare non præsumunt, uel ex me ipso, mihi certo est cognitum. Horum (tamen si pro tempore peccatorum) operam, ad id quod quæritur multo utiliore, efficaciorēq; non dubito, quā multorum uere dei filiorum, si modo hos ipsos daretur internoscere, sed simplicium, & qui in diuinis scripturis & syncera doctrina fidei perinde eruditi & exercitati non sunt. Quin stat etiam alteram illam ueræ religionis partem (de quo id minus apparet) nempe pium Dei cultum, in peccatores congruere. Nam peccator eatenus quis est, quo adusque per ueram poenitentiam, & ad Deum synceram conuersionem, eidem reconciliatus est. Stat autem, ut in ipso conuersionis huius actu existens, Deum pie & humiliter colat, atq; eo cultu a deo peccatorum suorum ueniam impetret.

Sed quid est hoc? Vis hos uestros Dei filios, & quotquot Christi esse uolunt, ut inquirant se mutuo, agnoscant & complectantur, omnesque non filios

O ij dei

APOLOGIA ALBERTI PIGHII

dei caueant & fugiant. Qui ita fieri potest? Quo pacto se inquirere, mutuo agnoscere, & complecti possunt hi dei filij, & qui Christi spiritu aguntur: quando nec de se ipso quidem, etiam qui uere talis est, satis secure pronunciat. Nihil, inquit ille tantus Apostolus, mihi sum conscius, non tamen in hoc iustificatus sum: sed qui me iudicat, dominus est. Imo quanto quis uerius est dei filius, tanto profundiori humilitate id ipsum in se non agnoscit: sed se potius suspectum habet in omnibus, & ignorat sinistra eius quod dextera faciat. Vnde ergo huic uere humili tanta arrogantia, ut se ante omnes dei filium certo statuens, etiam de alijs hoc temere iudicare praesumit, quorum secreta cordis sibi cognita non sunt? Multi sane, quod ad uitae externae speciem attinet, Christi esse uidentur, qui tamen reuera Christi non sunt. Quae ergo erit horum dei filiorum temeritas, ut contra euidentem Apostoli sententiam sibi arrogant, ante tempus iudicare de alijs, antequam ueniens ipse dominus illuminet abscondita tenebrarum, & reuelet secreta consilia cordium? Quae denique ista horum dei filiorum uestroque erga proximos omnes, quos ecclesiastica adhuc dominus & familia continet, uera Christianaque charitas, ut uniuersos, quos temerario illo suo, iniquoque iudicio

cio non dei filios iudicāt eos uniuersos, uelut pestem aliquam caueant & fugiant: imo cum eis bellum gerant irremissibile & interminabile. Nunquid ita hos Christus docuit & Apostoli? An ille peccatorum fugit societatem & consortium? Et quoties respondit pharisæis illis, qui idem prætendebant, quod nunc nostri aduersarij, se iustos & dei filios, criminantibus, quod cum publicanis & peccatoribus uersarentur, se potius missum ad peccatores, q̃ iustos istius modi in oculis suis, & qui alios peccatores iudicarent superbo, temerario, præsumptoque iudicio? Numquid illi bellum irreconciliabile, atq; irremissibile gesserunt cum peccatoribus? quos tamen uerius, q̃ hī nostri, internoscere poterant: & non potius omnibus sunt facti omnia, ut omnes lucrifacerent?

Quid denique? Hos solos suos dei filios uult Bucerus conuenire in publicam totius Germanicæ nationis synodum, præsertim eos, qui ex his uel docendi uel gubernandi munere, seu ciuili, seu ecclesiastico funguntur: uult eos solos inter se tractare & conuenire debere de his, quæ ad religionem pertinent, exclusis ab ea tractatione omnibus, qui nobis cognosci non possunt dei filij.

O iii Sed

APOLOGIA ALBERTI PIGHII

Sed qui hæc fieri Bucere poterunt? uellem id quod
que clarius explicasses nobis. An hij uliro & soli, eti-
am non uocati conuenire debeant in synodum, & ha-
rum rerum cognitionem, tractationem, definitionē
que, sua sibi autoritate usurpare, exclusis inde cæteris
omnibus? & quicquid statuerint uniuersæ tantæ na-
tioni, imo uniuersæ ecclesiæ, uelut necessario sequens
dum, obtrudere? Hac sola uia tollentur, quæ sunt in
religione dissidia, & ecclesiis sua sarcietur cōcordia?
Ego sane nihil uideo, si non hæc ipsa uia triplo atroc-
ciora bella inueheret in ecclesiam. Quomodo enim
Christifideles cæteri, qui meliori forte, q̃ tui iure sunt
Dei filij, aut ad hæc tractanda, (qualiscunq; alioqui
eorū uita fuerit) sunt magis instructi & idonei, istorū
paucorū arrogantiam, & tam usurpatum, temerari-
umq; iudicium, & tantum sui contemptum ferent?
Istorum in his, quæ religionis sunt, quisq; se submit-
tet iudicio? imo uero, quomodo non iniectis in illos
manibus, eosdē ipsos temerarios & arrogantissimos
conuenias, e cathedra, quam sua sibi propria temerita-
te usurparūt, doctrinæ catholicæ, eiekturi sunt?

An uero publica aliqua autoritate indicetur syno-
dus eiusmodi an? ad eandem pertinebit conuocare
hos

CONTRA MART. BVCERVVM.

hos, quos iudicat Dei filios, & excludere, reprobare
 que cæteros? Ita sane Bucero non uidetur, ut qui do-
 cet eos, qui Christi esse uolunt, sese mutuo inquirere,
 agnoscere, & complecti debere, cauereq; & fugere
 omnes nō Dei filios: oportere itidē hos ipsos conue-
 nire, quibus inuitis & reclamantibus omnibus, qui religi-
 onis primam sibi iudicationem & gubernationem in
 ecclesia uendicant, nihil moratos successionē & auto-
 ritatem, quas iactant, q̄ hodie uocantur Pontifices &
 Episcopi. At quo pacto (si autoritate aliqua publica,
 indicenda conuocandaq; foret istiusmodi synodus) il-
 le, penes quem esset eius indicendi conuocandiq; au-
 toritas, quo pacto colliget, euocabit, distinguet hos
 Dei filios & Christi spiritu actos, qui diuersis or-
 bis locis dispersi sunt, & quorū ipse familiarem noti-
 tiam habere non potuit. Etsi forte nonnullorum noti-
 tiam haberet, sciret tamen, quod nec de seipso ius-
 to pronunciare posset, se esse Dei filium, & Chris-
 ti spiritum habere, sed in timore ac tremore salutis
 suæ agens negotium, & humiliter de se sentiens, su-
 aque omnia suspecta habens, cum Apostolo diceret,
 si tamen uere hoc posset dicere. Nihil mihi conscia-
 us sum, sed non in hoc iustificatus sum. Qui autem iu-
 dicat me, dominus est. Certe de alijs sibi iudicare ante
 tem

APOLOGIA ALBERTI PIGHII

tempus non licere, quousq; ipse dominus a duetu suo occulta & abscondita in lucem positurus est, & manifestaturus secreta consilia cordium, eidem illi Apostolo crederet. Quo unquam pacto hic solos dei filios, & Christi spiritu actos deliget ex omnibus, & convocabit ad synodum? Nisi forte Bucerum hic, Philippum, & Lutherum paracletos haberet, ut quibus scilicet familiariter noti sunt omnes dei filii, & q; præditi sunt Christi spiritus: ij nempe, qui piæ sanæq; quam ipsi profitentur, doctrinæ Lutheranae assertores sunt: contra, uniuersos satanæ filios, qui illi doctrinæ bellum indixerunt: qui nihil intentatum relinquunt, quo Lutheri illud sacrosanctum extinguatur euangelium.

Sed quæ tandem hec noua, & prodigiosa forma foret celebrandæ synodi, ubi nemo esset, qui indiceret synodum? Affirmat Bucerus, quod cum scriptura non conuenit, quod non est traditum ab initio & obseruatum bonis ecclesiæ temporibus, id admittere, nec ius nec fas esse: contra quod docuit & instituit Christus, cum per se, tum per Apostolos suos, quod religiose coluit pia antiquitas, id amplecti & consecrari esse prorsus necessarium. Ad quod axioma sumum si

CONTRA MART. BUCERVM.

um si hanc, quam somniat, synodum suam expendere
rit, certum est, quod non inueniet istius & modi, &
formae, aut traditam ab initio, aut obseruatam bonis
ecclesiae temporibus: & proinde ut nunc admittatur,
nec ius nec fas esse. Quis enim unquam audiuit de syno-
do, quae nullius autoritate conuocata est, sed ad quam
sele ultro ingessere pauci quidam, qui se dicerent dei
filios, & Christi spiritu agi, & in ea sibi uendicarent
omnia, & exturbarent caeteros, sua sibi autoritate ar-
rogarent in controuersis religionis definiendi, statu-
endiq; autoritatem & iudicium? Et quo tandem lo-
co, ubi nemo esset, qui publica autoritate indiceret sy-
nodum: quo deniq; tempore conuenirent hij dei filii,
quos Bucerus somniat? ut scire posset Germanica na-
tio, conuenisse hos alicubi ad celebrandam ob cau-
sam religionis synodum? Nihil enim horum ne ima-
ginari quidem foret, ubi nemo esset, apud quem in-
dicendae synodi istiusmodi publica foret autoritas.
Proinde, ut penes aliquem aut aliquos Bucerus eam
autoritatem patiatur fore, & suos hos dei filios doce-
at modestius agere, non seipsos inquirere, agnoscere
& complecti, nec sua se autoritate ingerere in uniuersa,
sua sibi autoritate usurpare omnia, sed expectare,
dum conuocentur, dum eis mandetur agendum alio
P quid,

APOLOGIA ALBERTI PICHII

quid, est plane necessarium,

Penes quem igitur Bucere permiffa ifta erit auctoritas: quandoquidem ut penes aliquem fit, id omnino oportet. At ipfe fummos sacerdotes, Pontifices & Epifcopos ab hoc iure prorfus excludit, & alienos pronunciat, quod non cum Luthero & fymiftis eius colligant, & proinde fpargere cum fatana eos pronūciat. Penes quē igitur? Puto, quod p̄ter Imperatorē Carolum, præfertim in indicēda fynodo nationis Germanicæ, neminem comminifci poterit. Nifi forte nec illum folum uelit, fed uniuerfos Imperij principes Electores illi socios adhibeat. Et hos omnes, unde certo nobis conftabit efle Dei filios, & Chrifti fpiritu actos, aliorum quoque Dei filiorum certam notitiam habere, & eofdem a non Dei filiis difcernere, ut hos deuient & caueant in hoc negotio, illos conuocent, & agendæ rei fummam ijsdem committant? Hoc fcio, Imperatorem pro fua modeltia non præfumpturum, ut fe Dei filium certo ftatuat. Et quamuis dicere poffet cum Apoftolo: Nihil mihi cōfcius fum: dicturum nihilominus cum eodem: Non tamen in hoc iustificatus fum: fed ad do
mis

CONTRA MART. BUCERVM.

minum ea in re spectare certum iudicium. Multo minus ante tempus præsumpturum ipsum iudicium eiusmodi de alijs, aduersus diuinum præceptum & Apostolicū: nec puto ipsum de Luthero, Philippo, Bucero, cæterisque symmilitis eorum, hoc constitutum penes se, certumq; habere, quod Dei fiat filij, & in his, quæ agunt, & egerunt, Christi agantur spiritu. Periclitarentur ergo, ne & ipsi admitterentur in hanc synodū, in qua se pene totos regnare oportere, & eorum præscripto agi omnia, ipsi iam penes se uelut certo statuerunt, nec se prætermittis, agnoscerent celebratā legitime, & æque, ut cæteras uniuersas, quæ ipsis aduersantur, impugnarēt ut impiam. Quod si non ad unum Imperatorē, sed ad multos, nempe ad uniuersos Imperij Electores & cæteros principes, hanc indicendi conuocandiq; (quam Bucerus somniat) filiorum Dei synodum, auctoritatem detulerimus, multo incertiora faciemus omnia. Quis enim de his tā multis nos certos faciet, omnes esse Dei filios? Inter quos utinam non essent multi, quos uita publica nō magis coargueret de contrario. Et hī tam multi, tam discrepantes & diuersi, quid consonum statuere poterunt de Dei filiis, ex Buceri p̄scripto tātum cōuocandis ad synodum, ut recte hos discernant, ad quorum

P ij ipsi

APOLOGIA ALBERTI PIGHII

ipsi numerum magna parte non pertinebunt, a cæteris nō dei filiis? Si est uerum, quod tu toties affirmas Bucere, non nisi inter solos uere dei filios, & q̄ Christi spiritu aguntur, in his, quæ ad religionem pertinent, ullam posse consensionem constitui: quin imo his cum cæteris omnibus irreconciliabile & irremissibile bellum necessario geri, iam spem nobis oēm adimis, ut ex tua sententia feliciter agi, constituique possit aliquid in hoc negotio, si auctoritatem hanc indicendi, conuocandiq̄ synodum, in tam multos, tamq̄ diuersos, discrepantesq̄ contuleris. Quod si in unius Imperatoris auctoritate acquiesceres, ita quidē causæ consuleres magis, sed uereor, ne etiam non omnia succederent ex tua sententia, ob rationes, quas paulo ante attulimus.

Vt autem quacumq̄ felici fortuna in unum conuenirēt soli hī dei filii, ut ipsis solis, a cæteris omnibus, ultro deferretur uniuersa hæc synodalis auctoritas, utq̄ omnes libenter se submitterent eorum sententiæ, definitioni, & iudicio in his, quæ ad religionem pertinent: qua tamen ratione uerisimile erit, hos tanto negotio tractando fore idoneos? Neq̄ enim continuo uniuersi dei filii (ut quos fere magis inter idiotas & similes

CONTRA MART. BUCERVM.

simplices, q̄ inter egregie doctos, eruditosq; inuenis
es) huic erunt negotio tractando idonei. Hos tamen
qualescunq; alioqui Bucerus cōstituit in tanti iudicii
folio. Hos in Christi conuenientes nomine, uult scri
pturas in manus sumere, & bona fide in illis scruta
ri: In eis solis abunde se inuenturos, quod ad tollen
das has controuersias satis erit. Nec ipse eas (quod
nobis non impie, ut puto, uidetur) in diuersum sen
sum, a suo illo uero & germano facile flexiles, sed
unum, certum, eumq; certissime & familiarissime do
cere: Non posse, quæ a domino commendata atque
instituta sunt, neq; rudes latere, si ea, inuocato Christi
spiritu, in scripturis & sanctorum patrum monumē
tis inquirant. Nemini enim petenti fide, non dari a pa
tre cœlesti bonum spiritum, nec cuiquā non recludi
mox ista mysteriorū Christi adyta, quisquis prece,
& uero faciendæ uoluntatis dei studio, ea pulsaues
rit. Hæc enim quā sint a uero aliena, mox demonstra
bimus: & nemo uno ipso Bucero horum falsitatem
conuincit euidentius. Quid enim, si in scripturis tam
clare, tam familiariter ac certo inuenitur expressum,
quicquid a domino nobis commendatum, institutū
que est, ut nec rudes latere possint: qui fieri potuit, ut
uos, tu uero præcipue Bucere, quam paulo ante mas

P iij gna

APOLOGIA ALBERTI PIGHII

gna autoritate, & audacia publice docuisti, atque asseruisti cum symmisticis tuis, pestilentissimam Sacramentarium impietatem, non intellexistis, Christi euangelio, & consonæ per ecclesiam fidei, & sententiæ ab initio aduersari ex diametro? Certe nobiscum iam impugnas & execraris eam sententiam, & errorem uestrum publice & ingenue agnoscis, catholicam nunc sententiam publice nobiscum asseris. Vñ igitur ex his aliquod ut sit necesse est ut agnoscatis: uel uos non fuisse Dei filios, sed contra potius actos Antichristi spiritu, quamdiu doceretis tam impie: uel non diligenter admodum uos requisuistis in scripturis, quæ tamen aduersus clarissima Christi uerba, aduersus tam certam, tam consonam orthodoxorum omnium patrum, & totius catholicæ ab initio ecclesiæ sententiam, præsumebatis publice docere ecclesias: uel denique, ut ea recte intelligeretis ex scripturis & sanctorum patrum monumentis, non uere & ex fide inuocasse uos Christi spiritum. Oportet enim, ut horum omnium unum saltem aliquod agnoscatis de uobis. Sed uos interrogo, an non eo ipso tempore, æque ut nunc, certo persuadebatis uobis, quod essetis Dei filij, & Christi perfusi spiritu? An uobis non uidebatur, quam publice docebatis (quam

uis

CONTRA MART. BVCERYM.

uis Christi euangelio & catholicæ fidei tam euidenter pugnantem) sententiam cum eisdem Christi euangelio & catholica fide congruere? An non, quod etiam ex fide petistis uobis dari a patre cœlesti bonum spiritum? Ego certe mihi hæc de uobis persuadeo. Quis igitur de his, quos nunc producis nobis Dei filios, etiam diuinarum scripturarum rudes & idiotas in hoc nos certos faciet, quod etiam quicquid sibi uidebuntur fecisse & facere, certam in controuersijs (quibus religio nūc exagitur,) nobis ueritatem proferent? quod uobis, quamuis doctis & in scripturis uersatis diligenter, tamen eadem, quæ hī, omnia de uobis ipsis persuasis, nulla ratione contigit.

Hoc ego præcipue de te Bucere admirari cogor, quod tam aliena, tam absurda, de ecclesia, de forma, ordine, magistratibus sacris, & Hierarchia, (qbus a Christo tam per se, q̄ per Apostolos eius, Apostolicosq; uiros ab initio ordinata est) tamq; absōna, etiā a communi, eoq; euidenti omnium hominum sensu, & imaginis & doceas, etiam quæ a te ipso haud sane recte intelligi, certo intelligo.

Recte quidē affirmas tu, (aduersus eos q̄ etiā sanctos

APOLOGIA ALBERTI PIGHII

etorum patrum temporibus a celebratis synodis plus
fere mali, quā boni existimant allatum ecclesiis, & i-
dem, ut nunc quoque fiat, plerisque rationibus metu-
unt) etiam duce, magistratque natura hunc ipsorum ti-
morem merito coargui, ut quæ ipsa hanc uiam, ratio
nemque demonstret (dum aliquid turbatur in Repus-
blica, atque inter ciues existit dissensio) ut uiri aliquot
boni, prudentesque conueniant, & componendi, quod
turbatum est, & ciues dissidentes in concordiam redi-
gendi consilium captent. Recte, inquam, hæc affir-
mas tu, si modo recte intelligas. Quæ ita demum res
recte intelligi existimo, si non quorumlibet (qui seipsos
bonos ciues iudicant) ultro sese ingerentium ad offi-
cium eiusmodi, hoc sit permissum arbitrio, sed ut il-
lud ipsum, ad certos aliquot, publica autoritate secun-
dum rationem, & formam eiusdem Reipublice ele-
ctos, designatos & descriptos ciues bonos pertine-
at. Alioqui, quantam perniciem in eiusmodi Rempu-
blicam admitteres, si orta in ea graui inter ciues dis-
sensio de rebus grauissimis (unde penderet eius Rei-
publicæ salus & unitas) de magistratibus publicis, de
communibus, quibus gubernaretur, legibus, de cæte-
risque eiusmodi licere faceres quibuslibet (qui se bo-
nos ciues dicerent) ut inita inter se coniuratione & fa-
ctione,

CONTRA MART. BYCERVVM.

ctione, congregarentur per se ipsos ad causam eius-
modi: suo arbitrio in ea quicquid statuerent: publicas le-
ges ad suum iudicium cohererent: summos in ea magis-
tratus abrogarent, & nouam Reipublicæ formam
ac faciem introducerent: publica priuata, & priuata
publica facerent: An non & cæteri ciues, uere boni,
æquali & maiori numero, aduersus hos ipsos conue-
nientes, una cum summis magistratibus, & legibus
publicis coniuncti, non hos insequerentur, ut perdu-
elliones, & suæ Reipublicæ hostes cõiuratos, & ma-
nifestarios? Nunquid aut Solon, aut Lycurgus, (&
si qui alij, probatæ alicuius Reipublicæ, & constitutæ
in eadem disciplinæ, autores extiterunt) talem aliam
quando formam inueniuntur constituisse Reipubli-
cæ? Nos certe talem autorem habemus Reipublicæ
ecclesiasticæ nostræ, ut si quis iudicet ab eodem non
cõstitutam illi suam formam, & speciem suo fini cõ-
gruentissimam, si non prouisaq; eidem existimet om-
nia (quæ ad eam ipsam, eiusq; unitatem conseruân-
dam, & ad noxas ab ea omnes, ex quibuscunq; emer-
gentibus casibus, facile depellendas, necessario perti-
nere, etiam a nobis euidenter intelliguntur, quamuis
homunculis) is talis de eo ipso eius autore indigne mi-
hi sentire uidetur. Est is autor, infinita & om̃ipotens
Q sapiens

APOLOGIA ALBERTI PIGHII

sapientia, quam uti nihil omnium suæ ecclesiæ necessarium latere potuit, ita ne quid illi omnium deesset, eisdem providere æque fuit facile: ut qui omnia, quaecumque uoluit, fecit, & in coelo & in terra. Et quod abunde prouiderit de omnibus, eiusdem studium erga eandem ecclesiam suam (quæ illi fuit causa operum suorum omnium) non finit, ut dubitetur ab aliquo.

Quæ uero forma, ut species ecclesiasticæ Reipublicæ necessario congruat, etiã humanæ rationis euidentiã nō est difficile intelligere, siue materiã, ex qua necessario coagmentanda erat, & coagmentata cernit, siue eius finem respicias, ad quem necessario congruere debet rei forma & species. Imprimis, esse Christi ecclesiã, cœtum ac societatem Christifidelium, ab ipso Christo, Apostolorum, discipulorumque eius ministerio, ex omni gente, lingua, natione, & populo congregatã, & propagandã in fines orbis & sæculi, sicut ipsa rei euidentiã nemini obscurum esse finit, ita aduersus istorum hominum impudentiã alibi adstruximus accuratius. Esse, inquã, diffusæ in totum orbem (tã dissonæ alioqui ac discrepantis) multitudinis societatem quandã. Porro societas eiusmodi inter multos, atque adeo infinitos, tã dispersos, tam a se alioqui alienos, in cæteris omnibus, nisi cōnexio quædam per efficacissimum quoddam unita

CONTRA MART. EVCERYM.

unitatis uinculum intercedat, ut subsisteret, & uel ad momentum conseruaret, prorsus imaginari non est. Vna tñ ut sit, & ad finem usq; necessario permaneat, habet Nicenæ fidei quotidie in ecclesijs decātata cōfessio. Quam q̄squis ruperit, a salute illum alienum esse (qualicumq; alioq in deum fide, qualicumq; uita & moribus fuerit, etiā si pro cōfessione Christi nominis in mortē se tradiderit) orthodoxis ab initio oīnis bus sp̄ in confesso extitit, & supra a nobis demonstra tum est. Proinde quibus modis eius soluat unitas, ut nemo Christifidelis ignorare debet, ne forte se credēs tenere unitatē ecclesiæ, extra eandē existēs, ī statu da mnationis p̄maneat: ita facilibus atq; euidentibus no tis cuiq; haud difficulter intelligit. Imprimis hoc ha bet ecclesiastica Respublica et societas commune cū societatibus cæteris, q̄d diuersorum hominum multi tudo sit: hoc in eo ipso communi differens a cæteris, quod pene infinita sit. Hoc autem, incommutabili lege sanciuisse naturam, ut omnis multitudo (etiam si inanimata foret, quo in unitatē aliquā conciliet et una conseruetur) necessario ordinata sit, principatum in eo ordine obtinēte uno aliq, quale ἡγεμονικόν Græci uo cāt, sicut hoc ipsa ubiq; rerū natura in uniuersis suis opib⁹ euidenter loq̄t, ita ca. secūdo li. ij. de Hierarchia

Suas ha-
bet no-
tas eccle-
sia.

Q ñ eccle

APOLOGIA ALBERTI PIGHII

ecclesiastica (aduersus eos, qui etiam ad euidentia omnia ultro claudunt uel inuitos oculos) accuratius demonstraui. Maxime uero omnium, uinculo istiusmodi necessario constringi hominum multitudinem, ut inter illos consistat aliqua, etiam qualiscunque, socialis unitas, aliqua in unum conspirans unio: quando alioqui unoquoque non solum proprium aliquid, uerum & liberum habente arbitrium, si non obsequatur ἡγεμονικῶν alicuius autoritati & imperio, & suo ordini, suis legibus pareat, nullam tamen formam socialis alicuius unitatis, uel ad momentum in ea conseruari posse, res & ipsa loquitur in singulis, & notius est, quam ut a quoquam dubitari possit aut debeat. Proinde etiam suam ipsius ecclesiam nunc sub Regni, nunc sub nobilissimae cuiusdam, ac diligenter constitutae ciuitatis, nunc etiam sub domus forma & specie, ille ipse eius architectus nobis producit & commendat. Eandem ecclesiam Apostolus immensi animantis alicuius corpori aptissime comparat, quod ex multis membris in solidam aliquam unitatem sit compositum, conspirantibus ad communem totius corporis, atque ad mutuam utilitatem in unum singulis. Porro in uno animantis corpore nisi unum esset motuum principium membrorum omnium, nunquam in unum, aut totius

CONTRA MART. BVCERVVM.

tius utilitatem conspirarent omnia: sed uno hac, alio mouente in contrarium, foret schisma in corpore, & membra sese impedirent mutuo, nec ullum assequeretur, quod uellet, proprium. Itaque ut in omni humanae societatis genere, nisi ea ordine certo, & ad suum finem proprium commodo, in unum contineatur, & sit qui praesit, cuius dicto sint audientes caeteri: nec ad momentum, unitatem & concordiam conservari posse, res ipsa loquitur. Ita & Christi ecclesiam hoc ipsum necessario habere commune cum societatibus caeteris, imo magis necessarium praeter caeteris, eadem ratio demonstrat. Tanto, inquam, magis necessarium, quo magis numerosam in se multitudinem complectitur. Quo enim est corpus uastius, & membrorum, quae colligari desiderant, multitudo immensior, eo efficaciori, fortiorique uinculo, quo contineatur in unum, necessario indiget. Est enim immensa, atque adeo infinita in uniuersum orbem diffusa, quae nullo alioqui civili uinculo continetur, multitudo fidelium. Porro uinculi istius efficaciam in ordine diligentissime constituto, & quae fieri potuit in arctissimam unitatem sub unius principantis habentis, & imperio redacto consistere, aequae euidenti ratione intelligitur. Nam si ordinis, & unitatis in eo principantis efficacia, multitu-

Q. iij. dinem

APOLOGIA ALBERTI PIGHII

dinem in unum cōtinet: magis utiq; cōtinebit, q̄ & il
 le diligentius cōstitutus, & in maiorem unitatem red
 ductus erit. Vt plane certū sit, siue in ipsam rerū rō
 nē cōiiciamus mētis oculos: siue coelestiū illorū cor
 porū admirabilē, & pulcherrimū ordinē, quem alibi
 explicauimus: siue coelestē illā Hierarchiā, ut eius de
 linationē quandā, & e diuinis scripturis, & a sancto
 rum patrum diuinitus illuminatorū monumentis cō
 cipere qualitercumq; possumus: siue deniq; ipsam to
 tius naturæ tenorem consideremus attentius, cōsona
 uoce hoc ipsum nobis loquentibus om̄ibus, omnem
 multitudinem eo rectius, ac felicius degere, quo ma
 gis per unius igemonici efficacissimum impium, in
 arctissimam, q̄ fieri potest, unitatem redacta est. In q̄
 societatis genere, si quid nonnūq̄ occurrat, q̄d quem
 possit offendere, ac reprehensione dignum sit, id ho
 minum uicio, etiam rebus & optimis & omnino ne
 cessarijs abutentium, non autem ex ipsa societatis ra
 tione (quam esse constat perfectissimam om̄m) oriri
 certum est. Et hactenus quibus rebus cōstet, & con
 tineatur ecclesiasticæ societatis illa tā necessaria uni
 tas, ex his q̄ habet communia cum societatibus cætes
 ris, ex materia, inq̄, sua ex qua coagmentāda erat, &
 coagmentata cernitur, nemo est qui non intelligat.
 Sed nō habēt societates oēs humane eandē formā ac

CONTRA MART. BVCERVVM.

speciē, q̄ ex rei cuiusq; fine p̄scribit, & cū eo ut exa-
cte cōgruat necesse est. Quēadmodū ad eiisdē finis
modū p̄scribit autoritas, q̄ igemonico in unaquaq;
societatis forma, & specie cōgruit. Neq; em̄ eadē for-
ma & species, neq; eadē igemonici autoritas cōgruit
om̄ibus, sed uarietas hæc, ut diximus, ex cuiusq; fine
dependet. Absq; ordine nulla subsistit humana socie-
tas, nec ullus est ordo, si non redigat̄ ad principiū, &
caput aliquod: sed cuiq; societati suus ordo, cuiq; or-
dini suum principiū erat necessariū. Et cuiq; capiti ac
principio sua autoritas ad finē sue societatis congrua.
Habet una domus mēbra uaria, ordinata sub unius
patrisfamilias autoritate & imperio: q̄, ea ratio in us-
nū cōciliat, ut cōmodius educēt liberi, & rebus ne-
cessarijs om̄ibus prouisi & cōmuniti, in eadē domo,
eisdēq; parietibus, & tectis multi conuiuāt melius &
securius. Ad quem finem quæcunq; recta p̄scribit
ratio, ad auctoritatem patrisfamilias necessario perti-
nēt. In qbus reliqs eiisdē familiæ om̄es, in suo quēq;
gradu atque ordine, illi obedire oportet: ut si uxori
p̄cipiat, q̄ uxore non dedeceāt: si filijs, ad rationem
eādē: si famulis, seruis, ancillis, oēs dicto eius audien-
tes eē cōuenit, et naturali, diuinaq; lege, ut sint, adstrin-
gūtur. Secus uero, si omnino iniqua p̄ciperet, aut
etiam,

APOLOGIA ALBERTI PIGHII

etiam, si suæ autoritatis limites plane excederet. In qua præcipere intelligendus foret, non solum si contraria ijs, quibus ipse subest, potestatibus superioribus præciperet, hoc est, Deo, ecclesiæ, & quibus ipse quoque subiicitur, ciuilibus publicisq; magistratibus: sed etiam, si ordinis, personarumq; rationem in suis præceptis non obseruat: ut si uxorem ad ancillæ humilitatem deiiciat, atq; illi indigna præcipiat, quæ seruorum forent: si & his quoque, quæcunque præscriberet, non recta dictaret ratio, sed aut furor potius quidam atq; indiscretio, aut petulantia: aut si uirium in his, aut humanæ conditionis rationem iustam, non haberet. Omnino uero limites suæ potestatis transgredere-
deretur, si quid præciperet, quod plane foret præter rationem domesticam. Nec quid refert, bonum malumve id foret: aut quod ab alio igemonico, in alia societatis specie idem imperatum, teneremur exequi. Hoc enim præcipienti patrifamilias, uxor, liberi, serui, ancillæ obedientiam non deberent, ut si eisdem aut ieiunia, aut eiusmodi poenitentiae opera præscriberet præter ea, ad quæ Dei, aut ecclesiæ præcepto a ligantur. Hæc enim ad alterius formæ societatem, & principantis in ea autoritatem, pertinent. Quemadmodum & ciuilibus magistratibus pro Reipublicæ salute,

lute, aut Imperatori in acie ꝑcipientibus, multa præ-
 stare teneretur filiusfamilias, quæ non teneretur iu-
 bente patre ut eiusmodi. Secūdum exemplum istud,
 qualia sint in singulis humanis societatibus, & quid
 in quoque ordine superioribus nostris debeamus,
 ipsam formam, speciemq; societatis, in qua superio-
 res sunt, æstimanti, iudicare difficile non est: si modo
 rationis regulam prauus affectus non obliquat, aut
 uiciat. Nam suam cuiq; societati formā ac speciem
 præscribit finis, ob quem ea ipsa contracta est. Qui
 est regula & scopus, in quem perpetuo respicere de-
 bet præsentis autoritas: adeo ut quicquid manifes-
 te præter illum est, multo magis si ab eo abducatur eti-
 am, manifestum est ad eius auctoritatem non pertine-
 re, nec eidem ꝑcipienti obedientiam deberi a subditis.

Itaq; qui ad hanc rationem pergit expendere cas-
 tholicæ Christi ecclesiæ formam, & speciem: uniuersum
 etiam autoritatis modum, quæ igemonico ac
 principanti in eadem necessario competit, facile intel-
 ligit. Demonstravit superior ratio, ut ordine arctissim-
 o, ac diligentissime constituto, sub unius igemonici
 & rectoris efficacissimo imperio colligata, in unum
 necessario cōnecti debuerit. Sed ordinis speciem, for-

R mamq;

APOLOGIA ALBERTI PIGHII

Finis ec-
clesiasti-
cæ socie-
tatis.

namq; & modū autoritatis in eadē præsidis igemō
nici, necdū aperuit. Vtrunq; ex fine eiusdē intelligen-
tur facile. Qui finis est, ut legē fidēq; Christi, quam
edocti a spū sctō Apostoli, uiua doctrina tradiderūt
ecclesijs, in finē usq; incorruptā conseruemus, quēad-
modū est tradita ab initio: utq; in his, quæ ad Christi
fidē religionēque p̄tinēt, idē perpetuo dicamus, tenea-
musq; omēs, et consona pietate honorificemus deū:
ut in fide Christi, & in dei præceptis suo modo recte
instituti Christifideles omēs, & sacramentorū, q̄ nos
bis ad salutē & remediū relicta sunt, participatione
muniti, his medijs assequamur una coelestem illā (ad
quam per Christū uocati sumus, & cuius ipse nos si-
bi coheredes effecit) æternæ felicitatis hæreditatem.
Hic, inq̄, finis est societatis ecclesiasticæ, ex quo mox
intelligitur eiusdē forma & species necessaria, qualis
ab initio ad nūc usque fuisse cōspicitur. Imprimis em̄
hoc quiuis intelligit, in hac societate tā immensa, quo
eius conseruetur unitas, & sui illius finis compos eua-
dat, fuisse necessariū, ut multis sacrorū ministris, &
qui plebi tā infinitæ, tā a se in uniuersum orbē disper-
sæ, erudiendæ, ac gubernandæ superintēderent, multis
diaconis, presbyteris, & ecclesiarū rectoribus ac pa-
storibus dirigeretur. Intelligit quoque lector, etiā hāc
mis

CONTRA MART. BVCERV.M.

ministrorū, rectorū, pastorūque multitudinē necessa-
rio ad unitatē paulatim, gradatimq; redigi oportere,
& oēs subesse unius tandē igemonici totius ecclesiæ
sticę societatis rectoris efficacissimę autoritati, in his
videlicet, q̄ ad finē eiusdē societatis pertinent. Formā
itaque ac speciē ecclesię uidemus, q̄lis ab initio ad nos
usque perdurās, iā dudū ab aduersariis labefactari cœ-
pta est: arctissimā nēpe societate Christifideliū om̄is-
um in his, q̄ ad uerā religionem pertinet, uariis minis-
trorū, presbyterorū, pastorū, Episcoporū, Archiepis-
coporū, primatumque ordinibus (ut in tā immenso
corpore om̄ino erat necessarium) ad unū summum
Pontificē, totius ecclesię pastorem ac presidem, de-
centissime ordinatā. Cui p̄sidi, ut in ceteris quoq; hu-
manarū societatum formis, ad suū modū cuiusq; ige-
monico, necessario cōueniebat tantā autoritatē habē-
re, q̄ta illi ad continendos om̄es in officio, ad conser-
uandā in sua unitate, & mēbrorum sympathia, con-
spirationeque, suā hęc societatem ecclesiasticā, & in
ea publicam in omnes disciplinam conseruandā, bre-
uiter quanta ad uniuersam feliciter in suum illum fis-
nem dirigendam erat necessaria.

Nec de hoc quisquā dubitare potest, quin eidem
R ii nes

APOLOGIA ALBERTI PIGHII

necessario conveniat, quod & in alijs uniuerſis humanarum ſocietatum formis, ſuo cuiuſq; igemonico conuenire ipſa rei euidentia loquitur: nempe, ut ſi inter eiſdem ſocietatis membra oriantur contentiones aliquæ & controuerſiæ, præſertim quæ ad finē eiſdem ſocietatis propriè pertineant, eæ decidentur auctoritate igemonici, cum adiuncto ſibi ſeniorum, prudentiumq; conſilio, quos, quotue, ad eaſdem aſſumere ſibi utile uidebitur, ita enim habet omnis alia humane ſocietatis forma ac ſpecies. Itaq; quando omnes homines ſumus, & cum hominibus uiuimus, ſuboriri ſubinde inter nos quæſtiones & controuerſias erat neceſſarium, non ſolum inter plebeos & ſimplices, ſed multo magis inter eccleſiarum rectores & præpoſitos, de his quæ ad doctrinam religionis, ſideiq; Chriſti pertinent. Ne igitur his ipſis inter ſe perſtinaciter diſſidentibus, unusquiſq; ad ſe rapiens eccleſiam Chriſti, eiſ unitatem ſcinderet, hoc plane quilibet neceſſarium intelligit, ut horum omnium ſumma auctoritas eſſet penes unum totius eccleſiæ præſidentem: ad quem tandem referretur eiſmodi omnis quæſtio & controuerſia, quæcunq; ad Chriſti fidem, religionem, breuiter ad eccleſiaſticae ſocietatis finē, quomodocunq; pertineret: cuius ſacroſanctum
de

CONTRA MART. BVCERV M.

de his omnibus apud omnes haberetur iudicium. Si
ne quo, perpetuis & inextricabilibus quæstionibus,
cōtrouersijs, & pugnis, perpetuo plena foret domus
ecclesiastica: & tor essent, tamq; dissonantes de fide
& religione sententiæ, quot sunt in ecclesia, & quā
diuersa, capita.

Vniuersa hæc de Christi ecclesia, de eius forma,
specie, ordine, igemonici in ea præsidis unitate, & ef-
ficacissima, & sacrosancta autoritate in prædictis o-
mnibus, utq; sine his non possit uel ad momentum
subsistere, unusquibet nostrum, quamuis non ad
modum subtili ingenio, ex communibus rerum rati-
onibus (ut iam palam fecimus) haud difficulter intelli-
git. Quāto magis ea ipsa intelligebat ille eius archite-
ctus & conditor, dei oīpotens sapientia, quā ut nihil
eorum omnium latere, aut fallere potuit: ita nulla dif-
ficultas eidem fuit, quo minus ecclesiæ suæ provide-
ret de necessarijs omnibus. Vt uero sciens illi defue-
rit in tam necessarijs infinita eius bonitas, & effusus
in eandem amoris affectus, quem suo precioso san-
guine, & morte amarissima satis contestatum fecit,
non solum ut credamus non finit, sed contra potius,
ut diligentissime & abunde illi prouiderit de necessa-

R iij rjs

APOLOGIA ALBERTI PIGHII

rijs, & utilibus omnibus, certissimo persuadet. Cui
qui cernit subscribere ipsam rei euentiam, & uidet
tali forma, ac facie fuisse ab initio diligentissime ordi-
natam uarijs ministrorum, officiorum, presbytero-
rum, pastorum, Episcoporum, Archiepiscoporum,
primatum, gradibus & ordinibus, per quos totius ec-
clesiasticæ societatis quamuis infinita immensitas, uni-
us præsidis auctoritatem & imperium persensceret
& sympathiæ, obedientiæq; sensum uicissim redde-
ret: Qui, inquam, tali forma & specie uident, fuisse
ecclesiam ab initio: Qui ita delineatam eandem a suo
illo architecto in ueteri populo, longe antequam fie-
ret: hi nec quicquam habent, quod in his dubitare de-
beant, cur in monte & in clarissima luce positam ecc-
lesiam, atq; eius faciem, formamq; omnibus euiden-
ter conspicuam inuoluere queant, & obscurare plus
q; Cymmeriis tenebris: cur nouã illi, sed absurdissimam
faciem affingere, qualem sane nec ipsi explica-
re possunt, nec quam uelint intelligunt: cur in compo-
sitam ad summam unitatem & pacem, & ad extirpã-
das subortas in ea uniuersas quæstiones, & cõtrouer-
sias cõueniëntissime prouisã, & efficacissime armatã,
non solum introducere studeant bella irremissibilia,
& irreconciliabilia, sed etiam suis illis ornamentis, &
præsis

CONTRA MART. BVCERVVM.

præsidij spoliare, & efficere, ut subortis (quæ oriuntur quotidie) cōtrouersijs ac diffidijs eiusmodi, ignoremus quo pacto, & cuius autoritate, definitione, & iudicio, ea componi oporteat, sed totus orbis, tam multis annis per ea inquietari & concuti debeat: imo ut horum nullus unquam modus & finis sit, eiusmodi somniorum suorum portenta, de celebrandis eius causa synodis nobis proponentes, quæ ipsi nec explicare possent, nec intelligunt. Et quæ tandem Bucere hæc est rei indignitas, quæ tua non impudentia: ut ex decentissime ordinata, formataq; a suo illo opifice & in tam clara luce posita & conspicua (ut eam etiam si nolis subinde, qualis est, intueri cogaris) orationis tuæ tenebris inuolutam, tali nobis forma producere conaris, ut eius me puderet, si ego illi autor adscriberer. Adeo nemo nostrum est, qui nō infinito conuenientiore illi formam, saltem cogitatione affingeret, quam sub qua a te producitur.

Diuinus ille spiritus in populo ueteri (quo nostrā quodammodo deliniauit, adumbravitq; ecclesiā) ita et si quæ ad legem & religionem pertinebant uniuersa illis scripto diligentissime explicanda curaauerat: exorientes nihilominus inter illos quæstiones &

con

APOLOGIA ALBERTI PIGHII

controuersias circa legem, cæremonias, & alia grauiora negocia, uiua aliqua autoritate definiri uolebat: quippe sciens nisi uiua autoritate componi non posse eiusmodi. Et primum quidem, ad inferiores, & subalternos in singulis ciuitatibus constitutos harum rerum iudices, ex Leuitis et presbyteris aut sacerdotibus, referri eas ipsas uolebat. Per quos plane consentientes, si forte plena inter altercantes fuisset composita concordia, nihil opus erat alio referri eiusmodi quæstiones & iudicia. At si uel non satis conueniebat inter ipsos iudices, uel altercantes animosiores essent, quã ut suis utrinque opiniõibus facile cederet, iussi sunt ad ultimum & supremum tribunal referre negociũ: quod penes summum sacerdotem, & Põtificem maximum erat, una cum concilio sacerdotum & Leuitarum, secum una pro uicis suæ tempore ministratium domino in loco, quem ipse inter eos elegerat & singulariter coli uolebat, præcipiens altercantibus eiusmodi, ut facerent iuxta uerbum, qualecunque demum annuntiarent illi de loco, quem elegerat dominus, in quo tum conseruabatur uetus illa Mosi cathedra. Neque satis habuit id ipsum semel, uelut obiter aut negligenter uideri præcepisse, sed addidit: Et custodies ualde, ut facias secundum omnia, quæ te docuerint: Magnã uidelicet

CONTRA MART. BVCERVVM.

videlicet a nobis in obediētia sollicitudinem & singularem diligentiam requirens: nec quicquam excipiens omnium, sed in omnibus, eorum nos sententiæ & iudicio absq; vlla discussione subiiciens. Et quasi non satis habuerit etiam secundo hæc nobis diligenter commendasse atq; ingessisse, addidit tertio: Iuxta legem, quā docuerint, & iuxta iudicium, quod dicent tibi, simpliciter facies: Nec discedes a verbo, quod annunciauerunt tibi, ad dextram neq; ad sinistram. Addidit postremo etiam mortis poenam in contemptorem sacrosanctæ autoritatis sacerdotis summi præsidis cathedræ. Qui autem superbierit, inquit, nolens obedire imperio sacerdotis præsidis cathedræ, qui eo tempore ministrat domino Deo tuo, ex decreto iudicis morietur homo ille, & auferes malum de Israel.

Hæc vniuersa ita diligenter constituisse veteri illi populo diuinum spiritum, tametsi ex vulgata nostra lectione, quibus hæc corrumpant, nonnullam ansam inuenerint, sed frigidam admodum, veritatis hostes & aduersarij, cap. iij. lib. iij. de Hierarchia ecclesiastica, & alijs plerisq; locis, euidentissime demonstrauimus.

S Sed

APOLOGIA ALBERTI PIGHII

Sed ne cuiquā hic humanæ conditionis memo-
ri, humana quoq; cogitatione occurrat, etiam homi-
nes esse summum sacerdotem ac Pontificem, præsi-
dem cathedræ & sacerdotum, Leuitarq; cōcilium
vna secum ministrantium dño : esse & peccatores,
infirmirate, vt nos, & errore circundatos: posse pro-
inde & falli & fallere, & mendacium nobis pro ve-
ritate suggerere, quod sequentes cæci cæcos duces
vna cum eisdē præcipitaremur in foueam : hic suā
nobis prouidentiam, qua suam ecclesiam singulari
cura gubernat, & quod humanis viribus deest, ipse
per cōstitutos nobis sacrosanctos illos magistratus
suos, suppleat (qualicunq; alioqui vita fuerint) vti-
litatis & publicæ necessitatis ecclesiæ suæ, non vitæ
illorum, aut personalis meriti hac in re respectū ha-
bens. Hæc idem ille diuinus spiritus nobis cōmen-
dat, & vniuersa hac sollicitudine liberat : affirmans
fore, & nos securos faciens, illos ipsos (nempe Pon-
tificem maximum, cathedræ præsidem, cum sacra-
dotali concilio vna secū seruientiū dño) qualescūq;
alioqui fuerint, iudicatuos esse controuertentibus,
& veritatem apud eos requirētibus, ipsam quæsitā
& controuersæ rei veritatē. Qui iudicabunt, inquit,
tibi iudiciij veritatē. Proinde iudiciij, definitionis &
senten-

CONTRA MART. EYCERYM.

sententiæ eorū omnem nobis ademit discussionem,
retractationem & iudiciū, sed absolute obsequendi
necessitatem imposuit: nec vitæ, sed sacrosancti, quē
pro publica totius ecclesiæ necessitate gerant, magis-
tratus, dignitatis, autoritatisq; rationem a nobis ha-
beri voluit: nec vitā illorū nostro subiecit iudicio (vt
quos ipse nobis constituit iudices) sed suo vnus il-
los seruauit iudicio. Itaq; contumacem oēm inobe-
dientiā aduersus imperium sacerdotis præsidis ca-
thedræ, mortis supplicio puniri voluit. Nō dicit sa-
cerdotis boni, sancti, & qui imperat, quæ secundum
legem Dei sunt, sed simpliciter, vt audisti. Quorū vi-
ta etiā si euidenter viciosa & scandalosa fuerit (qua-
lis erat scribarum & pharisæorū, quos Christus no-
tat suo tempore præfides cathedræ) nec hoc te rele-
uat, eodem ipso doctore Christo, quin eisdem hu-
mitem obedientiam debeas, propterea quod præsi-
dent cathedræ. Super cathedram Moysi sederunt, in-
quit, eiusmodi tales, quales ipse depinxerat, scribæ et
pharisæi. Quid igitur dicturum existimas? an pro-
pterea obedientiam a nobis illis nō deberi? an non
annunciaturos nobis quæsitæ rei veritatem, ob vi-
tæ propriæ indignitatem ac demeritum? nec pro-
inde teneri nos sequi eorum definitionem & iudi-

S ij cia:

APOLOGIA ALBERTI FIGHII

cia: Imo contra prorsus omnia. Ergo, inquit, omnia quaecunq; vobis dixerint, seruate & facite. Ideo, seruate omnia, quaecunque vobis dixerint, quia supra cathedram sedent: nō quia sancti & boni viri sunt. Quorum vitæ exemplum ita vitare debes, vt nihilominus sacrosancti magistratus auctoritatem, ad publicam ecclesiæ vtilitatem in eisdem reuereare & agnoscas. In cuius totius perniciem tendit ob procliuitatem exempli in alios, etiam si vnus aduersus summi sacerdotis auctoritatem inulta transeat cōtumax inobedientia. Vt auferas, inquit, malum, perniciem & scandalum de medio Israel, vniuersæ nēpe ecclesiæ: & cæteri supplicij exemplo territi discāt non superbire, sed humilē illi obedientiam deferre.

Quin & hoc voluit diuinus spiritus: quam ipse congregauit, ordinauit, et formauit societate ecclesiasticam, differre a societatibus cæteris, quas vtilitatis aut necessitatis publicæ causa inter se conciliarunt homines: vt quis etiam in his, quamdiu earundem pars sumus, obedire teneamur præceptis superiorum nostrorum, etiam coram Deo (modo prorsus non aberrarēt a fine societatis, in qua præsident, quo casu non teneremur præcipientibus illis obseq) In illa ta-
men

CONTRA MART. BUCERYM.

men sua, non vult a nobis discuti præcepta summi magistratus, quem ipse in ea cōstituit, sed velut sua ipsius a nobis accipi & haberi. Et proinde, vt audisti, præcepit, ne in vllam ab eis partem declinaremus, nec ad dextram nec ad sinistram: sed sollicite custodiremus, vt faceremus secūdum omnia, quæcūq; nobis dicerent: tametsi prohibeat eorum opera, vt sequaris, attendere. Quando ipse singulariter adest illis in his, quæ ad officium eorum pertinent, pro necessitate suæ ecclesiæ.

Hæc est Bucere ecclesiæ nostræ forma et species, plana, explicata, decora, efficax, solida, vere digna suo illo opifice, omnipotenti, infinitaq; Dei sapientia. Qua quidē vna, quamuis inter homines et peccatores homines (quales subinde sumus vniuersi in vniuersis ordinibus ecclesiæ) in tam immensa toto orbe diffusa multitudine Christifidelium, cōseruari potest vnitas, pax & concordia: cōseruari disciplina publica: contineri vniuersa tam vasti corporis membra, in sympathia, in cōspiratione in mutuum et totius vtilitatē, et in suo quodq; officio. Eandem, vt audisti, etiam in illius veteris populi ecclesiā constituit, vt in ea nostram, qualem eam cōditurus esset, velut deliniatione quadam exprimeret. Ean-

S iij dem

APOLOGIA ALBERTI PIGHII

dem constituisse in nostra, ipsa rei euidentia loquitur, vt quæ tali forma & specie ab initio semper conspicua extitit. Atq; ita constitutam a Christo (si modo is autor est suæ ecclesiæ) & non ab hominibus, toto semper orbe orthodoxi omnes, verissime intellexerunt. De quo ne quis omnino dubitare possit, eidem ipsi singulari curæ fuisse videtur. Nam cū Apostoli (quæ est corruptæ humanæ naturæ ambitio) in hoc Christi regno, quod idem ipse nusq̃ non in ore habebat, nec illi, quale futurum foret, intelligebant, fere omnes primatum ambirent, in omnium Apostolorū præsentia clarissimis verbis designauit Petrum, cui eundem commissurus esset. Et cum illi nomē ante fuisset Simoni Ionæ filio, ipsum Cephā appellauit: quod Latine saxū quoddam ingens, ingentem petram, rupem, aut scopulum dixeris, immenso alicui ferendo ædificio idoneum. Vnde & Iosephus in sua Hierosolymitani belli historia, scopulosum quēdam collem, vnde Hierosolyma libere conspicua, etiam grauiter vrgebatur ab obsidentibus Romanis, Cephā dicit fuisse appellatum. Hoc nomen Simoni dominus imposuit, atque addidit, super illam ædificaturum se ecclesiam suam, aduersus quam inferorum portæ præualitura non

CONTRA MART. BYGERVM.

rae non forent. Quibus paucis verbis, & quae foret ecclesiae suae cum illa petra, rupe, aut Cepha connexionio, & quae conditio earum, quae se diuisissent ab eodem, clarissime expressit. Nam eam unitatem & connexionem ecclesiae suae ad Petrum innuit, qualis est ad suum fundamentum aedificij: ad cuius unitatem euidenter non pertinet, quicquid a fundamento eius diuisum, separatūq; existit. Deinde eius vnus ecclesiae Petro unitae custodiam sibi curae fore significat, nec inferorum portis aliquando conclusam eam iri, nec illos in eandem, ut suam, sibiq; deditiorum liberam potestatem obtenturos: sed quicunque in eadem permanet, sub regno Christi, non inferorū permanere, tametsi peccatores sint: cum contra, quotq; ecclesiae ab illa se petra diuisere, eas ipsas inferorum portis conclusas, & membra esse regni satanae, in quos ille liberum imperium obtinet, clarissime significet. Nam qui intra alicuius munitiones et portas inclusi continentur, in libera eius sunt potestate et arbitrio. In libera proinde potestate satanae, in eius regno, ditione & portis inclusi tenentur, si Christo credimus, quicunque se diuiserunt ab unitate catholicae ecclesiae: nec illi Cephae uniuntur, supra quem Christus affirmavit aedificaturum se ecclesiam suam.

Per

APOLOGIA ALBERTI PIGHII

Pergit autem Christus ad eundem illum Cepham :
Et tibi, inquit, dabo claves regni coelorum, hoc est,
regni mei, ecclesiae meae, quam bis vices regnum coe-
lorum appellat. Promittit Petro daturum se claves
regni sui, hoc est, gubernandi, regendiq; autoritate,
quae in metaphora clauium rectissime exprimitur,
& in hodiernum vsq; diem, ex vetustissimo more
in traditione clauium traditur. Proinde earundem
clauium mysterium explicare pergens: Quaecunq;
inquit, hic ligaueris in hoc meo regno super terrā,
alligata habebuntur coram Deo in coelis. Et quae-
cunq; ante obligata resolveris, soluta habebuntur in
coelis. Quicquid hic fixeris aut refixeris, ad verbum
oris tui, ad imperium tuum agentur vniuersa: tuis-
que praecipis & iussionibus, vt rectoris mei regni,
meae ecclesiae ac familiae, mei parebunt vniuersi: vt
quas Deus in coelis, firmas, rataq; habiturus est.

Quas autem claves sui regni hic promisit Petro,
ibi eas dedit, cum mox redituro ipso a nobis ad pa-
trem, alterius (eius vice) pastoris, rectorisq; necessi-
tas fore inciperet suae ecclesiae. Tunc in caeterorum
etiam praesentia Apostolorum, & discipulorū suo-
rum, vnum Petrum ouili suo praeposuit, vni cōmi-
sit &

CONTRA MART. BYCERVVM.

sit & ouium & agnorum suorum pastorem cura-
ram, & regimen. Quod faciēs, sicut eidem omnem
ad hoc necessariam auctoritatem attribuisse necessa-
rio intelligendus est, qualem supra explicauimus:
ita quoque vniuersas suas oues, omnes agnos, eiusdē
curae, regimini & auctoritati subiecisse, & iisdem re-
ctori, pastorique suo obediendi necessitatē imposuisse
(sine quo illos non potuisset, nec posset regere) ne-
mo tam est stupidus, qui non intelligat. Pro cuius
etiā vnius fide, vt totius ecclesiae rectoris, & ad quē
quaestiones et controuersias omnes iuxta formam,
quam in veteri illa ecclesia expresserat, necessario re-
ferri oportuit: ne quando deficeret, singulariter ro-
gauit patrē suum, quem & exauditum pro sua re-
uerentia, nemo est qui dubitat. Cuius orationis effe-
ctus ad illum, non vt Simonem Ionae filium, sed ve-
lut ad Petrum & Cepham illum, hoc est, ecclesiae
suae rectorem, & quem inter nos constituit princi-
palis, & Apostolicae cathedrae praesidem, pertinere,
ex orthodoxorum omnium & totius ecclesiae cer-
ta & consona sententia lib. III. & VI. de Hierarchia
ecclesiastica, prolixē & luculentissime demonstraui-
mus. Haec, inquam, est Bucere, ecclesiae nostrae for-
ma et species, plana, vt dixi, explicata, decora, solida,
T efficax,

APOLOGIA ALBERTI PICHII

efficax, vere digna suo illo opifice, omnipotenti, infinitaque Dei sapientia : qua vna , quamuis inter homines, & peccatores homines (quales haud scio an non sæpe simus vniuersi, aut certe pars maxima, in vniuersis ecclesiæ ordinibus et gradibus) in tam immensa toto orbe diffusa multitudine Christifidelium, seruari potest pax & concordia: conseruari disciplina publica: & vnumquodq; membrorum tam vasti corporis contineri in suo officio, in sympathia & conspiratione in totius vtilitatem et mutuam.

Quæ cum in tam clara luce ab initio fuerit posita, tam euidenter conspicua omnibus, vt eam non videre non possis, etiam si vltro illi claudas oculos: stupêdum sane mihi videretur, nisi idem fecissent maiores vestri pene omnes hæretici, postquam se ab eius vnitate diuiserāt, quod vestris eam tenebris postquam Cymmerijs studeatis inuoluere: & pro ea, nescio quas ecclesias mathematicas, quæ portentata, quæ mōstra, quas Chymeras, sine forma, specie, ac ordine, absque membris & capite, & quas ipsi explicare non possētis, introducere conamini: nunc vere filiorum Dei & sanctorum, nunc electorum.

CONTRA MART. BVCERYM.

rum et illi supernæ Hierusalem adscriptorum communionem proferentes. Quæ, ut ab illa triumphante ecclesia aliena admodum non sunt, tametsi eius speciem & formam nulla ratione explicent: ita a nostra militante sunt plane alienissima, ut in qua nemo est perpetuo vere Dei filius, perpetuo vere sanctus, sed velut in lubrico decertantibus omnibus, qui nunc stat, paulo post cadit: & in manus pedesque surgit iterum. Nec hos vere sanctos, vere Dei filios, & qui tales perseveraturi sunt, hoc est, electos, quisquam inter nos nouit: nemo scit qui sint præter illum, cui patent omnia: nemo ubi latent, ubi requirendi forent, si cui pro salute sua persuasum esset ad Christi regnum & ecclesiam cōfugere. Inter quos, ut ignotos omnibus, atque a deo sibi ipsis, non posset ullius ordinis certa forma & species consistere: nullus rector aut pastor aliorum curæ & regimini superintendere.

Breuitè in ipsam tenebrarum pene palpabilem abyssum, quæ in tam clara luce a Christo est posita, ecclesiā deturbare conamini. Quid hæc inuoluitis omnia? Ne a catholicæ ecclesiæ unitate recessisse videamini? a qua vos esse alienos ipsa rei eui-

T ij den

APOLOGIA ALBERTI PIGHII

dentia loquitur, & nos supra, & alibi euidentissime demonstrauiamus. Nec dubitamus Christi affirmatione instructi, certo pronunciare, vos, vniuersasque ecclesias vestras concludi intra portas, munitionesque inferorum, vt quæ illi Cephæ vnitæ non sunt, velut suo fundamento ædificium, nec Petri agnoscunt autoritatem & officium, sed ipsum plusquã hostiliter impugnant. Ac proinde certo colligimus pertinere vos ad regnum satanæ, non Christi, cuius Petro clauis a Christo commissæ sunt. Nec vllis verborum fumis, aut inuolucris hanc nobis euergetis rerum naturam: hanc certissimam & clarissimam veritatem obscurabitis.

Nec quicquid facitis, dum quæ in vos verissime cõpetunt, in nos transformantes, Antichristos nos dicitis. Nam qui inseparabilis & indiuiduæ domus vnitatem non tenent, qui extra ecclesiã Christi consistentes eius pacem perturbant, hos vere Antichristos esse, & ad regnum satanæ, non Christi pertinere, ex certissima Christi & orthodoxorum omnium sententia indubitatum est. Vos vnitatem indiuiduæ domus nõ tenere, & extra ecclesiam Christi consistere, eius pacem & concordiam perturbare
vt res,

CONTRA MART. BVCERVVM.

vt res ipsa loquitur, ita a nobis toties irrefragabiliter demonstratum est. Proinde vere vos Antichristos esse, etiam quicquid aut de nobis, aut de vobis ipsis feceritis, nec ipsis vobis dubium esse poterit, nec nobis. At non ignoramus elaborandum quidem nobis esse, vt vnitatem, formam, & faciē ecclesiæ a domino per se & Apostolos nobis traditam, quātum possumus, obtinere curemus: & quod in nobis est, vt palabundas & errātes ouículas (quas vestra peruiçax factio & hæretica tentatio a matre ecclesia discernit) in ecclesiam recolligamus, relictis vobis: de quibus, vt ad nos reuertamini, spes nulla est, obstinatione vestra & exitiali furore in vestris, quamuis euidentibus, & a vobis ipsis intellectis erroribus vestris, perseverantibus. Discretionis huius & separationis per vos factę procul dubio ipsi rationem reddetis domino, nisi quis nobis & Christi ecclesiæ exurgat Phinees, qui etiam hic eius poenas a vobis exigat: aut nisi qui gladium inter nos portant, sui officij memores perpenderint, quid diuinus spiritus in illos decernat, qui contumaciter resistunt auctoritati Pontificis maximi, aut sacerdotis summi principalis cathedræ præsidis: & quid ab ipsis idem exigat, quo perniciosissimum scandalum de medio

T iij eccle

APOLOGIA ALBERTI PIGHII
ecclesiæ auferant.

Hoc vero Bucere de te & symmistis vestris satis
admirari non possum, quod de scripturis tam im-
pudenter aduersum omnium orthodoxorū com-
munem sensum, aduersus ipsam in se rei euentia-
am, aduersus vestram ipsorum fidei confessionem
publicam, aduersus earūdem ipsarum diuinarum
scripturarum euidentem auctoritatem asseritis, eas
sufficere nobis & Christi ecclesiæ, ad componen-
das tollendasq; exortas inter nos omnes, quæ fidei
doctrinam & religionem concernunt, controuer-
sias: nec esse verum, quod in alienum sensum sint
facile flexiles, sed vnum, certum, eumque familiaris-
sime ac certissime docere. Quod si verum est, quid
diuinus ille spiritus in illo veteri populo, legis scri-
pturarumque occasione altercantes, non remisit ad
scripturas ipsas, sed ad viuam quandam auctori-
tem, viuūque iudicium: ipsius nempe Pontifi-
cis maximi præsidis cathedræ, & sacerdotalis con-
ciliij vna secum seruientium domino? Et quis
non intelligit scripturas, quantumuis clarissimas
finxeris, & vnam, certamque certissime & fami-
liarissime explicantes sententiam, esse tamen mul-
tos

CONTRA MART. BVCERYM.

tos iudices? Et proinde inter altercantes animos
se & pertinaciter, nunquam componendas con-
trouersias eiusmodi, sed viua autoritate aliqua o-
pus esse, qua definiantur illæ, si modo controuers-
fiarum & quæstionum istiusmodi finem aliquem,
aut modum habere voluerimus in ecclesia: si i-
dem dicere omnes absque sectis & schismatibus,
oportet: si verum est quoque, quod ipsi vos ipsa
veritate coacti, in vestra ipsorum fidei confessione
Augustana aperte confitemini, nempe ad Epis-
copalem autoritatem pertinere, vt cognoscant de
doctrina, si quæ noua emergens vocetur in con-
trouersiam, an cum euangelio CHRISTI
consentiat, an vero pugnet, & reiñciendam esse,
quam dissentire iudicauerint. Atque ea in re a-
gnoskitis, ecclesias ex iure diuino eisdem obedi-
entiam debere. Nam si hanc inter nos licenti-
am admiserimus, vt in his, quæ ad fidem re-
ligionemque pertinent, nemo superioris alicu-
ius, sed scripturarum tantum subiñciatur auto-
ritati & iudicio (cum illas varie intelligi pro cu-
iusque captu & ingenio plane indubitatum sit, nec
fit cuiusuis, nec facile, veram earundem intelligen-
tiam assequi) an non tot inter nos introducemus,
tan-

APOLOGIA ALBERTI PIGHII

tanquam pugnantes de fide religionēq; sententias,
quot sunt, & quam diuersa hominum capita. Quæ
est ergo hæc tam pudenda inconstantia vestra, vt
vestræ ipsorum fidei in totius orbis conspectu pu-
blice confessæ, & cui adhuc inherere vos profiteamini,
nec ab ea declinare velle latum digitum, oblitum, pu-
gnetis tamen cum eadē bis per omnia. Si tam sunt
claræ omnes scripturæ, quam tu eas facis, vt vnum,
certum, eumq; certissime familiarissimeq; sensum
doceant, vt nullus in eis hallucinandi locus sit: quid
igitur causæ est, vt tam varia, tam diuersa, ex eisdem
scripturis diuersè senserint. Quæ causa inter nos
tot, tantorumque diffidiorum & controuersiarum
in doctrina religionis et fidei, qui tamen eisdem scri-
pturis utimur. Imo quæ causa, cur ipse tu Bucere,
& multi tecum vna symmista tui, quos ante publi-
ce asserebatis & docebatis pestilentissimos errores
circa præcipua nostræ religionis dogmata, nunc
eosdem nobiscum execramini. An tunc, quā nūc,
aliæ diuinæ vobis scripturæ lectæ sunt. Haud ita sa-
ne, vt existimo, sed aliter intellectæ, tunc quidem ve-
stro, nunc autem nobiscum catholicæ sensu ecclesiæ.
Difficultatis atq; obscuritatis diuinarum scriptura-
rum, orthodoxi tractatores earundem ab initio
omnes,

CONTRA MART. BUCERVM.

omnes, & præsertim doctissimi quique, testes sunt. Quin & Petri de Paulinis epistolis, eadem ipsa irrefragabilis censura est. Esse videlicet in his obscura quædam & difficilia intellectu, quæ affirmat depruari ab indoctis atq; instabilibus, quemadmodum & cæteras scripturas, ad suam ipsorum perditionem. Proinde pios admonet, ut caute legant easdem, & se diligenter custodiant, ne & ipsi insipientium errore traducti, a propria firmitate & veritate excidant. Quin & idem Petrus (quod de ipso testatur Clemens ille gloriosus Christi martyr & Pontifex, illius comes indiuiduus) per omnem occasionem discipulis suis inculcabat, diuinas scripturas non secundum propriam cuiusq; intelligentiam legendas aut docendas. Sunt enim, inquit, multa in scripturis diuinis, quæ trahi possunt ad eum sensum, quem sibi vnusquisq; præsumit. Et ideo oportet intelligentiam scripturarum ab eo discere, qui eam a maioribus, secundum veritatem sibi traditam seruat. Hos ego duces & magistros sequens Bucere, malo impius & blasphemus a te audire, quam Lutherum & vos sequens, Dei filius & Christi discipulus atque euangelicus. Hoc indubitato habuit veterum illorum omnium, orthodoxorum, sanctissimorum, eo-

V rundema

APOLOGIA ALBERTI PIGHII

rundemq; doctissimorum patrum certa doctrinā
& sententia, vt cōmunem catholicæ ecclesiæ senten-
tiam amissim & regulam infallibilem rectæ intelli-
gentiæ diuinarum scripturarū intelligerent, ad quā,
inter varias pugnantium & scripturas diuersimo-
de interpretantium opiniones & sententias, perpe-
tuo nobis respiciendum, collimandumq; foret, vbi
hallucinari nollemus, & impingere. Quā regulam
vt nusq; non inculcat eruditissimus ille, & diligen-
tissimus scripturarum excussor Origenes: Ita inqui-
rens in doctrina fidei, quæ certa definitaq; iam tum
essent, quæ vero adhuc in medio posita, operationi
& studio Christifidelium, & de quibus adhuc di-
sputare in vtranque partem liceret, primi eandem
principij loco proposuit. Sicut, inquit, multis apud
Græcos & Barbaros pollicentibus veritatem, de-
sueuimus apud omnes eam quærere, qui eam falsis
opinionibus asserebant, postq; credidimus filium
Dei esse Christum & ab ipso nobis hanc discen-
dam esse persuasimus: Ita cum multi sint, qui se pu-
tant scire, quæ Christi sunt, & nonnulli eorum di-
uersa a prioribus sentiant, seruetur vero ecclesia-
stica prædicatio per successionis ordinem ab Apo-
stolis tradita, & vsque ad præsens in ecclesijs per-
manens,

CONTRA MART. BYCERYM.

manens, illa sola credenda est veritas, quæ in nullo ab ecclesiastica traditione discordat. Hæc ille ante annos mille trecentos, & eo amplius: Imo hæc orthodoxis ab initio omnibus certa regula extitit, ad quam, exortam omnem inter nos quæstionem, omnem pugnantium opinionum concertationem & controuersiam, examinandam esse non dubitarunt: ad illam nimirum regulam multo securius, quàm ad scripturas prouocantes aduersus hæreticos: tum quod illæ plerumque difficultatis & obscuritatis plurimum haberent: ut non esset difficile ad eum, quæ sibi unusquisque ante præsumpsit, & ad scripturas attulit, sensum, scripturas etiam ipsas pertrahere: tum quod non vniuersa ad doctrinam religionis & fidei pertinentia, nodis scripto explicata essent, sed viua doctrina Apostolica tradita. Quin potius constat accessisse euangelia, accessisse & Apostolicas epistolas, accessisse, inquã, doctrinæ fidei iam diuulgatæ, & magna autoritate receptæ in orbem: non aut præcessisse, nec hæc ab illis, sed contra potius, illas ab hac, accepisse indubiæ veritatis certam autoritatē in ecclesia, sicut alibi a nobis luculentissime demonstratum est. Itaque Irenæus ille gloriosus Christi martyr & Episcopus aduersus Valentinum, & cæteros sui temporis hæreticos,

V ij ad

APOLOGIA ALBERTI PIGHII

ad hanc traditionem ecclesiasticam, hoc est, doctrinam, ab ecclesia non scripto, sed viua Apostolorum traditione acceptam, & per manus succedentium sibi sacerdotum & Episcoporum peruenientem ad nos, non vero ad ipsas scripturas, perpetuo cōfugit. Quam requirendā docet in ecclesijs, in quibus ipsi proprie versati sunt Apostoli, & ab ipsis ad nos haud interrupta conseruatur sacerdotalis successio: maxime vero omnium in Romana ecclesia, fundata a Petro & Paulo, duobus gloriosissimis Apostolis, præsertim quod ad eam, ob principalis cathedre prærogatiuam, necesse sit omnem conuenire ecclesiam, & vniuersos toto orbe Christifideles. Hæc, inquit ille, traditionem, quam ab Apostolis accepit ecclesia, & ad nos cōtinua sacerdotali successione peruenit, proferentes atq; indicantes, confundimus omnes eos, qui quoquo pacto, vel per sui placetiam, vel vanam gloriam, vel cæcitatem, & malam sententiam, fidem præterquã oportet colligunt. Quos peruicaces, & qui alioqui confundi nesciunt, vt scripturis confudisset aut confunderet ob causas, quas attulimus, nec illi, nec cuiquam etiam in scripturis exercitatissimo, saltem in plerisque multis, facile futurum arbitror, cum scripturis non explicari comprehendere

CONTRA MART BVCERV M.

prehendiq; vniuersa, quæ ad fidei religionisq; doctrinam pertinet, alibi, nec vno loco, a nobis irrefragabiliter demonstratum sit.

Proinde & idem ille Irenæus addidit. Nam etsi Apostoli nullas nobis scripturas reliquissent, tamē oportebat, inquit, nos sequi ordinem traditionis ecclesiæ, & veterem ex ecclesia fidem cognoscere. Huius ipsius ecclesiasticæ traditionis, non scripturarū autoritatem, nempe antequam scripta ab Euangelistis legerentur euangelia, tam serio & sub tam horrendi anathematis denunciatione, nobis commendauit Apostolus: cum etiam sibi ipsi & coapostolis omnibus, atq; adeo angelis de cœlo anathema denunciaret, si euangelizet vobis, inquit, præter id quod euangelizauimus vobis, hoc est, diuersum ab eo. Non dicit, si quis qd euangelizauerit vobis præter id, quod nos, cæteriq; Apostoli & Euangelistæ scripsimus. Neq; enim eatenus, aut ipse quicquam scripsisse inuenitur Galatis, aut legebantur publice in ecclesijs quatuor Euangelia, vt quæ nondum scripta fuisse indubitatum est. Sed hoc est, quod nobis tam serio commendat & inculcat, vt nullius autoritate, nec ipsius quidem, nec Apostolorum om-

V in nium,

APOLOGIA ALBERTI PIGHII

nium, sed nec angelorum de coelo, permitteremus nos abduci ab illa antiquitate traditionis Apostolicæ, quā viua traditione acceptam ab Apostolis, continuæ successionis serie, velut per manus, transmittit ad nos.

A qua ne vlla canonicarū scripturarum, q̄ nobis forte videretur, euidentia aut apparētia, nos abduci sinamus, Christiane admodum, et conformiter doctrinæ, quā nunc audisti, Apostolicæ, ille nos admonet Origenes: vt meminerimus, quoties eæ inducuntur aduersus antiquam, cōmunem, consonantemq; ecclesiæ obseruationē, traditionē et sentētiā, ea nos tentatione pulsari, de qua nos Christus præmonitos, cautosq; fecit: nobisq; demonstrari Christum in deserto, aut domorum penetralibus: qui, seipso teste, alibi quam in corpore catholicæ ecclesiæ nō est. Sed nos (inquit) credere illis non debemus, nec vnquam exire a paterna ecclesiasticaq; traditione.

Eandē hāc ipsissimam veritatis & pietatis regulam, ab ipso ecclesiæ initio orthodoxi, sanctissimiq; patres omnes, quam scripturas, efficaciorē aduersus hæreticos experti sunt: adeo vt illi Tertulliano non videatur ex scripturis ineundum certamen cū
hæ

CONTRA MART. BVCERYM.

hæreticis. Certe ipse eadem Martionem, confortetur
que eius feliciter confecit.

Cyprianus & Basilius ad eandem sæpissime cō-
fugerūt, & diligenter inculcarunt, cōmendaruntq;
Christifidelibus. Hieronymus aduersus Vigilanti-
um haud alijs fere telis vsus est. Augustinus aduer-
sus Donatistas paruulorum baptisma asserit, haud
equidem scripturis. Sed paruuli, inquit, baptizati
ponuntur in numero credentium: et hoc solum ex
consuetudine ecclesiæ, antiqua, canonica, fundatissi-
ma. Hoc habet, inquit, autoritas matris ecclesiæ, hoc
fundatissimæ veritatis canon obtinet.

Cum aut Irenæum audis, cum Tertullianū, Ori-
genem, Cyprianum, Basilium, Hieronymum, Au-
gustinum hac de re consonam, imo vnam proferē-
tes sententiam, nolo imaginari totidem hominum
doctissimorū quidem & sanctissimorum, attamen
hominū, te audire sententiam, q̄ nobis præiudicare
nō possit, nec fidei religionisq; legem præscribere.
Nolo nobis (vt solent vestri) occlames, niti nos nō
verbo Dei, sed opinionibus hominū. Neq; em̄ eo-
rum tantum, sed totius catholicæ per vniuersum
orbem

APOLOGIA ALBERTI PIGNII

orbem diffusæ ecclesiæ (cuius & sunt & fuerunt columnæ quædam præcipuæ) ex quatuor orbis terræ cardinibus consonam, imo vnicā, per illos ipsos audis prolatam ad nos sententiam. Neque aliud Irenæum, Tertullianum, Origenē, Cyprianum, Basilium, Hieronymum, Augustinum, de ecclesiasticæ traditionis & antiquæ obseruationis autoritate, tanto consensu sensisse credendum est, quam quod cōmuniter tenebat catholica Christi ecclesia. Sed hæc alibi a nobis prolixius, accuratiusque demonstrata sunt, ita vt iisdem hic diutius immorandum nō sit. Et forte Bucerus, si fidei suæ memor fuerit, & dominus nobis vitam eatenus prorogauerit, occasionem nobis ipse subministrabit eadem hæc adhuc explicandi diligentius et luculentius, si modo quid ipse (quod vix expecto) noui, & nondum a nobis excussi attulerit,

Nunc & illud expendendum est, quam ipse vere dicat mentiri nos, pro sua scilicet illa modestia singulari, & familiari illo, quo aguntur, spiritu (Christi ne ille, an Antichristi sit, res ipsa loquitur) qui affirmamus, absque Romani Pontificis autoritate cogi non licere ecclesiastica concilia extraordinaria,
hoc

CONTRA MART. BUCERVM.

hoc est, quæ a sacris canonibus iussa non sunt, pro disciplina ecclesiastica conseruanda, quotannis ordinarie celebrari per singularum prouinciarum Episcopos, sub Metropolitano suo conuenientes: vt si quid forte perperam, inordinate, iniusteque gestum, ordinatumue esset, ab vno quolibet Episcoporum in sua ecclesia: si quis ex clero aut populo iustam aliquam queremoniæ causam aduersus Episcopum suum (vt homines omnes sumus) se habere prætenderet, communi id comprouincialium Episcoporum consilio, & Metropolitanæ autoritate antistitis retractaretur. Cuiusmodi vt quotannis bina celebrarentur per vnamquamque prouinciā, a Niceno concilio salubriter ordinatum est. Præter istiusmodi, inquam, concilia, quæ ordinaria dicimus, tamen etsi nunc male & in magnam ecclesiæ perniciem desueuerint, nulla nos concilia ecclesiastica, aut cogi, aut celebrari licere absque Romani Pontificis autoritate, nec fas esse quibuscunque, aut quocunque, etiam si omnes in vnum nationes Christianæ conuenirent, vt præter Apostolicę sedis autoritatem, quicquam de religione statuāt, affirmare nos non imus inficias. Bucerus vero hac in re nos mentiri affirmat.

Proinde vt euidentissima veritas lectori pateat,

X imo

APOLOGIA ALBERTI PIGHII

imo ipsis pene digitis palpabilis fiat, imprimis qđ ante, atq; alibi non paulo copiosius atq; accuratius ex diuinarum scripturarum irrefragabili autoritate demonstrauius, Christianæ ecclesiæ in clarissima luce, velut insignis, maximęq; cuiusdam ciuitatis super montem positæ, ordinem, formam, faciē, ad ipsam rei euidētiā, quæ ab initio fuisse cernitur, reuocabimus, ponemusq; ob oculos; & ab illis palpabilibus & crassissimis tenebris, quibus eandē obscurare & offundere nituntur aduersarij, vindicabimus. Ex quo solo, nulli non certissima erit veritas eius, quod nunc vocatur in cōtrouersiam. De quo ipso, sequēti deinceps loco demonstrabimus, qđ proprie et clare definiat diuinæ scripturæ autoritas. Cui ipsam addemus recognitionē ab initio totius catholicæ ecclesiæ, & conciliorum ipsorū melioribus illis ecclesiæ temporibus celebrator, orthodoxorumq; patrū consensum omniū. Qua in re, si aliquāto prolixiores erimus, spero id nō fore absq; operæ precio, nec tibi molestum, sed iucundum potius, quisq; certæ veritatis intelligendæ studio hæc nostra lecturus es. Alioqui aduersarijs, & imprimis Bucero imputādum foret, si cui iuste nostra hic displiceret prolixitas. Quam tamē rerum vltro & vbertim

CONTRA MART BUCERVM.

bertim se ingerentium copia (in qua nihilominus
magis laborauimus, quid possemus detrahere, quā
addere) non studium prolixitatis peperit. Quamq̃
diligentie nostræ calcaria, ipsius, quod in nos impu-
denter impingit, conuitij cōtumelia & grauitas ad-
didit. Graue em̃ est homini modesto audire, menti-
ris, & apud Germanos pene capitale est. Mihi certe <sup>Pighj
sinceritas.</sup> ille testis est, qui me iudicaturus est, quod in nul-
lius gratiam quicq̃ affirmavi in his omnibus, quæ
hactenus edidi. Erro fortassis in quibusdam, vt ho-
mo sum, nec humani quicquā a me alienum existi-
mo: hoc nihilominus sentio, quod scripsi: hoc scri-
bo, quod sentio: gratissime accepturus, si quis salua
Christiana modestia, & conuitijs abstinens, rationi-
bus argumentisq̃, quibus ego ducor, satisfaciat, &
veriolem me sententiam doceat. Vt vero conuitijs
& nuda, impudentiq̃ asseuerandi audacia in suam
me sententiam quisquam pertrahat, fieri omnino
nō potest. Ego meæ sententiæ rationes partim iā ex-
plicauī, partim subiecturus sum. Quas si Bucerus,
aut quisquam alius, inefficaces mihi demonstraue-
rit, & efficaciores attulerit in diuersam sententiam,
vltro illi subscripturus sum, reiecturus propriam.

Hoc imprimis de te Bucere, vestrisq̃ omniū ma-

X ij xime

APOLOGIA ALBERTI PIGHII

xime admirari cogor, quod ubiq; tam irreuerēter,
tam impudenter, tam iniuriose, tam contumeliose
in Romanum Pontificem, & cathedram Apostoli-
cam debacchamini. Quare vna, vt alienos vos pla-
ne demonstratis ab omni Christiana modestia, &
ouilis Christi hostes, impugnatoresq; palam osten-
ditis: ita nemo non intelligit, ignaros vos omnis an-
tiquitatis ecclesiasticæ. Cui dum consentire vos ias-
etatis per omnia, & catholicæ ecclesiæ consensum
sequi, certum est id fieri a vobis nō potuisse aut pos-
se, sicut & alia plæraq; quæ dicitis, agitis, & asseritis,
nisi laboraretis ecclesiasticæ antiquitatis ignorantia
crassissima: vt ex qua cognita ignotum vobis esse
non posset, quid ab ipso sui initio catholica Christi
ecclesia in vniuerso orbe de Romana ecclesia sense-
rit & crediderit. Quod vt libris tribus posteriori-
bus de Hierarchia ecclesiastica fecimus euidentissi-
mū: ita tua me cogit impudentia, vt ex illis multis
hic pauca perstringam, quæ vestræ vos impuden-
tiæ admoneant.

Imprimis cupio vos diligenter perpendere te-
norem professionis orthodoxæ fidei catholicæ ec-
clesiæ, sub qua ante annos mille reuertentes a schis-
mate

CONTRA MART. BVCERVVM.

mate, quod graue admodum & periculosum Aca-
tij Constantinopolitani Episcopi superbia & perti-
nacia excitauerat, ad eiusdem catholicae ecclesiae gre-
mium & communionem, in extremo Oriente, Se-
ptentrione, Meridie, & Occidente recepti sunt. Nā
illo sublato e medio, cum eius successor Ioannes ad
catholicae ecclesiae communionem reuerti cuperet,
reuniriq; suo capiti ecclesiasticae Hierarchiae praesi-
di, libellum professionis suae & catholicae ecclesiae fi-
dei, propriae manus suae subscriptione roboratum,
etiam dicto in seipsum anathemate, si eum vnquam
transgredereetur in posterum, misit ad B. Hormis-
dam Rom. Pontificem, in verae suae poenitentiae te-
stimonium, quo sic mereretur ab eo rursus in com-
munionem recipi, a qua alienam temeritatem &
culpam sequutus, se separauerat: ad eundem scri-
bens in haec verba.

Redditis, inquit, mihi vestrae sanctitatis literis in
Christo frater charissime nuper per Gratum claris-
simum comitem, nunc vero per Germanum & Io-
annem reuerendissimos Episcopos, & Blandum
presbyterum, & Felicem, & Dioschorum sanctissi-
mos diaconos, laetatus sum de speciali charitatis ve-

X iij stra

APOLOGIA ALBERTI PIGHII

stræ sanctitate, quod vnitatem ecclesiarum Dei, secundum veterum patrum requiris traditionem: et dilaceratores rationabilis gregis Christi, amore pulsare festinas. Certus igitur scito per omnia sanctissime, quia secundum quod vobis scripsi tecum in veritate consentiens, omnes a te repudiatos hæreticos renuo, &c. Omnibus actis a sanctissimis IIII. synodis, Nicena, Constantinopolitana, Ephesina, & Chalcedonensi, de confirmatione fidei instituta esse ecclesiæ assentior, & nihil turbari de bene iudicatis patior: sed & conantes in ipsis ad vnum apicem placitorum turbare, lapsos esse a sancta Dei generali & Apostolica ecclesia scio. Et tuis verbis recte dictis euidenter vtēs, per præsentia scripta hæc dico. Quia prima salus est, rectæ fidei regulam custodire, & a patrum traditione nullatenus deuiare. Et quia non potest domini nostri Iesu prætermitti sententia, dicentis: Tu es Petrus, & super hanc petram ædificabo ecclesiam meam, & portæ inferorum non præualebunt aduersus eam. Atq; hæc, quæ dicta sunt, rerum comprobantur effectibus. Quoniam in Apostolica sede inuiolabilis semper fides catholica custoditur. Hæc igitur fides est, a qua nec cadere cupientes, anathematizamus omnes hæreticos, &c.

nomis

CONTRA MART. BVCERVM.

nominatim subiiciens vniuersos damnatos in Ephesina & Chalcedoneñ. synodis. Quibus subiungit in hæc verba. Quapropter, sicut prædiximus, sequentes in omnibus sedem Apostolicam, prædicamus etiam omnia, quæ ab ipsa decreta sunt. Et propterea spero, in vna cōmunionē vobiscum, quam Apostolica sedes prædicat, me futurum: in qua est semper integra doctrina Christianæ religionis, perfectaue soliditas. Promittens in sequenti tempore, sequestratos a cōmunionē ecclesiæ catholicæ, id est, in omnibus non consentientes sedi Apostolicæ, eorum nomina inter sacra non esse recitanda mysteria. Quod si in aliquo a professione hac mea deuiare tentauero, his quos condēnaui, etiam per condemnationem propriam, consortem me esse profiteor. Huic vero professioni subscripsi manu mea, &c. Hactenus ille. Sub qua fidei professione B. Hormisda ad Hispaniarū Episcopos scribens, affirmat etiam de Thraciæ & Scythiæ, Illyriciq; partibus, similiter et Syriæ, a dicto schismate venientes multos ad catholicæ ecclesiæ cōmunionem receptos fuisse: mandans eisdem, vt si qui (super quo ipsum consuluerant) ex Orientali clero ab eodem schismate venientes, ecclesiasticam cōmunionem ab eis exposce-

APOLOGIA ALBERTI PIGHII

poscerēt, secundum eandem professionis formam
admitterentur. Constat autem, catholicæ ecclesiæ
eandem hanc tunc fuisse fidem & certam sententi-
am, vt sub cuius professione, ad eiusdem commu-
nionem ab eadem recepti sunt, a qua per cōtrariam
sententiam se diuiserant.

Proinde diligenter perpendendū, quid in se con-
tineat dicta professio. Continet aut certissima & ve-
rissima. Imprimis, vt salus vestra p̄cipue cōsistat in
custodia rectæ fidei, sine qua, affirmante id Apосто-
lo, impossibile est placere Deo. Deinde in custodia
traditionis paternæ & ecclesiasticæ, quam & ortho-
xæ doctrinæ, & rectæ diuinarum scripturarum in-
telligentiæ certam amissim esse, superius atque ali-
bi irrefragabiliter demonstrauius. Ad hæc, vt in-
fallibilis illa Christi sententia, qua Simonem Ce-
pham pronunciauit, & velut fundamētum super-
ædificandæ ecclesiæ suæ constituit, nunquam deficiat
in eius cathedra, eiusque præsidiis, compro-
bante hoc ipsum rerum euidentia, subsequensq; effe-
ctibus. Quod & nos supra, atq; alibi euidenter feci-
mus, nec minus ex his, quæ post dicentur, reddetur
illustris. Aequè & illud, quod eius decretis & præ-
ceptis

CONTRA MART. BUCERVM.

ceptis omnes obedientiam debeant, utque omnes in omnibus eius sequi fidem teneantur: in qua, singulari diuinæ providentiæ priuilegio, ad totius ecclesiæ vtilitatem perpetuo conseruatur inuiolabilis fides catholica, & integra doctrina Christianæ religionis. Denique (quod ipsum etiam per se est euidentius, & a nobis supra atque alibi euidentissime demonstratum) ut Apostolicæ sedi non consentientes, diuisi sint a communione catholicæ Christi ecclesiæ.

Eandem catholicæ ecclesiæ fidem et sententiam, est videre in libello professionis fidei, sub qua Eulalius Carthaginensis Episcopus, vna cum cæteris Afrfricanis Episcopis, dudum per Aurelium Carthaginensem Episcopum aduersus Romanam ecclesiam ceruices suas erigentem, & ecclesiasticæ Hierarchiæ ordinem confundentem, vigoremque soluentem, sub Bonifacio primo & B. Coelestino in schisma pertracti fuerant, sub Bonifacio secundo ad catholicæ ecclesiæ gremium recurrerunt. Sed nobis paulo post hæc ipsa necessario est explicanda Tragedia, ut quam pro se inducit Bucerus: sed eius decursum atque exitum non perpendit. Itaque professionis eius tenorem, etiam tunc oportunius audies.

Y Nihil

APOLOGIA ALBERTI PIGHII

Nihil ergo insolenter factū, aut arroganter vsur-
patum a veteribus illis Pontificibus existimabis, sed
quod ipsæ diuinæ scripturæ euidenter compro-
bant, & ab vniuersa ecclesia publice recognitum
confessumq; extitit, quoties (quod frequentissime
faciunt) hanc Apostolicæ sedis singularem præro-
gatiuam, in scriptis suis & epistolis canonicis ab eis
præferri, inculcari, & velut iactari in conspectu &
facie totius orbis inuenies. Vt ille Lucius gloriosus
Christi martyr & Pontifex ante annos mille & cir-
citer trecentos, ad consulta Occidentalium per Gal-
lias & Hispanias Episcoporum, ex autoritate Apo-
stolicæ sedis respondens, post explicatam de omni-
bus eiusdem sedis sententiam, quam viuam, non
scriptam traditionem Apostolorum affirmat, quo
iusta apud eos autoritate haberetur ea ipsa sentētia,
subiungit in hæc verba.

Hæc sancta & Apostolica mater omnium eccle-
siarum Christi ecclesia, per omnipotentis Dei gra-
tiam, a tramite Apostolicæ traditionis nunquam
errasse probatur: nec hæreticorum nouitatibus de-
prauata succubuit: sed vt in exordio normam fidei
catholicæ percepit ab autoribus suis, Apostolo-
rum

CONTRA MART. BYCERVN.

rum Christi principibus, illibatam finetenus conseruat, secundum ipsius domini saluatoris nostri diuinam pollicitationem, qui discipulorum suorum principi in suis fatus est euangelij: Petre, inquit, ecce satanas expetiuit, vt cribraret vos, sicut qui cribrat triticum. Ego autem pro te rogavi, ne deficiat fides tua. Et tu aliquando conuersus, confirma fratres tuos. Haftenus ille.

Idem eadem de causa, & in eadem omnino verba, a Felice ad Benignum Episcopum, ab Eusebio ad vniuersos per Campaniam & Tusciam Episcopos, a Marco ad beatum Athanasium & vniuersos Aegyptiorum Episcopos, a beato Agathone in epistola, quam direxit cum legatis suis ad sextam synodum, & ab alijs plerisque ad alios, factum inuenies. Et hi sanctissimi Pontifices, & magna parte gloriosi Christi martyres, non in angulis domorum aut penetralibus, sed in facie totius ecclesiae, & tanquam rem omnibus confessam ac notoriam, & quam supra toties audisti inculcari a sanctissimis patribus nostris, & professione orthodoxae fidei catholicae ecclesiae, praerogatiuam hanc Apostolicae cathedrae protulere.

Y ij Quam

APOLOGIA ALBERTI FIGHII

Quam & ipsam clarissimis verbis recognouit magna illa Chalcedonensis synodus, in epistola synodali ad beatissimum Leonem Pontificem, qua actis, definitionibusque suis, Apostolicæ autoritatis robur impartiri postulabant. In qua inter cætera gratulantes eidem sedi tam doctum, tamq[ue] sanctum Pontificem: Non desinimus, inquit, domino Deo nostro gratias agere, & pariter supplicare, gratulantes quod tantæ sanctitatis, tantæ fidei, tantæq[ue] doctrinæ, Apostolicæ sedi, vnde religionis nostræ fons & origo manat, antistitem dederit.

Audis, quid tantum concilium, imo quid vniuersa in eo Christi ecclesia, de sede Apostolica sentiat, nempe vt inde in ecclesiam vniuersam, velut perennis quidam fons, & origo religionis nostræ, sincerissimos riuos deriuat. Quod & ille orthodoxus, doctissimusq[ue] Hieronymus intellexit, & re ipsa & verbis confessus est, dum in medio pene Oriente prope Antiochiam habitans, de his quæ pertractabat fidei, scripturarumq[ue] quæstionibus, vltra tam vasta terrarum, mariumq[ue] spacia, Petri cathedram consulendam censuit. In qua sola seruatur, inquit, incorrupta patrum hæreditas, viua, inquam, illa Apostoli-

CONTRA MART. BVCERVVM.

stolica traditio, quā ab initio ab Apostolorū principi-
pibus accepit. A qua quisquis diuisus fuerit, eum
profanum dicit, & extra mysticam illā arcam, quæ
sola suos saluat ab ingruente diluuio. Cuius & iu-
diciū quisquis damnare præsumit, eum non ca-
tholicum, sed hæreticum pronunciare nō dubitat.
Et quis non intelligit, ecclesiæ Christi atque eius fi-
delibus fuisse necessarium, vt inter tot hæreticorū
procellas ac turbines, quibus aliquando, velut a su-
is fundamentis vniuersa pene commota est Chri-
sti ecclesia, & infecti omnium principalium sediū
Episcopi, vna saltem inter nos specula erecta esset,
ad quam respicientes dirigerent tenorem suæ fidei,
qui aberrare nollent? Quid enim alioqui in istius-
modi, tam periculosis casibus, refugij superesset mi-
seris Christifidelibus? Sed, vt vides, non defuit ec-
clesiæ suæ Christus in omnibus necessarijs. Quod
ipsum, non solum diuinarum scripturarum claris-
sima autoritate, sed publica totius ecclesiæ recogni-
tione & confessione, atque rei euidētia euidētis-
simum fecimus. Certe, ex vna beatissimi Leonis ad
Anastasium Thessalonicensem Episcopum, suum
& Apostolicæ sedis per Orientis partes vicariū, de
Attico veteris Epeiri Archiepiscopo epistola (ad
Y iij quam

APOLOGIA ALBERTI PIGHII

quā te lector remitto. Prolixior enim est, q̄ vt in hac
 scribendi angustia contrahi potuerit in luculētum
 compendium, aut integra subiici debuerit, tamen si
 quæ integra & diligentissime legatur, sit dignissi-
 ma) Ex vna, inquam, hac epistola, nemo non cor-
 datus & attentus ad omnia lector, euidentissime
 perspicit, qualis eo sæculo fuerit, quam decore,
 quam ordinate, quam decenter disposita illa do-
 mus ecclesiastica, sub cura vnus, velut patrisfam-
 lias, Romani Pontificis. Cuius non minus tunc vi-
 guit in vniuersum orbem autoritas (vnitatem ec-
 clesiasticam continens, & non secus, quā animus q̄-
 dam, immēsum aliquod corpus, ex plurimis maxi-
 meq; dissimilibus mēbris cōpositum sustinens, ve-
 getans, et gubernās) q̄ faciat in vna domo vnus pa-
 trisfamilias. Hinc elucescit et illud, vt per diuersos
 officiorū, dignitatum, ordinumq; gradus, ad vnam
 B. Petri sedem, totius ecclesiæ cura tunc ordinatissi-
 me, cōmodissimeq; confluxerit, vt oēs, etiam lon-
 gissime positæ ecclesiæ, nō minus moderatiōis eius,
 velut præsentis, sentirent habenas, nec minus impe-
 ria religiosissime, prōptissimeq; exequerētur, q̄ quæ
 vicinæ erant et proximæ. Breuiter, vt sine eius iussu
 ac permissu, nihil, quod alicuius momenti esset, ec-
 cle-

CONTRA MART. BVCERVVM.

clasticorū negotiorū ageretur in vniuersa domo ecclesiastica: sed quod maiores oēs causæ referrerentur, dispondereturq; ad eius arbitrium. Imprimis ex illa videre est, quæ eius fuerit libertas in euocandis coram se, etiam personaliter ex distantissimis regionibus, Episcopis: quātaq; illorum, quamq; districta obedientia: quam parata quoq; secularis potestas executioni mandatorū, etiam huius sedis legati: quæ, omnia sibi publica officia, in exhibitionem insontis alioqui Archiepiscopi, Attici memorati, per tempus importunum, & itinera difficilia, in effectum præceptionis adiūgeret. Ad hæc, ex eadem est euidentissimum, vt consueuerint etiam tunc, in extremo Oriente Metropolitani, obedientiam præstare Romano Pōtifici: vtq; nulli toto orbe, nisi huius sedis autoritate, ordinarentur Episcopi. Siquidem electionum Episcopaliū confirmationes ex toto orbe, etiam a longissime distantibus ecclesijs, petebantur a sede Apostolica, id quod clarissime indicant hæc dictæ epistolæ verba. De persona autem consecrandi Episcopi, & de cleri plebisque consensu, Metropolitanus Episcopus ad tuam fraternitatem referat: quodque in prouincia bene placuit, scire te faciat, vt ordinationem rite celebrandam
tua

APOLOGIA ALBERTI PIGHII

tua quoque confirmet autoritas. Et rursus: Sicut enim iustas electiones nullis dilationibus volumus fatigari: ita nihil permittimus, te ignorante præsumi. Hæc ita, etiam ante beatissimum Leonem, inconcussa & descriptissime observata, paulo post indicabimus. Quod vero etiam post ipsum annis quam plurimis, usque dum totus pene Oriens vetusto inter se populorum furore collisus, indiscissam domini tunicam, & desuper contextam, minutatim discerpere coepit, & ad schismata declinare, euidentissime demonstrat B. Gregorij ad Constantinam Augustam epistola: qui de Maximo præter autoritatem, & confirmationem Apostolicæ sedis, Salonitanæ ecclesiæ ordinato Episcopo dubitans, ne forte id Imperatoris Mauritiij iussu factum fuisset, qui et alia plæraque egerat temerarie & præter ordinem, Constantinæ Augustæ mulieri religiosæ scribit in hæc verba: Salonitanæ, inquit, ciuitatis Episcopus, me, ac responsali meo nesciente, ordinatus est. Et facta est res, quæ sub nullis anterioribus principibus euenit. Vides, quod tantus Pontifex affirmet, nunquam ante factum, ut absque Apostolicæ sedis autoritate quisquam ordinaretur Episcopus. Hæc enim est illa Episcopatus Petri vnitas in catholica Christi

CONTRA MART. BYCERVVM.

sti ecclesia, in qua Cyprianus ille Christi martyr & Pontifex eruditissimus, consistere unitatem ecclesiae ubiq; prædicat: cuius Episcopatus a singulis pars quædam teneatur in solidum. Cæteris enim vocatis in partem sollicitudinis: vni Petro & qui illi succedunt, commissam plenitudinem potestatis. A qua plenitudine quisquis non participat, nihil sibi Episcopalis autoritatis vendicare poterit. Quin & ex alijs plerisq; dicti beatissimi Leonis epistolis clarissime videre est, non solum, quod ea tunc toto orbe consuetudo fuerit petendarum ab Apostolica sede confirmationum electionum Episcopaliū: sed etiam, quod easdem confirmare non consueuerint, præsertim in sedibus principalibus, post semel accensam Arrianam illam facem, priusquā sue fidei propria manu subscriptas, & roboratas misissent literas. Quod idem ipse Leo & re ipsa, & scripto attestatur in Anatholio Constantinopolitano, & B. Protecerio Alexandrino Episcopis. Neq; em̃ Anatholium in defuncti B. Flauiani locum subrogatum Episcopum confirmare consensit, quauis intercedente pro eodem Imperatore Theodosio, priusquam de verbi incarnatione ea se credere et tenere profiteretur, quæ tam in sua ad dictum B.

Z Flauis.

APOLOGIA ALBERTI PIGHII

Flavianum, quam in beati Cyrilli ad Nestorium epistolis continentur, eamque professionem absolutissima subscriptione coram omni clero & vniuersa plebe declararet: nec se communicurum cum his, qui de verbi incarnatione aliter sentirent, sub suo etiam chirographo profiteretur, ut eiusdem Leonis ad praefatum Imperatorem Theodosium testatur epistola. Pro Proterio quoque, qui in locum Dioscori Apostolica & Chalcedonensis synodi autoritate deiectioni, ordinatus fuerat Alexandria Episcopus, Martianus Christianissimus Imperator suis literis & nuncijs apud eundem Leonem intercessit, ut ab ipso confirmaretur: quod tum facere consensit, cum fidei & confessionis eius testes, propria ipsius manu scriptas, & proprio ad hoc legato destinatas accepisset literas, quemadmodum ipsius epistola testatur, qua Martino Imperatori respondet.

Ita sane est, & erat necessarium, ut cum vniuersa Christi ecclesia Romanorum Pontificum, & apostolicae sedis autoritate, non secus quam familia una ac domus, administrari & contineri debebat in unitate & officio: omnes quoque omnium ecclesiarum
Prae

CONTRA MART BVCERVVM.

Præpositi ab vno ipso dependerent: per quos ad vnum ipsum totius ecclesiæ referri oportebat negocia, quo tota sibi esset vndiq; consentiens & consona: tota sentiret moderationē vnius capitis: vnius exequeretur iussa & imperia, & proinde, vt ex toto orbe referrentur electiones ad confirmationem capitis domus ecclesiasticæ præsidis. Hoc enim eius domus ordo plane requirebat, quo in eadem suus vigor disciplinæ & vnitatis conseruari posset concordia.

Vt vero intelligas, etiam prioribus illis ante beatissimum Leonem sæculis, eodem tenore frequentatas confirmationes illas electionum Episcopaliū, & tanti momenti fuisse habitas, vt sine illis toti orbi confessum haberetur & notorium, ordinatiōes eiusmodi viribus non subsistere, nec habitos pro Episcopis ab orthodoxo populo, vtrinq; ex historia Iulij Romani Pontificis & Anthiochenæ synodi, est clarissime perspicere.

Conuenerant in hanc, autore Eusebio Nicomediensi Episcopo, qui Arrianæ factionis (quæ vniuersum pene Orientē, Occidentemq; diu multumq; vexauit, cōturbauitq; post Nicenam synodum)

Z ij dum)

APOLOGIA ALBERTI PIGNII

dum) se antesignanum & signiferum præstiterat,
 nonaginta secum consentientes Episcopi, aduersus
 præcipuos quosq; Nicenæ fidei zelatores subordi-
 nantes calumnias: quos coram se conuictos variore
 criminum, vt prætendebant, suis sedibus eiicientes,
 in eorum locum superordinauerat alios in Alexan-
 drina, Constantinopolitana, atq; alijs plerisque per
 Orientem ecclesijs. Quorum motus vt persentisce-
 ret Iulius, etiam ante certam vllam actorum ab eis
 notitiam, scripsit ad eos plenam autoritatis episto-
 lam, ex qua aliquanto post nonnulla adducemus o-
 portunius: ipsos coarguens, quod aduersus autori-
 tatem ecclesiasticorum canonum, absq; huius sedis
 autoritate, tentassent celebrare concilium, et Episco-
 porum sibi vsurpauerint iudicia: in irritum reuo-
 cans, quicquid sub synodi prætextu, aut egissent
 eatenus, aut acturi essent in posterum. Insuper
 & Apostolicæ sedis in illos censuram minitatus est,
 nisi ab eiusmodi præsumptione desisterent. Cui
 responderunt quidem satis arroganter, & contu-
 maciter, grauius imprimis expostulantes, quod
 eorum concilia dissolueret, & damnatos ab ipsis
 pro grauibus, vt dicebant, criminibus Episco-
 pos, inaudita causa restitueret. Inter hæc tamen,
 tam

CONTRA MART. BVCERYM:

tam sua ipsorum, quā totius orbis conscientia con-
 uicti, fatētur Romanam ecclesiā maternam curam
 gerere totius ecclesiæ. Romanos Pontifices vel in-
 uiti agnoscunt, & eisdem, tanquam suis patribus ac
 superioribus, obedientiam a se deberi, & se congre-
 gari cum ipsis oportere. Tamen instanter petentes,
 vt confirmet ordinatos a se Episcopos, & hæretico
 spiritu inflati, quasi discessionem minitantes, ni hac
 in re ipsis condescendat: nihilominus inter eiusmodi
 hinc minas, inde in diuersum trahentem, tam su-
 am ipsorum conscientiam, quam communem toti-
 us orbis consensum, ex suis fratribus se ad ipsum
 mittere scribunt, cum actorum a se omnium instru-
 ctione plenissima, quo eadem sanctitati innotescere
 curarent, eundem rogātes, æquum se in ijs iudicem
 præbeat. Cuius epistolæ tenorem cap. XI. lib. III.
 de ecclesiastica Hierarchia inseruimus. In qua hoc
 Christiane lector diligenter perpendes, quantum
 confessionis in se pondus cōtineat, qd illi tot & tales
 Episcopi, hoc est, qui Christi velut ex professo &
 hostiliter oppugnabant ecclesiam, & Hierarchiam
 eius modis omnibus confundere moliebantur, qui
 capto primum omnium Imperatore & Imperio,
 vniuersis eius viribus persequēbātur orthodoxos,

Z iij &

APOLOGIA ALBERTI PIGHII

& velut ex superiore loco magnis cladibus & iniurijs afficiebant, qui insuper synodalem auctoritatem præ se ferebant. Quod, inquam, hi a Romano Pontifice Iulio, cuius vnus grauis nimium ipsis erat auctoritas, vt quæ sola impijs eorum conatibus obsisteret, factæ a se ordinationis in illis ecclesijs Orientalibus confirmationem Episcoporum peterent.

Quod nunquid fecissent, nisi totius orbis consensu & confessione fuisset notorium, absque Romani Pontificis confirmatione factas ordinationes eiusmodi viribus non subsistere? Quid enim hac de re ex medio Oriente vltra tam vasta terrarum, mariumque spatia vni Romano Pontifici molesti fore, si ad eum (quod nunc diabolico odio excoecati, & omnis ecclesiasticæ antiquitatis ignorantissimi aduersarij nostri impudentissime & pertinacissime affirmant) vnus Romanæ cura pertinebat ecclesiæ? si quæ in Orientalibus illis ecclesijs gerebantur, nihilo magis ipsius intererat, quam Mediolanensis, Rauennatis, aut alterius cuiusque Episcopi? Et quid tandem factum est? Receptis synodalibus actis, æquum se iudicem Iulius præbuit, & canonicè coram se euocatis, damnatis vna cum damnatoribus, examinatisque singulorum accusationi-

CONTRA MART. BVCERV M.

tionibus & defensionibus, cum illos innocentes
reperisset, ab horum damnatione absoluit, &
singulis suas ecclesias reddidit, conuersa in da-
mnatores iusta damnationis sententia. Cuius vni-
us iudicium, absque vlla hæsitacione aut contradi-
ctione, amplexa est & sequuta vniuersa Christi ec-
clesia: & Athanasium suum receperunt Alexandri-
ni, Constantinopolitani Paulum, Gazei Asclepam,
Marcellum Ancyрани, Lucianum Hadrianopoli-
tæ, & suos quosque cæteræ. Illos vero dicti concii-
lij & iniustæ damnationis fratrum innocentum au-
tores excommunicatos ab eodem, catholica Chri-
sti ecclesia, & tunc, & deinceps, pro rite excommu-
nicatis habuit. Horum ita gestorum, præter fidem
historicam (cuius testes habemus Socratem &
Sozomenum, autores imprimis graues, & re-
rum ecclesiasticarum eius temporis scriptores dili-
gentissimos, ad hæc Græcos homines, ne quid eos
in Romanæ ecclesiæ fauorem confinxisse calumnia-
ari possis) confirmat etiam altera Iulij ad dictæ sy-
nodi autores epistola, cuius tenorem pene ad ver-
bum prædicto etiam capite libri quarti Hierar-
chiæ a nobis insertum inuenies. In qua inter cæ-
tera affirmat, antiquis canonibus ecclesiasticis,
atq;

APOLOGIA ALBERTI PIGHII

atque adeo Apostolicis, cōstitutum, & Niceni concilij canonibus renouatum, non licere præter sententiam Romani Pontificis celebrare concilia, nisi illa ordinaria, nec damnari Episcopos, nec quicquā terminari de omnibus grauioribus negocijs ecclesiasticis, quo oppressis & iniuste damnatis refugium pateat: & aduersus improbos, contumaces, superbos, & fratrum oppressores, ultio iusta parata sit.

Et quamuis Nicomediensis ille Eusebius, eius impia factionis caput & signifer, quæ de Athanasio decreuerat Iulius, ut habet ille Socrates, non occurrat agnoscere, hoc ipsum, non propterea factum idē affirmat, quasi auctoritatem & iudicium eius adhuc contemnere pergeret, sed quia continuo post celebratum illud concilium, ante finem iudicii Romani Pontificis morte præuentus fuerat. Habet enim in hæc verba. Eusebius autem legationem misit ad Iulium Romanæ urbis Episcopum, rogans ut contra Athanasium iudex esset. Sed quæ de Athanasio decreuerat Iulius, non occurrit ut cognosceret. Quia dum paucum tempus vixisset post concilium, vita priuatus est. Quapropter Constantinopolitæ Paulum rursus in ecclesiam introduxerunt, & cæ

CONTRA MART. BVGERVM.

& cætera. Sed & Vrsatius & Valens hæretici, postea libellum poenitentiae Iulio offerentes, & consentientes *δυσωσίου* verbo, communicare meruerunt. Hactenus Socrates.

Sozomenus vero eidem historiae his verbis testimonium perhibet. Igitur Athanasius, inquit, relinquens Alexandriam, Romam profectus est. Contigit autem eodem tempore etiam Paulum Constantinopolitanum Pontificem illuc vna concurrere, & Marcellum Ancyrae, Asclepamque Gaziae: qui, dum Arrianis esset aduersus, calumniam passus ab his, quasi subuertisset altare, damnatus est. Pro quo Gazeorum ecclesia Quinciano committitur. Lucianus autem Hadrianopolites Episcopus, ob aliam accusationem ecclesia sua priuatus degebat in vrbe Romana. Cognoscens ergo Romanus Episcopus crimina singulorum, & omnes Niceno concilio concordare comperiens, eos in communionem suscepit tanquam omnium curam gerens propter sedis propriae dignitatem, singulisque reddidit suas ecclesias. Et Orientalibus Episcopis scripsit, quod non recte tractassent viros inculpabiles, de suis ecclesijs eos expellentes: & quod constituta
a tiones

APOLOGIA ALBERTI PIGHII

tiones Niceni concilij minime obseruarent. Quo-
 rum paucos ad certum diem sibi adesse præcepit,
 vt coram eis ostenderet, iustum se super illis pro-
 tulisse decretum, & deinceps se non passurum in-
 terminatus est, nisi ab huiusmodi turbis & nouita-
 te cessarent. Et ille quidem hæc scripsit. Athanasi-
 us autem & Paulus, epistolas Iulij Orientalibus E-
 piscopis miserunt, & singuli eorum suas sedes ad-
 epti sunt. Hæc ille Sozomenus. Ex quibus omni-
 bus clarissime intelligis lector Christiane, eo sæcu-
 lo, hoc est, ante annos mille ducentos, magis reco-
 gnitam fuisse autoritatem Romanorum Pontifi-
 cum in Alexandria, Constantinopoli, vniuersa de-
 nique toto orbe ecclesia, quam nunc in hoc vno,
 qui vix nobis restat, Occidentis angulo. Ab eius
 autoritate dependisse statum vniuersæ domus &
 familiæ ecclesiasticæ: Episcoporum vt confirma-
 tiones, ita depositiones & iudicia: vtque impio-
 rum & malignantium concilia, & totius pene O-
 rientis conspiratio, aduersus autoritatem eius præ-
 ualere non valuerit. Quin & Agapeti, te quæ-
 so lector, & Anthemij Tragcediam, vt diligenter
 attendas. Nam eius exitus euidentissime demon-
 strat, quam eo sæculo vniuersus toto orbe Christia-
 nus

CONTRA MART. BVCERVVM.

nus, ab vnus Romani Pontificis iudicio suspensus fuerit.

Quin Athemius ille Trapezuntinus ante Episcopus, Iustiniani Augusti, & præcipue Theodoræ Augustæ, cuius affectibus ille obsequebatur, fauore deserta ecclesia sua, cōtra ecclesiasticos canones irreplisset in Constātinopolitanam ecclesiam tunc vacantem per mortem B. Epiphani, eoq; suo illicito ambitu, & insuper, quia cum Severo Antiocheno Episcopo, & Petro eius discipulo, Zoaroq; monacho Euticianæ paulo ante damnatæ præfidie sectatoribus, communicare suspectus fuerat, haud leuiter perturbaret statum Orientalis ecclesiæ: confugerunt totius pene Orientis orthodoxi Episcopi, presbyteri, clerici, & monachi ad sedē apostolicam, supplices literas dirigentes Agapeto Romano Pontifici, & orātes vt sui memor officij, illud scandalum auferret ab ecclesia, & apostolicæ fæueritatis gladium destringeret in hæreticos & euerfores ecclesiasticorum canonum. Vtque iuberet impia hæreticorum scripta igni contradi, & ea habentes proferre in publicum ad imitationem eorum, qui zelant possidere Manichæa, Nestorij, inquam,

a ij &

APOLOGIA ALBERTI PIGHII

& Euticetis insensati, & Dioscori patris et protecto-
ris eorum. Addunt & rogare eundem aduersus
Anthemium, velut paternis Apostolicorum Ponti-
ficum prædecessorum suorum sanctionibus con-
trauenientem, vt suæ aduersus illum sententiæ san-
ctum & perfectum finem imponat, quo omne de
medio extinguatur scandalum a paruulis in domi-
num credentibus. Et optatam, inquiunt, vocem au-
dietis ab omnibus nobis. Custodiat dominus sedē
vestram tanquam dies sæculi, qui Petri successor et
imitator existens, nos a tribulatione saluastis, & eos,
qui nos odiunt, confudistis. Quas illorum literas in
acta quintæ synodi relatas inuenies, vna cum spe-
ciali accusationis libello aduersus Anthemium. In
quo eundem ipsum velut obsecrando adiurant,
vt sequens eorum exemplum, qui ante se clarue-
rant in sede Apostolica, faceret & ipse contra in-
ualescentes aduersus auctoritatem sanctorum cano-
num, quod B. Cœlestinus fecit aduersus Nestori-
um: nempe, vt illi tempus præfigeret, intra quod,
nisi Apostolicæ sedi & suæ beatitudini libellum
sanæ fidei suæ porrigeret, & se ab hæretica su-
spicione liberaret, cæteraque omnia iussa ipsius
perageret, alienum ipsum definiret ab omni Ponti-
ficali

CONTRA MART. BVCERV. M.

ficali dignitate & efficacia, & sortem ipsum accepit
se cum eis, quibus communicabat hæreticis.

Ad quorum supplicationes sanctus Pontifex cō
missæ sibi curæ ouilis Christi non defuit, sed Seue
rum illum Antiochenum Episcopum cum suis cō
plicibus, anathematis mucrone confossos, velut mē
bra palam putrida abiecit ab ecclesia. Anthemium
vero de Constantinopolitana sede, in quam illicito
ambitu aduersus canones irrepserrat, deposuit.
Insuper & terminum illi præfixit purgationis ca
nonicæ, intra quem, nisi coram se comparens, omni
se expurgasset suspicione, qua laborabat, prauitatis
hæreticæ, non solum ab omni dignitate ecclesiasti
ca, sed etiam a nomine Christiano alienus habēdus
foret: sortemq; accepturus cum his, quibus cōmu
nicasse conuictus fuerat, hæreticis. Hæc in hunc mo
dum gesta fuisse quintæ synodi acta clarissime cō
probant.

Post hæc, cum idem Pontifex, inter Theodatū
Gothorum regem, & Iustinianum Imperatorem
componendæ pacis gratia Constantinopolim pro
fectus, nullo nō honoris genere ab Imperatore exci

a iij pe

APOLOGIA ALBERTI PIGHII

peretur, impetrassetq; quæ volebat pro necessitate temporis, ex sententia: vicissimque ab eodem importunis nimis ac pene violentis precibus sollicitaretur ac perurgeretur, ut damnatum a se Anthemium, in communionem rursus reciperet, & confirmaret in Constantinopolitana ecclesia: cum imperialis ille sollicitationis vim (quæ iustam satisfactionem non admittebat, vxoris, cui plurimum indulgebat, impotenti affectui subseruiens) non ferret amplius, rei indignitate commotus, & liberiori constantia vtens: Ego, inquit ad Iustianum Christianissimum Imperatorē, venire me putavi: sed DIOCLETIANUM inuenio. Qua responsi libertate, & tanti Pontificis autoritate permotus Imperator Anthemium cum suis excessibus & erroribus execratus, & Pontificiæ damnationis executor factus, relegauit. In cuius locum venerabilem Menam S. Pontifex suis manibus consecrauit Episcopū. Qua de re idem ad Petrum Hierosolymitanū Episcopum, & eos qui secum congregati fuerant, scribit se dignam, Christiane doctam, piam, & plenam apostolicæ grauitatis epistolam, quæ et ipsa inter acta quintæ synodi relata est.

Sed cum Theodora Augusta iam dudū capta
actis

CONTRA MART. BVCERV M.

actibus et impietate illius damnati Anthemij, ordinatum in eius locum venerabilem Menam persequeretur implacabili odio, mortuo Agapeto, quid non egit & scriptis, & nuncijs apud eius successorem Siluerium, ut rursus expulso Mena, in Constantinopolitanam ecclesiam reuocaretur Anthemius? Cui cum ille libera autoritate respondisset, nunquam se reuocaturum hominem haereticum, iam dudum condemnatum eius impietatis a suis praedecessoribus: accensa illa magis furore foemineo, & agitata illo spiritu, qui haereses & schismata seminat, contra sanctum Pontificem egit apud Belisarij uxorem, ut subordinata quacunque aduersus illam calumnia, quoque praetextu, quoquam relegaretur in exilium. Itaque submissis per illam falsis testibus, qui dicerent sibi constare, coniurasse illum cum Gothis aduersus Imperatorem, illis proditurum urbem, in Pontianas insulas deportatus est: quamuis non dubitaret Belisarius, nec ignoraret, ab uxore subordinatam esse calumniam. Quare res illi multarum calamitatum, in quae post incidit iusto Dei iudicio, causa fuisse creditur.

Cum autem, neque sic voti compos illa fieret, sancto

APOLOGIA ALBERTI PIGHII

cto Pontifice fortiter ferente exiliū, eo mortuo, modis omnibus studebat, vt in eius locum eligeretur Vigilius, etiam vi apud clerum & P. R. interposita: qui sub Siluerio legatum agens sedis Apostolicæ apud Iustinianum Constantinopoli, promiserat Augustæ, si eius studio designaretur successor Siluerio, se illi obsequuturum de Anthemio. Cum quo iam promotus ad culmen sedis Apostolicæ, agit velut ex pacto, vt suæ fidei satisfaciatur, & abiecto Mena Anthemium restituat Constantinopolitanæ ecclesiæ. Sed iam factus ille Ro. Pontifex, quamuis malis artibus, haud tamen destitutus est illius cathedræ priuilegio: sed sanioris sententiæ effectus respondit Augustæ, dolere se, si quid male atq; insipienter illi addixisset. Nunc vero Petri successorem et Christi vicarium, quamuis indignum, agentem, committere se non posse, vt hominem hæreticum, per suos prædecessores damnatum, restituat, sed malle potius se omnia perpeti. Qua de causa aliquāto post aduocatum ad se Constantinopolim, & omni honoris genere a Iustiniano exceptum, cum rursus & minis & precibus fatigaret, vt præstaret promissum, constantissime recusantem deportari tandem fecit, muliebri impotētia, & iam præ senio
aut

CONTRA MART. BVCERVVM.

aut morbo prope delirante, & impiæ mulieri per omnia obsequente Iustiniano, in Proconissum, Gipsumq; insulas, vna cum clero, qui secū Roma venerat, vbi permansit ad Theodoræ obitum. Postmodum restitutus ad preces Rom. cleri & Narsetis, nec vnquam iniuriarum, aut exiliij tædio, ad impia Augustæ vota ac desyderia deflecti se passus est. Vt clarissime intelligas, hanc apostolicæ sedis rupem semper perstitisse immobilem, ad confirmandos toto orbe Christianos fratres, omnemque altitudinem sese extollentem aduersus Deum, aduersus orthodoxam fidem, aduersus ecclesiasticos sanctorum patrum canones, deijciendam.

Sed quo tandē, & a quo, tantopere efflagitarant illi, tantus Imperator, et tam impotens desyderij sui Augusta, quasi pro sua & totius salute ageretur Imperij, vt reduceretur Anthemius? nūquid alio, quā Constantinopolim? nunquid ab alio, q̄ a Ro. Pontifice? Cur quæso non poterant ipsi, sua illa Imperiali potestate, in Imperialis residentia sedem, absque Ro. Pontificis consensu reducere Anthemium, & inde Menam expellere, nisi ad vnus Ro. Pontificis auctoritatem ista pertinere recognouisset orbis vni-

b uersus?

A P O L O G I A A L B E R T I P I C H I I

uerfus: nisi orthodoxus populus his in rebus fū-
 spēsus fuisset ab vnus Rom. Pontificis iudicio: Et
 nunquid aduersus eius sedis auctoritatem aliquan-
 do Constantinopolitanæ ecclesiæ est restitutus An-
 themius: aut inde expulsus Mena, quem in eius lo-
 cum ordinauerat Ro. Pontifex: Et te, symmistas-
 que tuos non pudebit Bucere, in hos ipsos esse tam
 contumeliosos, conuitiosos, & iniurios: Parum est
 quod dicitis, quamuis impudentissime & menda-
 cissime dicatis, qui alios euidentissimam veritatem
 asserentes, mēdaci reos facere nō erubescitis, quod
 passim illa vestra asseuerandi quicquid in mentem
 venit audacia, simplicibus, & vobis credulis, incul-
 catis, non ita nuper natam huius sedis auctoritatem,
 & primatū super alias ecclesias, nisi adderetis horrē-
 da conuitia, quæ in fratrem Christianum nulla fert
 modestia, imo vix in vllum ethnicum. Quod si vo-
 bis satis demonstratum nondum sit, fuisse huius se-
 dis primatum ab initio, ab ipso institutum Deo, nō
 ab hominibus, eumq; tāto semper viguisse magis,
 quanto plus viguit Christiana religio, mihi vide-
 mini ad euidentissimam veritatis lucem vel inui-
 tos oculos claudere. Audistis enim, & magis adhuc
 audietis in subsequētib; in illa florente adhuc, et
 vere

CONTRA MART. BVCERYM.

Vere Christiana ecclesia, q̄ties vnus Romanus Pontifex, & quanta cum libertate, in omnium aliarum principalium sedium antistites, Alexandrinū, Antiochenum, Constantinopolitanum, cæterosq; suæ autoritatis potestatem exercuerit: vtcq; aut præuaricantes a regula orthodoxæ fidei, aut aduersus sacrorum canonum autoritatem sese efferentes, sua illa principali autoritate, aut resipiscere coegerit, aut deploratos abiecerit e sedibus illis suis, omnique Christiana ecclesia, in deiectorum locum substitutis alijs. Et hæc non vi vlla, aut vlla tyrānide, sed verbo solo: at tam potenti, tantæq; autoritatis, vt aduersus sæua violentissimorum tyrannorum arma, aut potentissimorum & superbissimorum Imperatorum Imperia, etiam in ipsa Imperialis residentie vrbe Constantinopoli, præualuerit.

Dioscorus Alexandrinus antistes, vna cum tot secum congregatis Episcopis in secūda illa, quāuis vniuersali synodo, etiā legitime indicta, testes sunt, quanta aduersus ipsos, & q̄ efficax viguerit vnus Romani Pontifi. B. Leonis autoritas, quæ sola orthodoxam fidem aduersus impium, quamuis generale concilium, tutata est, & in ipsum impietatis autorem Dioscorum secundæ sedis Episcopum,

b ij apo

APOLOGIA ALBERTI PIGHII

Apostolicæ sæueritatis gladium distrinxit: quē nō solum ab Alexandrina sede, sed ab vniuersa Christi ecclesia, irreparabiliter abiecit: ceteris, qui eius impietatem secuti sunt in concilio, ex cōmunicationi ad pœnitentiam & resipiscentiā vsq; subiectis. Cuius iustum iudicium probauit aliquanto post subsequens Chalcedonensis illa synodus, quale eatenus vniuersa etiam Christi ecclesia recognouerat. At huius rei Tragœdiam, lib. VI. Hierar. nostræ locis plæriscq; prolixius ac diligētius explicatā inuenies.

Aduersus Anatholium, beati illius Flauiani in Constantinopolitana ecclesia successorem, cū nō recte incederet ad veritatem euangelij, idem Leo quā libera, efficaciq; autoritate vsus fuerit (Ne, inquit, ad negligentiam rectoris referatur, si quisquam in ecclesia catholica, ea prædicare præsumeret, quæ hæreticorum sensibus conuenirent) vtque coegerit illum, ad suum præscriptum ordinare Constantinopolitanā ecclesiam: insuper & pœnitere de illi cito ambitu primatus suæ sedis post Romanam ecclesiam, quo tentauerat, & in assensum inclinauerat Chalcedonensem synodum, dicti quoque lib. capite IX. ex eiusdem beatissimi Leonis plæriscq; epistolis
cla

CONTRA MART. BVCERVVM:

clarissime demonstrauius. Quem & ipsum, ita
exigentibus eius excessibus, aliorumq; ædificatione
& exemplo, a sua, & catholicæ ecclesiæ communio-
ne separauit ad tempus, vsq; ad satisfactionem con-
gruam, qua intercedente, ac spondente pro eo Mar-
tiano Imperatore, recõciliari obtinuit, ea tamen ad-
iecta lege, vt retractatis ordinationibus, quas de An-
drea & Euphrate in sua ipsius ecclesia fecerat, ean-
dem vniuersam ad præscriptam sibi regulam or-
dinaret. Testis est eiusdem epistola XLV. ad eun-
dem Anatholium.

Aduersus B. Ioannem Chrysostomum, S. Pau-
linum, & Euagrium, conspirauerat Orientalium
Episcoporum pars maxima: qui in vnum synodia-
ce couenientes, eosdem damnationis perculere sen-
tentia. Quam, tanq̃ prolata contra autoritatem se-
dis apostolicæ, insuper & iniquã, vnus B. Innocen-
tij Ro. Pon. retractauit autoritas, & autores iniquæ
sententiæ excommunicationi subiecit. Quorū Ale-
xander Antiochenus patriarcha, per condignam sa-
tisfactionẽ, missa ex medio Oriente solenni legatio-
ne ad Innocentium, reconciliari meruit. Pro Attico
aut Constantinopolitano, ante dignam ad eiusdem
b in Innocen-

APOLOGIA ALBERTI PIGHII

Innocentiū arbitrium satisfactionem, a Maximiano
 sedis apostolicæ per Orientem legato frustra inter-
 cessum est. De Alexandro Antiocheno ita rem ha-
 bere, testatur eiusdē Innocentiū ad Bonifacium pres-
 byterū epistola. De Attico item Constantinopolita-
 no, idem respōdet Maximiano, mirari se, quod pro
 eius cōmunionē intercesserit: Cōmuniō em̄, inquit,
 suspensa restituitur demonstrāti causas, quibus ac-
 ciderat, iam esse deterfas, & profitenti cōditiones pa-
 cis impletas. Quod neq; apud nos Atticus, missis a
 aliquibus suorū, vel dicere voluit, vel potuit demon-
 strare completum. Quemadmodum Antiochenæ
 ecclesiæ frater & coepiscopus noster Alexander, di-
 gna legatione prosequutus est, & probauit vniuer-
 sa, quæ apud Antiochiam fieri debuerant, fuisse cō-
 pleta. Quorū amplexati pacem, vtiq; fidem fecimus,
 & magno tramite eandē ostendimus, si modo, quæ
 discussa sunt & completa ab alijs, etiam ipsi pro suo
 loco fecisse & compleuisse aliquando monstraue-
 rint, communionemq; vt isti, legatione solenniter
 destinata, sibi rogauerint redhiberi. Hæc Innocen-
 tius, qui etiam ad Atticum Beroæ Episcopum, ea-
 dem ex causa reconciliari petentē, conditiones præ-
 scribit, quibus impletis recipi in communionē possit.

Hic

CONTRA MART. BVCERVVM.

Hic rursus te oro Christiane lector, mecū vt diligenter perpendas, quo pacto inter violentissimos illos turbines & procellas, quibus omnes aliquando omnium sedium antistites hæretica peruasit contagio, tota pene ab imis vsq; fundamētis quassata, concussa; ab hæreticis, orthodoxa subsistere potuisset ecclesia, nisi fundata fuisset super illā petram, singulari beneficio Dei immobilem, quæ terrarū orbe reluctante (vt illius Chrysostomi verbis dicā) adamantis naturā in firmitate superaret. Quæ apostolicæ illius viuæ traditionis (quā, successionē tm̄ continua Episcoporum, nō autē scripto nos accepisse, supra, atq; alibi clarissime demonstrauius) peruenire ad nos potuisset sinceritas, alias ecclesias vniuersas toties occupantibus hæreticis Episcopis? Quis ordo, q̄ facies, q̄ vigor Hierarchie ecclesiasticæ, inter illos Episcoporum toto orbe sine modo aduersus sese tumultuantium conflictus? inter illas improborū ambitiones, contra ecclesiasticos canones, sibi passim omnibus vendicantibus omnia, nisi vna hæc sedes apostolica, & dotata a Deo & cōseruata fuisset illo, q̄d adstruximus & adstruimus, priuilegio? Cuius vt semp permāsit integra fides, ad confirmādos toto orbe Christifideles in fide, ita viguisse auctoritatem ad destruendam

APOLOGIA ALBERTI PIGHII

dam omnem altitudinem sese extollentem aduersus orthodoxam fidem, aduersus apostolicos ecclesiasticosque canones, an ex his cuiquam obscurum est?

Simplicij Romani Pon. haud est ignota historia, ut in Timotheum Alexandrinum, sectatorem Dioscori (qui trucidato per hereticos B. Proterio, quem in eiusdem Dioscori locum ordinauerat Chalcedonensis synodus, & confirmauerat beatissimi Leonis autoritas, ecclesiam Alexandrinam inuaserat) & Petrum eius diaconum, anathematis protulerit sententiam. Ad hoc instantibus, altero Timotheo, qui ab orthodoxis canonice electus erat successor Proterio, insuper & Acatio Constantinopolitano, cui vires suas per Orientem commiserat. Quibus damnatis, et per Leonem Imp. sententiae apostolicae sedis executorem relegatis, cum post, mortuo eodem Leone, & Basilisco inuadente Imperium, per occasionem turbatae Reipublicae reuersi illi ab exilio, haereticorum studio Alexandrinam rursus inuasissent ecclesiam, expulso inde Timotheo orthodoxo & legitimo Episcopo, haud longe postea e vita sublato Timotheo illo inuasore haeretico, Petrus eius diaconus & impietatis socius, eandem occupauit ecclesiam. At
Zeno

CONTRA MART. BYCERVVM.

Zenone mox legitimum recuperante imperium,
ordinataq; Republica, deturbato, imo in fugam se
proripiente illo Petro, suæ sedi restitutus est Timo-
theus ille orthodoxus & legitimus Episcopus.

Qua dere, præfatus Acatius ad Simplicium scri-
bens, & actorum omnium ipsum certum faciens:
Sollicitudinem, inquit, omnium ecclesiarum circū-
ferentes nos indesinenter hortamini, quamuis spon-
te vigilantes & præcurrentes, sed vos diuino zelo
sollicitos demonstratis, statum Alexandrinæ eccle-
siæ certius requirentes, vt pro paternis canonibus
fufcipiatis laborem, sicut semper approbatum est.
Sed Christus Deus noster, &c. omnem ipse victo-
riam perfecit, cōsortes nos cum tranquillissimo Im-
peratore faciens. Et Timotheum quidem decesso-
rem spirantem procellas, & ecclesiasticam tranquil-
litatem conturbantē, vitæ subtraxit humane, dicens
ei: Tace & obmutesce. Petrū quoq; qui ab Alexan-
dria more similis procelle surrexerat, dissipauit, atq;
in æternam fugā S. spiritu flante cōuertit: vnum ex
his, qui olim dānati fuerāt, &c. Timotheus aut, qui
Dauidicæ mansuetudinis exēplo subditur, & vsq;
in finē patiens, potestati propriæ restitutus a Christo,
propriæ sedis honore lætatur, &c. Hæc ille Acatius.

c Sed

APOLOGIA ALBERTI PIGHII

Sed idem, cum delegata sibi in illis regionibus auctoritate apostolicæ sedis abuti cœpisset, velut propria, sibi ipsi quendam primatum meditans: quem admodum & prædecessoræ & successorum eius aliqui fecerant, ad quem finem, & Zenonem Imper. haud suspicacem, suis sibi artibus deuinxerat, multorum magnorumque deinceps motuum perturbationumque autor fuit in ecclesia. Siquidem mortuo deinde illo Timotheo Alexandrino Episcopo successore B. Proterij, cum orthodoxus populus in eius locum elegisset Ioannem Episcopum, restitit quantum potuit Acatius, & Petrum illum nuper damnatum auctoritate sedis apostolicæ, & relegatū, ab exilio reuocari curauit: Imperatori, quo spectaret, haud intelligenti persuadēs damnatum iniuste. Quem & ipsum Imperiali fauore modis omnibus studebat in Alexandrinam, quam nuper inuaserat, ecclesiam reducere, sperās si id posset, suis conatibus illum cōmodum fore, nempe secundæ sedis antistitem tanto sibi deuinctum beneficio. Itaq; cum electus ille ab orthodoxo populo Ioannes, pro confirmatione obtinenda a sede apostolica, suæ electionis synodicam mitteret ad Simplicium, vna superuenit Vrbanus Subadiuuus, sacra principis ad eundē defe-

CONTRA MART. BVCERYM.

deferens, quibus ille petebat, ut Ioannis confirmatio
nē adhuc suspenderet. Sed quia de restituendo Petro
in eisdem etiam literis est facta mentio, nihil cun-
ctatus Simplicius, canonicam Ioannis electionem
absque dilatione confirmavit: nec ob Imperialem
gratiam quicquam de suo fastigio deflexit Pontifi-
cia autoritas. Unde offensus quidem Imperator
extitit, in centore illo Acatio: attamen Imperiali illa
indignatione nihil obstante, Ioannes electus & ab
apostolica sede confirmatus, Alexandrinam ob-
tinuit ecclesiam, & in eadem multis annis præ-
sedit.

Mortuo deinde Simplicio, Felix secundus eius
in apostolica sede successor, etiam in Acacium da-
mnationis sententiam protulit, quod damnato illi
apostolica autoritate Petro, cuius idem ipse procu-
rator fuerat, absque eiusdem sedis communicaue-
rat iudicio, & multarum aliarum transgressionum
conuictus fuerat. Sed cum Zeno Imp. apud Felicem
pro eodem instantissime intercederet, fidem ei fa-
ciens illum poenitere, & in eius futurum arbitrio,
victus Imperatoris precibus Messenium & Vita-
lem Episcopos, legatos suos eo transmisit, quo co-

c ij gnita

APOLOGIA ALBERTI PIGHII

gnita illius satisfactione congrua & poenitentia, ecclesiastica eum cōmunioni restituerent, & damnatum olim illū Petrum, Alexandrinæ occupatorem ecclesiæ, prorsus expellerent, et abijcerent ab ecclesia. Qui profecti cū peruenissent Heracleam, nihil egerunt ex Pontificis sententia, sed contra potius, partim adducti metu, partim corrupti muneribus, damnatis ex cōmunicatisq; a sede apostolica communicauerunt. Quapropter & in hos merito indignatus Pontifex, ipsos quoque vt præuaricatores & Simoniacos, de ecclesiastico gradu deiecit, & excommunicationi subiecit. Quorum ita gestorum præter historicam fidem, eiusdem Felicis ad Acadium epistola, quam per ecclesiæ suæ defensorem vna cū damnationis eius sententia ad eundem misit, indubiam fidem facit in hæc verba.

Felix Episcopus sanctæ ecclesiæ catholicæ vrbis Romæ Acatio. Multarum transgressionum reperis obnoxius, & in venerabilis concilij Niceni contumelia sæpe versatus, alienarum tibi prouinciarum iura sæpe vendicasti: hæreticos & peruersores, & ab hæreticis ordinatos, quos etiam ipse damnaueras, atque ab apostolica sede petisti damnari,
non

CONTRA MART. BVCERYN.

non modo comunioni tuæ recipiendos putasti, verum etiam alijs ecclesijs (quod nec de catholicis fieri poterat) præsidere fecisti, &c. Et quasi hæc minora tibi viderentur, in ipsam quoque apostolicæ doctrinæ veritatem, ausus tuos & superbiam extendisti, vt Petrus (quem damnatū a sanctæ memoriæ prædecessore meo ipse retuleras, sicut testatur annexa) beati Euangelistæ sedem, te iubente, rursus inuaderet, &c. pulsoque eo, qui fuerat regulariter constitutus, captiuam teneret ecclesiam. Cuius tibi adeo grata persona est, et acceptum ministerium, &c. vt per Messenum & Vitalem crederes excusandum, nec eum laudare desineres, & multis efferre præconijs: ita vt damnationē ipsius, quam ante retuleras, verā non fuisse iactares. Tantum autem perseueras in hominis amicitia peruersi, vt quōdam Episcopos, nunc vero honore & communione priuatos, Vitalem atque Messenum, quos ad eius expulsionem specialiter miseramus, sublatos, custodiæ passus fueris mancipari: atque ad processionem, quæ tibi cum hæreticis habebatur, exinde productos, sicut eorum professionibus patefactum est, ad hæreticorum tuamque communionem pertraheres, premiisque corrumperes: & læsionem beati Petri apostoli,

c in stoli,

APOLOGIA ALBERTI PIGHII

stoli, a cuius sede profecti fuerant, non solum in-
efficaces redire faceres, sed etiam impugnatores o-
mnium, quæ fuerant mandata, efficeres. In quo-
rum deceptione tuam nequitiam prodidisti. Et li-
bello fratris, coepiscopi mei Ioannis (qui te grauissi-
simis obiectionibus impetiuit) apud apostolicam
sedem secundum canones respōdere diffidens, ob-
iecta firmasti, &c. Eos quoque literis tecum com-
municare testatus, quos constat esse hæreticos, &c.
Habe ergo cum his, quos libenter amplecteris, por-
tionem: & sententia præsentis, quam per tuæ tibi
ecclesiæ direximus defensorem, sacerdotali hono-
re, & communione catholica priuatus, nec non et-
iam a fidelium numero segregatus, sublatum tibi
nomen, & munus ministerij sacerdotalis agno-
sce, spiritus sancti iudicio & apostolica per nos au-
toritate damnatus, nec iam anathematis vincu-
lis eruendus. Hæc ille Felix. Itaque cum iam ille
Acatius, vna cum Petro Alexandrino, a Felice pa-
rem in se accepissent damnationis sententiam, pro-
cessit eorundem pertinax conspiratio, et peiora gra-
uioraque semper moliti, Imperatorem etiam Ana-
stasium, qui Zenoni successit, suopte ingenio im-
pium, suis sibi artibus facile deuinxerunt, & in su-
am

CONTRA MART. BVCERVVM

am pertraxerunt perfidiam . Cuius autoritate & studio coacti in synodum leues plerisque , & parum memores officij sui Græculi Episcopi , Imperialis fauoris & gratiæ auram facile in quiduis sequentes , illi apostolicæ sedis in se damnationis sententiam , per eosdem velut synodali illa autoritate , retractari procurauerunt . Petrum insuper illum , restituendum , reducendumque in Alexandrinam ecclesiam , deturbato inde Ioanne præfato , orthodoxo & legitimo Episcopo . Et sicut nullum sibi modum facile inuenit prauorum , quoties in vnum conuenit , conspiratio , etiam Kalendionem Antiochenum Episcopum , quod auctoritatem apostolicæ sedis secutus , ipsis communicare nolebat , e sede sua eiecerunt , substituto in eius locum altero quodam Petro hæretico , & alia præterea sacrilegia & flagitia innumera patrarunt aduersus orthodoxos per vniuersas Orientis ecclesias . Omnesque illas principales sedes , Alexandrinā , Antiochenam , Constantinopolitanam , sua peruascerunt , occuparuntque impietate ac tyrannide .

Aduersus quos Gelasius , sanctus et doctissimus Pontifex

APOLOGIA ALBERTI PIGHI

Pontifex, illius Felicis successor, constanter agens,
& illos perfidos, apostolicæ sedis autoritate confi-
dentissime persecutus est, & orthodoxorum se a-
sylum, perfugiumque præbuit: præfatum Ioan-
nem Alexandrinum Episcopum, & alios pleros-
que ab illis diuexatos, & suis spoliatos ecclesijs, be-
nigne liberaliterque excipiens, fouens, ac prote-
gens. Inter hæc, cum Acatius ille rebus humanis
excederet, & de reconciliatione ecclesiarum agere-
tur, eamque ob causam Faustus a Gelasio missus
esset Constantinopolim: Imperatoris impietas,
qui etiam se in religione damnatum querebatur,
Episcopos illos, qui Acatio aut in impietate socia-
ti, aut Imperialis fauoris auram secuti, aduersus se-
dis apostolicæ autoritatem obsequuti fuerant, ani-
mosiores obstinatoresque reddidit: ita ut conten-
derent, Acatium quamuis mortuum, a vinculo
excommunicationis absolui debere: alioqui præ-
se ferentes discessionem se plane facturos a sede a-
postolica. Qua de re per Faustum legatum su-
um certior factus Gelasius, eidem respondit in hæc
verba:

Ego, inquit, iam mente percepi, Græcos in sua
obstinatione permansuros, ne cui velut insperatum
videri

CONTRA MART BYCERYM.

videri possit, quod est ante præcognitū, &c. Quid sibi vult autem, quod dixerit Imperator, a nobis se in religione damnatū. Cum super hac parte, & prædecessor meus non solum minime nomen eius attigerit, sed insuper quando principatum regiae potestatis adeptus est, in eius se rescripsit Imperij promotione gaudere, & ego nulla ipsius vnq̃ scripta percipiens, honorificis eum nostris literis salutare curauerim. Prædecessores mei sacerdotes, qui præuicatoribus se communicasse propria voce confessi sunt, a communione eos apostolica submouerunt. Si autem illi placet se miscere damnatis, non potest nobis imputari, si cum illis velit abscedere.

Deinde iniquā refellens Græcorū postulationē, qua absolui petebant Acatium in excōmunicatione apostolicæ sedis mortuum: Legatur, inquit, ex quo est religio Christiana, aut certe detur exemplum in ecclesia Dei a quibuslibet Pontificibus, aut ab ipsis apostolis, ab ipso deniq; saluatore, veniam non se corrigentibus fuisse cōcessam. Auditum certe sub coelo nec legitur, nec dicitur, quod istorum voce depromitur: Date nobis veniam, vt tamen in errore duremus, &c. Mortuos legimus suscitasse Christū,

d & in

APOLOGIA ALBERTI PIGHII

& in errore mortuos absoluisse non legimus, &c.
 Minus miror, si ignorantiam suam ipse non per-
 spicit, qui dicit, Acatium ab vno non potuisse da-
 mnari. Itane perspicis, secundum formam Chalce-
 donensis synodi fuisse damnatum Acatium? &c.
 Nobis opponunt canones, dum nesciunt quid lo-
 quantur: contra quos hoc ipso venire se produnt,
 quod primæ sedis sana rectaq; iubenti parere refugi-
 unt. Ipsi sunt canones, qui appellationes totius eccle-
 siæ, ad huius sedis examen deferri voluere: ab ipsa
 vero nusquã prorsus appellari debere sancierunt,
 ac per hoc, illam de tota ecclesia iudicare, ipsam ve-
 ro ad nullius conuenire iudicium. Nec de eius iudi-
 cio vnquam iudicari præceperunt, sed sententiam
 ab illa constitutam non oportere dissolui, eius de-
 creta in omnibus sequenda mandantes. In hac ipsa
 causa, Timotheus Alexandrinus, Petrus Antioche-
 nus, alter Petrus, Paulus, Ioannes, & cæteri, non
 solum vnus, sed plures, sacerdotij nomen præferen-
 tes, sola sedis apostolicæ sunt autoritate deiectioni. Cu-
 ius rei testis docetur etiam ipse Acatius, qui eorum
 damnationem, priusquam præuaricator existeret,
 fuerat executus, plurimis deinceps exemplis demō-
 strans, in quam multis ipsi ecclesiasticorum cano-
 num

CONTRA MART. BVCERYM.

num præuaricatores fuerint. Hæc ille Gelasius ad Faustum.

Ad Anastasium autem Imperatorem, iustissime damnationis Acatij rationem explicans, inter cætera scribit in hæc verba:

Si, inquit, cunctis generaliter sacerdotibus, recte diuina tractantibus, fidelium conuenit corda submitti, quanto potius sedis illius præsulī consensus adhibendus est, quem, cunctis sacerdotibus et diuinitas summa voluit præeminere, & subsequens ecclesiæ generalis pietas, sibi præsidere iugiter agnouit. Vbi pietas tua euidenter aduertit, nunquam quolibet humano cōsilio super eleuare se quemquā posse illius priuilegio, quem Christi vox prætulit vniuersis, cuius ecclesia veneranda semper confessa est, & obseruat deuota primatum. Impeti vero possunt humanis præsumptionibus, quæ diuino sunt constituta iudicio, vinci autem quorumlibet potestate non possunt, &c.

Dardaniæ vero Episcopis, qui ad ipsum cauillationes Græcanicorum Episcoporum retulerant, respondens: Retulit, inquit, dilectio vestra, iacta-

d ij re

APOLOGIA ALBERTI PIGHII

re aduersarios, ideo Acatium non putare iure damnatum, quod non speciali synodo videatur fuisse deiectus, præcipue Pontificem regiæ ciuitatis. Quam cauillationem eorum remouens, multis primum exemplis demonstrat, in vnaquaque hæresi, omnes complices, sectatores, & communicatores damnatæ semel prauitatis, pari sorte censeri, & principali damnationis adstringi sententia: eiusque exequendi præcipuam curam pertinere ad auctoritatem sedis apostolicæ. Quæ, inquit, vnamquæque synodum sua auctoritate confirmat, & cōtinua moderatione custodit, pro suo videlicet principatu, quem beatus Petrus domini voce perceptū, tota Christi ecclesia consentiente, & retinuit semper, & retinet, &c. Ideo autem negari nō posse iuste damnatum Acatium, quod proprijs literis confessus fuerat, se Petri illius Alexandrini, quem, exposita sedis apostolicæ auctoritate, executor ipse quoque damnauerat, se communionem permixtū, &c. Nec plane, inquit, tacemus, quod cuncta per mundum nouit ecclesia: Quoniam non quorumlibet sententia Pontificū ligata a sede B. Petri ius habeat resoluendi, utpote quæ de vniuersa ecclesia ius habet iudicandi, nec de eius licet iudicare iudicio. Si qui

quidem ad illam de qualibet mundi parte canones
 appellari voluerunt: ab illa autem nemo appellare
 permissus est, &c. Sed nec illa præterimus, quod a
 postolica sedes sine vlla synodo præcedente soluenda,
 quos synodus iniqua damnauerat, & damnandi
 nulla existente synodo, quos oportuit, habuerit
 potestatem. Sanctæ quippe memoriæ Athanasium
 synodus Orientalis addixerat, quem tamen exceptum
 sedes apostolica, quia damnationi Græcorum
 non consenserat, absoluit. Aequæ sanctæ memoriæ
 Ioānem Constantinopolitanum Episcopum (Chrysostomum
 intelligit) synodus etiā catholicorū præsulū
 damnauerat, quē simili modo sedes apostolica
 sola, quia non consensit, absoluit. Itemq; sanctum
 Flavianum Pontificem, Græcorū congregatione ac
 synodo damnatū, pari tenore, sola apostolica sedes
 absoluit, atq; eū potius, qui illius dānationis autor
 fuerat, Dioscorū secundæ sedis præsulē, sua autoritate
 damnauit, & impiam synodū sola non consentiendo
 submouit: utq; Chalcedonensis deinde synodus
 fieret, sola decreuit, & hoc nimirum pro suo illo
 principatu, quem B. Petrus domini voce perceptum, &
 tenuit semper, & tenebit. Sicut ergo sola ius habuit
 absoluendi eos, quos synodica decreta perculerant:

d iij sic

APOLOGIA ALBERTI PIGHII

sic etiam sine synodo, in eadem causa, multos etiam
Metropolitanos damnasse cognoscitur, &c.

Hæc ille Gelasius, longe ante annos mille. Quæ
si diligenter perpenderis, si rem ipsam, de qua, si eos,
ad quos ista scripserit, si ipsam scribendi energiam,
libertatem, confidentiam, vel sola Romanorū Pon-
tificis auctoritatem, quanta super vniuersam ecclesiam eo
sæculo fuerit, tibi comprobare sufficient. Nec mi-
nus apud te momenti habebunt, quod scripta sunt
a Romano Pontifice, cum re ipsa verbis suis fidem
faciat, euidentissimis exemplis & historijs demon-
strans, cunctam hoc per orbem recognouisse eccle-
siam, ligata a sede B. Petri solui non posse quorum-
libet aliorum sententia Pontificum. Illam vero sola
uere ligatos, etiam a quorumlibet Episcoporum sy-
nodis, & male solutos alligare. Ad illam iussisse ca-
nones appellatiōes totius ecclesiæ deferri: ab eius ve-
ro iudicio nunq̃ appellari, vt quod vltimum, sacro-
sanctum, ratumq; etiam cœlis est. Illam de tota eccle-
sia iudicare, nullius vero, quam vnius Dei, subiacea-
re iudicio, a quo specialis priuilegij prærogatiua cō-
seruatur, dirigitur, & gubernatur ad vtilitatē Chri-
sti ecclesiæ, ita vt ab ea quærentes iudicij veritatem
sema

CONTRA MART. BVCERYM

semper inueniant. Quæ vniuersa adeo confessa ac notoria eo sæculo fuisse constat, vt ad ea comprobanda haud alios testes requirat, quam eos ipsos, aduersus quod scribit, eorundem conscientiam & totius orbis consensum, confessionemq; appellans. Quæ si adiunxeris ad ea, quæ supra induximus, nec minus, quæ subiuncturi adhuc sumus, non intelligo, quid scrupuli Christiano cuiquam de eo, quod demonstrandum hic assumpsimus, relinquere possunt. Quin & exitus eius, quam nunc tractamus, Tragoediæ, clarissime comprobabit, vnius Romani Pontificis autoritati, victum sua conscientia Orientem, atq; adeo orbem celsisse vniuersum: illicq; sua colla supplices rursus subdidisse, a quo inique se subtraxisse recognouerunt. Ad quam vt iam reuertamur, res ipse nos monet.

Cum in demortui illius Acatij locum tandē Ioannes electus esset Episcopus, & frustra sæpe laborasset apud successores Gelasij pro obtinenda cōfirmatiōe canonica, & nouissime apud Hormisdā: ab eodē amice & paterne est admonitus, vt anathematizaret prædecessorē suum Acatium, vna cū impijs eius actis & excessibus, si haberi vellet inter Episcopos

APOLOGIA ALBERTI FIGGII

pos orthodoxos & catholicos. Quod ille, quicquid cuperet, non tamen audebat, viuo illo Imperatore Anastasio, qui per se impius, ab hæreticis illis & schismaticis Orientis Episcopis in impietate sua magis obduratus fuerat. At hoc tandem sublato e medio non sine manifesto diuinæ in illum vindictæ iudicio, siquidē fulmine ictus Dei iudicio poenas dedisse publice creditum est, tum propter hæreticam impietatem, qua ipse infectus, suo cōsortio, ac fauore illo Imperiali, plærosq; Græcorū Episcopos infecerat, tum vel maxime, quoniam legatos Hormisdæ, qui procurandæ pacis ecclesiæ causa Constantinopolim venerant, Euodium Ticinensem, & Fortunatum Catinensem Episcopos, Venantium Romanæ ecclesiæ presbyterum, & Vitalem diaconum, non solum aduersus omnem religionem, sed etiam aduersus ius gentiū, nefandissime violauerat: & magnis iniurijs, contumelijsq; non sine multorum dolore atque indignatione affecerat. Hoc, inquam, omnis mali & discordiæ incentore sublato e medio, cum Iustinus orthodoxæ fidei zelator, Reipublicæ suscepisset gubernacula, quo ab eadem & Imperio, expiaret tam immane, tamq; impium prædecessoris sui facinus, missa cōtinuo ad Hormisdam honorifica legatione, apostolica

CONTRA MART. BVCERYM.

stolicæ sedis cōunionem reuerenter, humiliterq;
expetiit, & debitam ei reuerentiam obedientiamq;
detulit. De pace itē ecclesiæ, & imprimis Constan-
tinopolitanæ, Ioannisq; Episcopi eius reconciliatio-
ne & confirmatione obtinenda, egit diligenter. Ad
quem cum idem Pontifex vicissim mitteret legatos
suos, Germanum Capuanum Episcopum, Ioannē
& Blandum Romanæ ecclesiæ presbyteros, Felicē
& Dioscorum diaconos, præscripta eis forma, qua
Constantinopolitanam ecclesiam, vna cum Ioanne
si reconciliari mererentur, in cōunionem aposto-
licæ sedis reciperent, & Ioannem in eadem ecclesia
confirmarent: eosdem illos, nullo non adhibito ho-
noris genere, & publicæ læticiæ teste pompa insi-
gni effusa obuiam illis tam illustrium virorum, quā
cleri, monachorum & populi tanta multitudine, vt
vrbs ipsa sedibus suis migrare videretur (omnes e-
nim diutini schismatis Acatij culpa inchoati, &
Anastasi Imperatoris impietate protracti, iam diu
multumque pertæsi, magno reconciliationis desy-
derio tenebantur) honorificentissime excepit Im-
perator: & Ioannes Episcopus, apostolicæ sedis &
legatorum eius mandata omnia, cōgratulante prin-
cipe, clero, & vniuerso populo, humiliter reueren-
e terq;

APOLOGIA ALBERTI PIGHII

terque accepit, & fideliter adimpleuit, professio-
 nemque fidei catholicæ ecclesiæ, propriæ quoque
 manus subscriptione, publice corā omnibus pro-
 fessus est: etiam dicto in se anathemate, si ab eadem
 vnquam deuiaret in posterum. Cuius historiæ fi-
 des, & ex actis quintæ vniuersalis synodi Constan-
 tinopolitanæ secundæ, & ex Iustini Imperatoris, &
 Ioannis Episcopi ad Hormisdam literis, ex huius
 quoq; epistolis ad diuersos, nempe ad Ioannem Mi-
 leuitanum, ad Episcopos Hispaniæ, ad Epiphaniū,
 ad Episcopos Beticę prouinciæ, clarissime constat.

Iustinus autem, hac de re, inter cætera in hæc ver-
 ba scripsit Hormisdæ Pontifici. Scias nobis pater
 religiosissime, quod diu summis studijs quæreba-
 tur, patefactum, etiam antequam aduenirent, quia
 vobis destinati sunt, quod Ioannes vir beatissimus,
 antistes nouæ Romæ noster, vna cum clero vobis
 consentiunt, nullis variantes ambiguitatibus, nullis
 diuisi discordijs. Scias libellum ab eo subscriptum,
 quem offerendum iudicaueras, sanctissimorum pa-
 trum concilio congruentem. Quo omnes concur-
 runt (alacri opera suscipientes vota, tam nostra,
 quam Constantinopolitanæ sedis, quos veritatis
 coruscus

CONTRA MART. BVCERVVM.

coruscus fulgor illuminat) omnes accelerant li-
bentissime, quos delectat via dilucida, vt sequantur
scita patrum sanctissima, leges probatissimas, & cō-
silijs quorundam firmatas, qui rectum tenebant tra-
mitem, aliorum correctis qui vagabantur incerti,
in eo res colligitur, vt vnitatem indiuiduæ trinita-
tis ipsi quoq; in vnitatem colant mentium. Negatum
est, inter diuina mysteria memoriam in posterū fieri
præuaricatoris Acatij, quondam regis huius urbis
Episcopi: nec non aliorū sacerdotum qui vel primi
contra statuta venerunt apostolica, vel successores
erroris facti sunt, & nulla vsq; ad vltimum diē sunt
pœnitētia correcti. Et qm̄ oēs nostræ religionis ad-
monendi sunt, vt exemplum sequantur ciuitatis re-
gis, destinanda vbiq; principalia præcepta edixi-
mus, &c. Oret igitur vestræ religionis sanctitas, vt
quod peruigili studio pro cōcordia ecclesiæ catho-
licę procuratur, diuini muneris opitulatio, iugi per-
petuitate seruare annuat, &c. Hactenus ille.

Tenorem autem confessionis & libelli, de quo in
his Iustini literis fit mentio, supra adscripsimus.
Habebat autem, si meministi (neque enim inutile
est rursus id inculcari) omnibus esse ad salutem
e ij necessa-

APOLOGIA ALBERTI PIGHII

necessarium, vt rectæ fidei regulam custodiant, & a patrum traditione nullatenus deuiant: agnoscant præterea infallibilem illam Christi sententiam, qua Simonē Ioannis Cepham, hoc est, petrā fundamentūq; superedificandæ ecclesiæ suæ, pronunciauit nunq̃ deficere in eius cathedra & successoribus: cōtestante hoc ip̃m rerū euidentia & effectibus. Inuio- labilem siquidē fidem catholicam, singulari in eadē præuilegio semper custodiri: proinde & eandē ve- lut orthodoxæ fidei magistrā oēs seq; & præceptis decretisq; eius eidēq; præsidentiū Pontificū velut præpositorū a Christo ecclesiasticæ suæ domus fa- miliæ, oēs qui ad eandem familiam pertinet obedi- entiam debere. Non pertinere aut ad eandem, sed a communione eius alienos esse, qui illi non cōmuni- cāt, non subsunt, non vniuntur & cohærent, vt suo fundamento ædificiū. Hæc, inquam, illa continebat professio, fidei catholice ecclesiæ et sanctissimorū pa- trum consona: sub qua Ioannes ille Episcopus vna cū Constantinopolitana ecclesia, & post eos alij plu- rimi Episcoporū cū suis ecclesijs, tam Illyrici, Thra- ciæ, Scythiæ, Syriæ, cæterarūq; regionum per Orien- tem & Septentrionem ad sedis apostolicæ com- munionem & catholicæ ecclesiæ recipi meruerunt
a dicto

CONTRA MART. BVCERVVM.

ā dicto schismate. Vt intelligas, domino protegente nunquam demergi nauiculam illam Petri, quantumuis videatur fluctibus obrui: semper triumphare eius iudicium: semper eius auctoritatem praeualere, quantumuis omnes mundi potestates reluctentur.

Sed vt reuertamur ad inchoatā Tragoediā, eiqꝫ finem aliquando imponamus: Cum plæræqꝫ per Orientem ecclesiæ, vt auferrentur e dipticijs sacris suorum antistitum defunctorum nomina, quorū memoriā venerabātur (qui tamen excōmunicatorum Acatij & reliquorum communione, necessitate quadā polluti fuerant) nulla ratione adduci possent: & ob id impediretur earundem reconciliatio & optata vnitas, hinc religiosiss. Imperator eādem supra modum zelans, missis rursus ad apostolicā sedem suis oratoribus, hanc pro illis veniam deprecatus est: petens remitti seueritati aliquid, & mollius clementiusqꝫ cum illis agi: ne paruo discrimine imperfecta manerent pacis desyderia, sed remissis concessisqꝫ exiguis maiora grauioraqꝫ corrigerentur. Veniam itaque nominum, inquit, postulamus, non Acatij, non vtriusque Petri, non Dioscori, vel
e iij Timo

! APOLOGIA ALBERTI PIGHII

Timothei, quorum vocabula datae ad nos sanctitatis v. literę continebant: sed quos in alijs celebrauit ciuitatis populorum reuerentia. Et hoc, exceptis vrbibus vbi vestrae beatitudinis libellus in plenum admissus est. Nisi & hanc quoq; partem beneuolentia vestra statuerit mitius corrigendam, &c. Et hoc quidem non dubitaueris ita nobis gratum futurum, vt pacifico statim responso laetior mundus reddatur. Hæc ille Imperator religiosiss. Iustinus.

Ex qbus omnibus, quæ ante annos mille & scripta & gesta sunt, intelligis puto Christianæ lector, non solum, quanta fuerit, quam a toto orbe recognita in illa primitiua ecclesia, sed etiam quam necessaria huius sedis autoritas: vtq; sine ea nihil permanisset in ecclesia syncerum & integrum, per eam vero ecclesiasticæ disciplinæ vigor, & orthodoxæ fidei integritas semper perstiterint. Esse proinde nihil quod dubites, aduersus hanc, quam nunc inuentam in ecclesiam cernimus horrendam confusionem rerum omnium, aduersus neglectum contemptumq; disciplinæ ecclesiasticæ, aduersus introducta in religionem dissidia, nullū aliud superesse efficax certūq; remediū, q̃ vt ecclesiasticæ Hierarchiæ
suis

CONTRA MART. BVCERYM.

suus ordo, suus vigor atq; eius præsidi sua restitua-
tur dignitas, autoritas, et maiestas: utq; in eo, atq; va-
na eius sede religiose agnoscatur, qd Christus sua il-
li oratione impetrauit, indefectibilis fidei priuilegi-
um, vniuersæ (quod toties audisti) ecclesiæ tam ne-
cessarium, vt sine eo nulla perdurasset in ea vnitas fi-
dei & synceritas. Quoties em̃ cōuenerunt in vnum
ecclesiarū principes, aduersus dñm, aduersus Chri-
stum eius; aduersus sanctissimorum conciliorum
autoritatem, a quibus orthodoxæ fidei veritas con-
tra impietatem hæreticorum, nobis explicata defi-
nitaq; fuerat. Aduersus illud omniū, vt primū, ita
• sacratissimū Nicenum, nunquid primo Tyrū, de-
inde Antiochenū, postremo Ariminense, celebra-
ma Episcoporum concilia celebrata nō fuere? Et hæc
vniuersa, vnius apostolicæ sedis an nō deiecit auto-
ritas, et Niceni concilij autoritatē asseruit? Aduer-
sus quoq; Chalcedonēsis synodi definitionē, ex nūc
explicata Tragœdia intellexisti, quantū, quādiu, &
q̃ pertinaciter conspirauerit Oriens pene vniuers-
sus: sed vnius sedis huius autoritate eius autoritas
perstitit. Vt intelligas verissime dictum ab illo
Gelasio, vnamquamq; ab ea synodum confirmari,
& cōtinua moderatione custodiri. Vnā hanc vni-
uers

APOLOGIA ALBERTI PIGHII

uerſæ ſemper eccleſiæ, orthodoxæ fidei & regulam
ſe præſtitiffe & vindicem, ſuæq; autoritatis gladiū
in hæreticorum impiorumq; damnationem, vni-
uerſa Chriſti approbante eccleſia, vi magna diſtrin-
xiſſe. Cuius rei, præter ea quæ iam audiſti, vt adhuc
exempla hic nonnulla ſubiſciamus.

Damaſus ille, qua apoſtolice autoritatis vehemē-
tia Sabellianos, Ennomianos, Macedonianosq; per-
ſecutus ſit, vtq; illos cum impijs adinventionibus
ſuis ſubiecerit perpetui anathematis vinculo, teſta-
tur eiufdem ad Paulinum Theſſalonicenſem Epi-
ſcopum, ſuum et apoſtolice ſedis per Orientem vi-
carium epiſtola: qua illi præcepit, vt ſuam in eos cē-
ſuram ac ſententiam publicari, & inuiolabiliter ob-
ſeruari curaret per Orientis eccleſias. Quorum im-
pietas cum latius diſperſa altiores egiffet radices, q̃
quæ euelli facile poſſent, & efficaciori videretur in-
digere remedio, eorundem cauſa, ſub Gratiano &
Theodoſio principibus, ex eiufdem Damaſi auto-
ritate, Conſtantinopoli celebrata altera poſt Nice-
nam vniuerſali ſynodo, in eandem conueniētes ex
vniuerſa eccleſia orthodoxi Epiſcopi, eiufdē illius,
tanq̃ de nauicula Petri loquentis nobis, Chriſti ſen-
tentiæ

CONTRA MART BYCERVVM.

tetiam secuti sunt per omnia: atq; illos ab orthodoxa fide & Christi ecclesia alienos rite pronunciatos agnouerunt.

Idem ille Damasus, Apollinarem Laodicensem Episcopum de Christi humanitate noua dogmata ingerentem, vna cum Timotheo eius discipulo, apostolicæ seueritatis gladio prostrauit: quem sibi Christiæ ecclesiæ (q̄ eius hæresi inficiebatur) supplices implorarunt totius Orientis Episcopi. Id qđ eiusdē ad ipsos epistola satis indicat, quē Theodoretus ille Cyrenensis Episcopus, ecclesiasticarū rerū illius temporis scriptor diligentissimus lib. V. hystoriæ suæ ecclesiasticæ inseruit in hæc verba.

Quod debitam reuerentiam apostolicæ sedī vestra habet charitas, vobis filiī charissimi præstatis ipsi plurimum: tametsi in sancta hac maxime ecclesia (vbi sanctus ille Apostolus sedens docuit) nobis gubernaculi, aut clauī, quem tenendum accepimus officio incūbente, inferiores nos tanto honore fateamur. Scitote igitur, profanū illum Timotheum discipulū Apollinaris hæretici, vna cū impio eius dogmate, iam dudū a nobis exautoratū, &c. Licet autē hanc epistolam dicto loco, acq; alibi integrā legere.

f Quana

APOLOGIA ALBERTI PIGHII

Quanti vero illud existimandum est, quod idē ille Theodoretus in ipso libri quinti historię suę initio scribit: Cum enim impiorū Imperatorū nonnullorum, & Episcoporum eisdem cōsentientium culpa, vniuersa illa Orientalis ecclesia fœdissima ordinum omnium confusione aliquandiu perturbata permāsisset, & orthodoxis Episcopis magna ex parte deturbatis ac relegatis, ab hæreticis passim occuparentur ecclesię: Gratianus vere orthodoxus et sapiētissimus princeps, mox vt Imperio inauguratus fuerat, zelans orthodoxę fidei synceritatem per Oriētem restituere, legē promulgauit, vt quicunq; Ro. Pon. Damaso communione & fide non sociarentur, tenere non possent ecclesias, sed ab eis expellerētur: misso ad eius executionem per vniuersum Orientem, quam late eius patebat Imperium, ex primoribus suis ducibus Sapore. Non fuit visum sapientissimo & Christianissimo principi, & zelatori orthodoxę fidei, de fide singulorum disputatione inquirendum, num esset orthodoxa et sincera, sed singulorum fidem, ad fidē vnius Damasi, hoc est, Romanę ecclesię, velut ad Lydium quendam lapidem, & certam amissim orthodoxę fidei, simpliciter explorandam putabat: a qua quicquid discrepa-

CONTRA MART. BVCERV.M.

scireparet, certum habebat esse erroneum: quicquid
eidem quadraret, orthodoxum & catholicum.

In Iouinianum & complices, qua autoritatis ve
hementia insurrexerit Siricius, illius Damasi suc
cessor, eisdem cum execrando suo dogmate, ana
thematis prosternens sententia, vtque ea ab vni
uersa ecclesia (qua decuit reuerentia) excepta fue
rit, testantur synodales plæræq; literæ Episcopaliū
conuentuum, et imprimis Aphricanorum Episco
porum ex Thelensi synodo ad eundem Siriciū
in hæc verba. Recognouimus per literas S. T. boni
pastoris excubias, qui diligenter commissum tibi
gregem serues, & pia sollicitudine Christi ouile cu
stodias, dignus quem oues domini audiant & se
quantur, &c. Post multa autem ita claudunt episto
lam. Iouinianum itaq; Auxentium, Germinatorē,
Felicem, Plotinum, Genialem, Martianum, Ianuari
um & Ingeniosum, quos sanctitas tua damnauit,
scias apud nos quoque secundum iudicium tu
um damnatos haberi. In eandem fere sententi
am ad eundem scripserunt Episcopi, qui Medio
lani eadem de causa conuenerant vna cum beato
Ambrosio.

f ij Quod

APOLOGIA ALBERTI PIGHII

Quod tanta eo sæculo fuerit, tamq̃ veneranda
 Ro. Pon. toto orbe autoritas, vt quæ pro diuersis fi
 dei ecclesiasticisq̃ negocijs, suis epistolis (quæ decre
 torum semper autoritatem obtinuerūt per vniuer
 sam Christi ecclesiam) ad diuersos scriberent, haud
 secus acciperentur ab omnibus, q̃ si de nauicula Pe
 tri ea ipsa dictasset ac prolocutus esset Christus, tes
 timonio sunt in Aphricano concilio tot venientes
 sancti Episcopi aduersus Pelagianam hæresim, ad
 uersus quam, velut præcipuum argumentum, de
 sumpturunt ex B. Zozimi adhuc viuentis, quam
 uis in aliam causam, ad vniuersos catholicæ eccle
 siæ Episcopos scripta epistola. In qua hæc eius ver
 ba. Nos autem instinctu Dei (omnia enim in suū
 autorem referenda sunt vnde nascuntur) ad fratrum
 & coepiscoporum nostrorum conscientiam om
 nia retulimus, qui attente, religioseq̃ obseruarunt.
 Quod testatur eorundem synodalis ad eundem
 Zozimum epistola inter cætera, in hæc verba. Il
 lud vero, quod in literis, quas ad vniuersas pro
 uincias curasti esse mittendas, posuisti, dicens
 (Nos autem instinctu Dei, &c.) sic accepimus di
 ctum, vt illorum qui cōtra Dei adiutorium huma
 ni extollūt arbitrij libertatem districto gladio, velut
 cur

CONTRA MART. BVCERVVM.

cursum transiens, blasphemam amputares. Quid enim tam libero fecisti arbitrio, quam quod vniuersa in nostræ humilitatis conscientiam retulisti? Et tamen instinctu Dei factum esse, fideliter sapienterque vidistis: veraciter fidenterque ut dixistis. Ideo utique, quia a domino præparatur voluntas, & ut boni aliquid agant, suorum ipse tangit corda fidelium, &c. Hæc illi in Thelensi synodo congregati Episcopi. B. Coelestinus in epistola ad Venerum cæterosque Galliarum Episcopos, aduersus eosdem illos Pelagianos gratiæ Dei inimicos, affirmat plerumque tunc fuisse per ecclesiam Episcopos orthodoxos, qui tametsi execrarentur atque anathematizarent impietatem Pelagij & Coelestij, secundum iudicium sedis apostolicæ vehementer tamen improbrarent eorum studia, qui multis voluminibus aduersus errores illorum disputauerunt: ut re ipsa experti, quod supra admonuimus atque alibi copiosius adstruximus, aduersus hereticos, ingeniosos præsertim, acutos ac dialecticos & in scripturis diligenter versatos, non solum esse inutilem, sed etiam perniciosam de scripturis cōflictationem, ut quæ fere ad nihil aliud valeat, quam ut ex scintilla euentilando maiorem ignem faciat, auditores autem, simpliciores

f iij res

APOLOGIA ALBERTI PIGHII

res præsertim, de certis dubitare faciat. Sed hoc ipsis
potius videbatur, vt absq; vlla disputatione, & sim-
pliciter sequerentur omnes, quæ sacratissima B. Pe-
tri Apostolorum principis sedes, contra inimicos
gratiæ Dei sanciuir & docuit per suor præsulum
ministerium. Cuius rei gratia, idē Coelestinus quæ
a B. Innocentio, Zozimo, & alijs aduersus eandem
hæresim dicta fuere, digessit per capita.

Hoc certe constat de Coelestio, vt nulli synodali
autoritati cesserit, nullis doctissimorū patrū aduer-
sus ipsum scribentiū rationibus disputationibusq;
superari valuerit, sed sola vnus Romani Pontificis
autoritate: non audēs (quod de eo D. Augustinus
lib. II. aduersus eundem & Pelagianum testatur) B.
Innocenti Pontificis literis resistere: sed promittens
omnia, quæ apostolica sedes damnaret, se etiam da-
mnaturum. Nam & rationes & scripturas ingenio
sus homo, & ad disputationes apte compositus, alio
vertebat & eludebat facile. At huius sedis autorita-
tem toto vt demonstrauimus orbe recognitam, nec
eludere potuit, nec inuertere, nec contemnere.

Nestorium Constantinopolitanum Episcopum,
qui

CONTRA MART. BVCERYM:

qui impie bipartiebat Christum, idem Cœlestinus apostolicæ autoritatis mucrone confodit. Cui cum terminum præfixisset, vt totius pene Orientis aduersus Anthenium beato Agapeto porrectus accusationis libellus continet, intra quem sibi sanæ fidei, qualem exigebat, professionem exhibere, & se omni prorsus hæresis suspicione liberare, & in cæteris quoque omnibus apostolicæ sedis iussis obtemperare deberet, præuaricatorem, nec obsequentem mādatis suis, anathematis maledictioni subiectum abiecit e domo ecclesiastica. Ex qua cum latius dispersum venenum propter sectatores & infectos ab illo plurimos, efficacior vim remedij exposcere deinceps videretur, eiusdem Pontificis autoritate generali Episcoporum conuocatione facta in Epheso, iidem illi cuius tanquam Christi ipsius de cathedra Petri loquentis sententiam reuerentissime exceperunt. Sic cum & ille Eutices, Nestorianæ impietati impietatem contrariam aliquanto post introduceret, beatiss. Leo eandem damnationi atque anathemati subiecit. Et cum propter sectorum multitudinem, & longe lateque dispersum impietatis venenū, videretur Imperatori Theodosio iuniori vtile, vt generalis Episcoporum conuocatio

APOLOGIA ALBERTI PIGHII

catio fieret, ea quidem secundo in Epheso eiusdem
 Leonis autoritate facta est, sed Dioscori studio præ-
 uaricata, præscriptum sedis apostolicæ, eiusdem or-
 thodoxam aduersus impietatem Euticetis sententi-
 am improbens, hanc amplexa & secuta est. Aduer-
 sus quā magna autoritate insurgens ille Leo, ortho-
 doxam fidem tutatus, nec quicquid moratus autorita-
 tem vniuersalis, sed impij concilij, præuaricationis
 autorem quis secundæ sedis antistitem, perpetuo a-
 nathemati subiecit, & vt Chalcedonensis synodus
 celebraretur, maxime expetente hoc ipsum pro pace
 ecclesiæ Martiano principe Christianiss. autor ex-
 titit. In qua tamen, nec disputari quidem, nec inqui-
 ri permisit, an impie senserit Eutices, an iuste dāna-
 tus a se Dioscorus, sed tantum vt congrua pacis me-
 dia inquirerent atque inuenirent: atque ita studerent
 reconciliationi Episcoporum, qui Dioscori secuti
 impietati eius in concilio illo subscripserant, ne or-
 thodoxis plærisque (qui prætextu synodalis autori-
 tatis, cui aduersus apostolicæ sedis autoritatem con-
 sentire recusabant, suis sedibus pulsi fuerant, in eo-
 rum locum substitutis alijs) id detrimento foret. In
 definitis autem & iudicatis iam dudum a sede apo-
 stolica simpliciter sequerentur eius sententiā. Quod
 ipsum,

CONTRA MART. BVCERVVM.

ipsum, & reuerenter & obedienter fideliterq; fecerunt.

Hoc est, quod illi B. Prospero Reginensi Episcopo necessarium imprimis visum est, ne cum his qui quotidie emergunt hæreticis, noua disputatione congregiamur, sed vnius apostolicæ sedis auctoritatem aduersus eos sequi nos oportere. Nec erat, inquit, noua cum istis acie dimicandum, nec quasi contra ignotos hostes specialia ineunda certamina. Tunc istorum agmina fracta sunt, tunc in superbiam socijs & principibus corruerunt, quando B. memoriæ Innocentius nefarij dogmatis errorem apostolico mucrone percussit: quando Pelagium, ad proferendam in se suosq; sententiam, Palestinorum Episcoporum synodo coarctauit: quando Aphricanorum conciliorum decretis B. memoriæ Zozimus sententiæ suæ robur annexuit, & ad impiorum detruncationem, gladio B. Petri dextras omnium armauit antistitum: quando sanctæ memoriæ Bonifacius Papa, piissimorum Imperatorum catholica deuotione gaudebat, & contra inimicos gratiæ Dei, non solum apostolicis, verum etiam regijs utebatur edictis, &c. Coelestinus quoq; Coelestium totius Italiæ finibus extrudi iussit: adeo & prædecessorū suorum statuta,

g &

APOLOGIA ALBERTI PIGHII

& synodalia decreta, inuiolabiliter obseruanda cens
sebat, vt quod semel meruerat abscindi, nō permit
teret retractari. Nec vero segniori cura ab eodem
morbo Britannias liberauit: siquidem inimicos
quosdam gratiæ Dei solum originis suæ occupan
tes, etiam ab illo secreto Oceani exclusit: & ordina
to Gothis Episcopo, cum Romanam insulam stu
det facere catholicam, etiam barbaram fecit Chris
tianam. Per hunc vnum etiam Orientales ecclesiæ
gemina peste purgatæ sunt, quando B. Cyrillo Ale
xandrino antistiti gloriosissimo fidei defensori, apo
stolico auxiliatus est gladio. Hæc ille Prosper aduer
sus librum Cassiani, qui protectio Dei inscribitur.

Cum post damnatas Nestorij & Euticetis pu
gnantes hæreses, circa incarnationis diuini verbi my
sterium, Petrus Antiochenus Episcopus nouā cir
ca idem prodigiosamque impietatem introducere
conaretur, nūc trinitatem ipsam, nunc diuinitatem,
nunc immortalem spiritum, carnem in sui vnita
tem, & pro nobis passionis contumeliam & mor
tem assumpsisse affirmans. Et propterea in Cheru
bico illo hymno, quē euidenti miraculo reuelatum
in Latanijs decātat ecclesia (Sanctus Deus, sanctus
fortis

CONTRA MART. BYCERVVM.

fortis, sanctus immortalis miserere nobis) adderet post (immortalis) qui crucifixus es pro nobis, deinde subiungēs quod sequitur, miserere nobis: argueretur autem de illo a coepiscopis orthodoxis & catholicis, vnam illi minitantur censuram, damnationemq; sedis apostolicæ, nisi mature resipiscat. Ita enim ad illū Iustinus Sycellæ Episcopus post multa alia. Cessa igitur, inquit, ab huiusmodi tua impia præcipatione, non addas scandalum scandalo, & non sis amplius causa perditionis simplicium hominum: ne præsidens noster Felix secundum canones sententiam dicat contra te. Nec tunc inuabit tibi dicere. Ego utiliter hoc apposui, crucifixum in trisagio (ita Cherubicum hymnum illum appellant) confiteri, &c. Ita quoque Cincianus Acclusianus Episcopus ad eundem, post admonitionē prolixam, vt de incarnationis verbi mysterio pergeret sentire cū catholica ecclesia, illius hymni tenorem, vt ab eadem decantatur, diuino miraculo reuelatū demonstrās: vtq; sub B. Proclo Constantinopolitano Episcopo, eundē in Lætanijs decātante populo, cessa uerit ruina et terremotus vrbis regiæ. Sic ergo, inq̃t, & tu Lætaniās fac, & pausabit ira, quæ cōtra te proferenda est. Sin aut, veniet super te depositio a Papa

g n̄ nostro

APOLOGIA ALBERTI PIGHII

nostro Felice. Custodiat Deus mundū a scandalis,
&c. Cum autē ille, nec p̄dictorū, nec aliorū quam plu-
rimorū correptione resipisceret, protulit tandē Felix
in eundem damnationis sententiam, & ab Antio-
chena sede deposuit. Quod testatur eiusdem ad il-
lum epistola, in qua post alia multa. Dicemus ergo,
inquit, tibi. Quoniam dilexisti iniquitatem magis
loqui quam iustitiam, dilexisti super omnia verba
præcipationis, & linguam dolosam, propter hoc
Deus destruet te in finem, depositum a nobis, non
solum ab Antiochena ecclesia, sed ab omni honore
sacerdotali. Et firma sit hæc depositio tua a me, &
ab his, qui vna mecum apostolicum thronum re-
gunt, &c. Hæc ille Felix. Cuius etiam prædictorum
epistolas integras legere potes in actis v. synodi,
in quæ relatæ sunt: nec earundem tibi fides suspe-
cta esse poterit.

Ex his omnibus puto lector Christiane, clarissi-
me intelligis, ipsam quæ ab initio cernitur rei euidē-
tiam ordini, formæ, ac faciei Christianæ ecclesiæ,
quales ante & copiosius alibi ex diuinarum scri-
pturarum irrefragabili autoritate demonstraui-
mus, exactissime subscribere: & quis fuerit me-
lio-

CONTRA MART. BUCERVM.

rioribus illis ecclesiæ tēporibus, dum in vniuersum
pene orbem longe lateq; suos palmites & ramos ex
tenderet totius sensus et cōsensus de autoritate Ro.
ecclesiæ atq; eius Pōtificis. Cuius nutu & imperio,
non secus q̃ patrisfamilias cuiusdam, regebatur vni
uersa domus ecclesiastica, ad quē vnum refereba
tur, q̃cquid in vniuersa ecclesia natū erat grauioris
negocij & controuersia: cuius autoritate definiebā
tur vniuersæ quæstiones, quæ circa fidē religionē
que exortæ fuerant. Qui ab vniuersis toto orbe &
maxime primarū sedium Episcopis, solebat officiū
eorum rationem exigere: delinquētes pro excessus
modo liberrima autoritate punire, incorrigibiles
priuare omni honore, dignitate, et officio ecclesiasti
cis, nec solum e suis sedibus, sed ab vniuersa Christi
ecclesia abijcere. Cum quo quisquis non cōmunica
bat, alienus a catholica ecclesia habebatur a Christi
fidelibus et orthodoxis omnibus. Quæ si tibi Buce
re, symmistiſq; tuis, antehac nota fuere, optima sane
ratione non solū admirari, sed et obstupescere mihi
videor, quid vobis rationis & mentis sit, dū aliā no
bis ecclesiæ formā ac faciem confingitis: hanc vero
quæ a Christo tam decore constituta, ordinata, for
mataq; est, obscurare, densissimis tenebris inuolue
re, &

g iij

APOLOGIA ALBERTI PIGHII

re, & e medio tollere quæritis, qua fronte audeatis
vbiq; tam irreuerenter, tam impudenter, tam iniu-
riose, tam contumeliose debacchari in Romanum
Pontificem atq; eius cathedram: quomodo toties
aduersum nos iactare? vos sequi consensum catho-
licæ ecclesiæ, antiquitatis præsertim, & qui fuit me-
lioribus illis ecclesiæ temporibus. Qui si vobis ex
prædictis perspectus non est (tamen adhuc magis
ex sequentibus comprobabitur) stupendæ profe-
cto ac prodigiosæ cæcitatæ vestræ ipsi contra vos
perhibetis testimonium.

Vt vero q̄ adduximus omnia, & deinceps indu-
cturi sumus inaudita hactenus (vt videtur) vobis
fuerint, q̄ erit indignitas: quæ impudentia vestra, in
tam crassa antiquitatis omnis ignoratione eius præ-
sertim, vnde summa pēdet omnium dissidiorum,
quæ nūc circa religionem & fidem perniciosissime
perturbant Christi ecclesiam: vnde vnitas, pax, &
salus totius ecclesiæ tanto supercilio, tanta arrogan-
tia, tam pertinaciter ingerere illa vestra haud sane sa-
na somnia, ac docere alios omnes quæ prorsus ne-
sciatis, vniuersæ antiquitati, atq; adeo catholicæ to-
to orbe ab initio Christi reclamare ecclesiæ, & tamē
asserere

CONTRA MART. BUCERVM.

asserere vos sequi eius consensum per omnia: Ex his tamen, vt alterum vobis eligatis necesse est. Neque enim est dare medium. In altero, inuenitur ex cæcatæ mentis plusquam diabolica obstinatio: In altero, prodigiosissima & plane intolerabilis impudentia: tametsi rei indignitati mihi nō sufficiat aut respondeat impudentiæ vocabulum. Vt cunq; autem hæc habeāt, mihi satis præstitisse videor, quod primo hoc loco præstatur: me receperam: præsertim si cum his etiam conferas, quæ adhuc subiūcturus sum: nempe clarissime demonstrasse ipsam, quæ ab initio cernitur, rei euidentiam, ordini, faciei, formæ Christi ecclesiæ, et autoritati in eadē sui igemonici Petri & successorum eius Ro. Ponti. quales in eadem institutos a Christo, ex diuinis scripturis supra atque alibi non vno loco euidentissimum fecimus, exactissime respondere. Ex quo tametsi etiam quod sequenti loco demonstrādum proposuimus (nempe in ecclesiasticis concilijs celebrandis, aut vbi cunq; aliquid, quod ad fidem religionemque pertinet, definiendum est, cuius vigere ac regnare debeat autoritas) per se notum est: Bucer tamen tam graue conuictum, quo in euidentissima veritate tam impudenter nos mentiri affirmat, maior

APOLOGIA ALBERTI PIGNII

maioris nos diligentiae admonet. Inquiremus itaque hoc loco quemadmodum proposuimus, quid proprie de eo ipso et clarissime definiat diuinarum scripturarum autoritas. Cui subiungemus recognitionem ab initio totius catholicae Christi ecclesiae, & conciliorum ipsorum melioribus ecclesiae temporibus celebratorum omnium: Quam recipere, amplecti, consecrari etiam Bucerus necessarium affirmat omnibus, qui Christi esse volunt, & rejicere ac fugere quicquid ab eadem est dissentaneum. Age igitur.

Perlustranti itaque mihi vniuersum diuinarum scripturarum contextum, & diligenter excutiēti vnus omnino locus occurrit, tractatus quidem a nobis superius, sed alio respectu, quo diuinus spiritus, in veteri illo populo ecclesiam nostram adumbrans atque exprimens, ecclesiasticorum conciliorum formam, speciem, & autoritatem, & cuius vnus in eis vigere & regnare debeat autoritas, ita clare expressit, vt nihil omnino potuerit clarius, nihil expressius aut euidentius. Is est ille Deuteronomij supra, vt diximus, sed alio respectu tractatus a nobis, quo praecepit, quaestiones & controuersias inter se ha-

CONTRA MART. BVCERVN.

se habentibus, quæ expedire non poterant per constitutos in singulis ciuitatibus presbyteros subalternos populi iudices, vt eas referrent ad locum quæcunq; inter ipsos elegisset dominus: ad ipsam nempe Mosi cathedram, in qua domino ministrabat summus inter ipsos sacerdos & Pontifex, & ad sacerdotes & Leuitas, qui in eodem loco, vna cum Pontifice aderant & seruiebant tabernaculi, templi & altaris constitutis ministerijs, vt requirerent ab eis quæstionis & controuersie definitionem & iudicium. Qui, inquit, annuntiabunt tibi iudicij veritatem. Quo in loco, hoc primum obseruabis, mitti controuertentes ad sacerdotale concilium, non extraordinarium quoddam, aut ex vniuersa ecclesia ad singulas quasq; quæstiones & controuersias definiendas, non sine magna difficultate ac mora congregandum: sed ad constitutum certo notoq; omnibus loco, velut ad tribunal quoddam ordinariũ, semper ad hoc patens ac paratũ omnibus. Quod concilij sacerdotalis formam habere debere, clarissime exprimit. Neque enim ad vnum principem sacerdotum & Pontificem Maximum, sed simul ad sacerdotes Leuitas, qui vna cum Pontifice præside, pro tempore vicis suæ eodem in loco ministrabāt

h domi

APOLOGIA ALBERTI PIGHII

domino . Qui exquirentes (vt habent Septuaginta interpretes) annuntiabunt, inquit, tibi ipsum iudicium, aut, vt habet noster, veritatem iudicii. Exquirentes, inquam, hoc est, inter se consultando inuestigantes (quod est concilij proprium) annuntiabunt tibi iudicii veritatem . Quibus etiam verbis, & eos qui controuersias suas illo, quo iussit dominus, quamuis ad homines, & peccatores homines, qui & ipsi erroribus circumdati sunt, fideliter referunt, de inuenienda apud eosdem veritate securos reddidit, & principali cathedræ, sacerdotalique concilio quod in ea ordinare residet, diuinæ assistentiæ singulare priuilegium stabiliiuit . Cuius insuper nobis auctoritatem commendans. Et facies, inquit, iuxta verbum quod annuntiabunt tibi ex loco, quem elegerit dominus Deus tuus . Et custodies valde, vt facias iuxta omnia quæcunque sancita fuerunt tibi (ita est apud Septuaginta) Quod ipsum, in Hebraica veritate legitur aliquanto clarius & significantius . Et custodies, inquit, vt facias iuxta omne quod te docuerint . Iuxta legem quam docuerint, & iuxta iudicium quod dicent tibi, facies . Non discedes a verbo quod annuntiauerint tibi ad dextram aut sinistram . Ex quibus
vtique

CONTRA MART. BYCERYM.

utique verbis nemo non intelligit, ut sacrosactam
 esse voluerit sacerdotalis eius concilij apud suos o-
 mnes auctoritatem, cui tam indiscusse, tam sollici-
 te, tam districte omnes prorsus obedire præcepit.
 Et custodies, inquit, non negligenter aut secure, sed
 valde (Quod verbum a Septuaginta significatio-
 nis gratia est additum) hoc est, admodum sollici-
 te, ut facias iuxta omne quod te docuerint. Nihil
 (ut vides) exceptit: nec vult negligenter attendi &
 haberi illorum doctrinam, præcepta, & iudicia:
 sed valde sollicite ac diligenter observari, ne ea trāsa-
 grediantur vel in minimo. Siue enim quæstionis
 aut dubitationis ortæ de lege et religione, prolata fu-
 erit ab eis definitio, siue ambigui iudicij prolata sen-
 tentia: iuxta legem, inquit, quam docuerint, & iux-
 ta iudicium quod dicent tibi, facies. Non dis-
 scedes a verbo quod dicent tibi, ad dextram aut si-
 nistram. Et hætenus quidem, ut summum in ec-
 clesia tribunal, referre debeat formam sacerdo-
 talis concilij, quæ sit eius singularis prærogatiua,
 quanti ab vniuersa ecclesia eius facienda auctoritas,
 quam indiscusse, sollicite, districte sequendas ei-
 us definitiones, sententias, & iudicia. Nunc vni-
 us ne, an plurium, & cuius in eo ipso, vigere,
 h ij & re

APOLOGIA ALBERTI PIGHII

& regnare debeat autoritas, consequenter exprimens, atque eius nobis formam & vnitatem sub vnus præsidis singulari vnitatem commendans : Qui autem superbierit, inquit, nolens obedire imperio sacerdotis, qui eo tempore ministrat domino Deo tuo, ex decreto iudicis morietur homo ille.

Non iam plurium hic sacerdotum, vt antea, atq; adeo sacerdotalis concilij, sed vnus, nempe præsidis meminit: ad cuius auctoritatem censeatur ea pertinere sententia, illud iudicium: aduersum quam omnem contumacem inobedientiam vult expiari mortis supplicio, vt cæteri timorem habeant. Non iam dicit superbe contumaciterque inobedientem sacerdotum, sed sacerdotis stantis super alios, vt habet Hebraica veritas, aut (vt clarius explicant LXX.) sacerdotis præsidis imperio, illum fore morti obnoxium. Ad vnum præsidem refertur sacrosancta illa, quam audisti, atq; inuiolabilis auctoritas, ad quam referre præcepit omnes, quæ legem aut religionem concernunt, quæstiones et controuersias, in quibus nihilominus sacerdotalis concilij officium non subticuit: nempe, vt eorum studio, inquisitione et consilio definirentur eiusmodi: etiam suas ipse

CONTRA MART. BVCERV M.

ipse partes inter eos non tacens, sed ecclesiae (cuius
utilitati hæc seruiebant & seruiunt) de veritate de-
finitionis & sententiæ eorum, infallibilem, vt dixi-
mus, certitudinem faciens.

Hoc autem in dictis diuini spiritus verbis obser-
uandum est, quod non loquatur de vniuersali sacer-
dotum concilio, necessario congregando ex vniuer-
sa ecclesia ob definitionem quæstionum & contro-
uersiarum exorientium circa doctrinam religionis
ac fidei, sed de illo ipso, quod velut senatus sacri cu-
iusdam loco, perpetuo aderat præsidi cathedræ: sa-
cerdotum, inquam, qui illi pro tempore vicis suæ a-
derat in ministerio tabernaculi fœderis, aut templi,
quod in eius locum successerat. Nam frequens hoc
& pene quotidianum erat, vt quæstiones incideret,
quas ad præsidentis auctoritatem referri oportebat:
atque eius vna & sacerdotalis concilij terminari iu-
dicio. Quibus utiq; certum, ordinarium, atq; omni-
bus semper paratum, & facile aditu velut tribunal
quoddam constituendum fuerat, si modo diuinus
spiritus recte prouisum voluisset illi ecclesiae. Qui
sane haud recte prouisum, etiam crassus quilibet
nec admodum ingeniosus homuncio intelligeret, si

h in ad

APOLOGIA ALBERTI PIGHII

ad incidentes quotidie quæstiones & cōtrouersias
istiusmodi (quo satisfaceret altercantibus & verita-
tem inquirentibus) ex vniuerso Israel aut ecclesia, sa-
cerdotale concilium cōuocandum fuisset aut foret.
Quandoquidem, vniuersalis conuocatio eiusmodi
sine maximo labore, impensa, molestia, nec tunc po-
terat, neq; nunc posset fieri. Et grauissimum esset ec-
clesiæ, cum in modum quotidie molestari, & suis ve-
lut sedibus cieri, propter quotidianas quæstiones et
controuersias eiusmodi: Nec vniuersa vita sua con-
trouertentes, & veritatem cōtrouersiarum suarum
inquirentes, voti compotes possent fieri: nec scirent
quorsum confugere deberent. Sed nec factam vn-
quam legimus (eam certe ob causam) in illa veteri
ecclesia, conuocationem vniuersalem: istiusmodi æ-
que & nostræ ecclesiæ, ad magni Constantini vsq;
tempora ignota extitit.

Hic, vt vnus omnino in vniuersa scriptura locus
est, qui de ecclesiasticis concilijs proprie loquitur, ita
eorundem vt audisti formam, faciē, & autoritatem
clarissime nobis explicat: nec tacet, cuius in eis vige-
re & regnare debeat autoritas. Ad hunc locum, si
Bugere quas tu nobis moliris & paras synodos ex-
pende

CONTRA MART. BVCERV M.

penderis: intelliges opinor, quam aliena a re, quam
fanatica proferas. Qui enim alij loci nonnulli ad ea-
dem detorquentur per vos aut alios ex euangelio,
de ijs prorsus nihil proprie loquuntur. Quale est il-
lud præcipue. Vbicunq; sunt duo aut tres congre-
gati in nomine meo, ibi sum in medio eorū: quod
perpetuo vobis in ore est. Nam his verbis, nihil pla-
ne de ecclesiasticis concilijs præscribit Christus: sed
pium Christianæ unitatis consensum & communis
fidelium suorū orationis efficaciam nobis commen-
dat. Quod ex his, quæ continuo præmisit, est claris-
simum. Iterum, inquit, dico vobis, quia si duo ex vo-
bis consenserint super terram, de omni re quācunq;
petierint, fiet illis a patre meo qui in cœlis est. Vbi e-
nim sunt duo vel tres cōgregati in nomine meo, ibi
in medio eorum sum. Ante omnia vero, de congre-
gatis loquitur in Christi nomine: in quo non con-
gregantur, qui in Christi ouili non sunt: qui eius pa-
storem & rectorem quem ipse constituit non agno-
scunt, sed plusquam hostiliter impugnant. Deinde
non cōgregantur in Christi nomine, qui in hoc cō-
gregantur, vt alienū sibi vsurpent officiū in ecclesia,
etiā vt adhuc essent in ecclesia. Vtroq; noīe, illi q̄s
aduersarij somniant Dei filij, quibus auctoritatem
definis

APOLOGIA ALBERTI PIGHII

definiendi cōtrouersias, quæ nunc in religione sunt, afferunt, quos Dei filios solos conuenire volunt ad eam, quam imaginantur synodum: si modo (quod mihi nō persuadeo) imaginantur aliquam. Vtrocq; inquam, nunc dicto nomine, quos illi conuenire vel lent, non conuenirent in Christi noīe, primum qm̄ ad Christi ouile non pertinent: deinde qm̄ cum Dathan & Abiron alienas sibi in ecclesia Christi (etiam si in ea manerent) partes inuaderēt. Nam ad quem & ad quos, ille voluerit exortas in sua domo quæstiones & controuersias referri: cuius aut quorū auctoritate consilioq; definiri, & iudicio exorta dissidia tolli, iam explicatum est. Aequè enim atq; adeo magis illa diuini spiritus ordinatio (quam hac de re in ea veteris populi ecclesia, ab eo tam diligēter & serio constitutam demonstraui) ad nostram ecclesiam pertinet. Nisi in eadem hac nostra ornanda atque ordinanda negligentior, & in prouidendo eidem de necessarijs omnibus parcior, restrictior, remq; fuisse oīpotentem illā infinitamq; sapientiā (in quam, tam immensæ charitatis suæ, præ illa veteri dona & pignora tam copiose, tam liberaliter effudit) cuiq; possit esse credibile. Præsertim cum illorū omnium, nobis quam illis veteribus lōge maiorem
necessia

CONTRA MART. BVCERVVM.

necessitatem esse, plane indubitatum sit. Nam siue
nostram ecclesiam, ex nullis non gentibus, linguis,
nationibus, populis, in vniuersum orbem diffusis
congregatam, ad illam veteris vnus cognatiq; po-
puli eisdem parentibus editi, vnus linguæ, eisdem
moribus institutisq; ab initio assueti: siue vllam ve-
terem legem diligentissime perscriptam & scripto
editam, atque eisdem scripto promulgatam, ad no-
stram legem euangelicam contulerimus, quæ sine
scripto viua tantum Christi & Apostolorum eius
traditione, a tam multis, tam diuersis, tam discrepan-
tibus, æque linguis ac institutis & moribus, atq; a-
deo ab infinita toto orbe diffusa multitudine rece-
pta est, nulli esse dubiū potest, qn sit necessariū, plu-
res grauioreq; quæstiones & cōtrouersias, religio-
nis doctrinam concernētes oriri inter nos, quā inter
illos veteres. Ad hæc, si Paulo Apostolo credimus,
quæ diuinus ille spūs gessit, ordinauit, constituitq;
in illo veteri populo, magis propter nos q̃ propter
illos ipsos facta sunt. Esse præterea (secundum diui-
ni spiritus & sacrarū scripturarum dialecticam) ab
vmbra veteris illius tabernaculi ad suā soliditatem,
a figura ad suam veritatē, eorū quæ sunt exhibita in
nostra ecclesia efficacē argumētationis locū, velut a

i mino

APOLOGIA ALBERTI PIGHII

minore ad maius, haud vno loco & Paulus & vni-
uersæ apostolicæ literæ cōprobant: quæ haud alijs
q̃ veteribus & scripturis & figuris, nostra compro-
bant. Quos in hoc imitantur vniuersi illi primi no-
stræ religionis duces, Apostolorū auditores & disci-
puli.

Itaq; si hunc, quem nunc explicauimus locū, qui
vnus in vniuersa scriptura de ecclesiasticis concilijs
proprie, sed copiosissime & clarissime loquitur, &
vniuersam eorundem formam, faciem, & autorita-
tem nobis luculentissime & plenissime explicat, di-
ligenter expendere, clarissime intelliges Christiane
lector, quæ, quantaq; sit et esse debeat Pontificis Ma-
ximi principalis cathedræ præsidis in eisdem auto-
ritas. Imo quod vniuersa eorundem apud eundem
resideat autoritas. Id quod nobis in sua ecclesia, sin-
gularitatem autoritatis præsidis suis fidelibus sin-
gularius cōmendans, adhuc clarius expressit Chri-
stus. Ibi enim, inobliquabilis autoritatis priuilegiū,
diuinus ille spiritus, magis ad sacerdotale cōcilium
referre videtur: quamuis non nisi in cluso Pontifice
Maximo, vt cathedræ, ita concilij præside. Tamen si
post, vniuersam (quod supra annotauimus) conci-
lij autoritatem, vni præsidi attribuat. Itaque de sa-
cer do

CONTRA MART. BVCERVVM.

terdotali illo concilio loquens, ad quod controuers-
tentes illi suas quæstiones & controuersias tandem
referre iussi sunt, & exquirentes, inquit, iudicabunt
tibi iudicij aut rei quæsitæ veritatem. Quibus ver-
bis inobliquabilem auctoritatem illi concilio confir-
mat. Deinde subiiciens, quam districte eorum iudi-
cio ac sententiæ illos velit obsequi, & constituens in
contumaciter inobedientem, mortis poenam et sup-
plicium: vniuersam auctoritatem ad vnū summum
sacerdotem præsidem retulit. Qui autē superbierit,
inquit, nolens obedire imperio sacerdotis præsidis,
moriatur homo ille. At in ecclesia sua diligentius &
accuratius Christus vniuersa ad vnitatem referens,
vni singulariter Petro vt ecclesiasticæ Hierarchiæ
principi, nulli vero alteri Apostolorū omnium, sed
nec in commune omnibus quamuis præsentibus,
nulli deniq; concilio, sed vni, vt diximus, ouilis sui
pastori & rectori, indefectibilis fidei priuilegium,
ad confirmandos fratres in fide, sua oratione a coe-
lesti patre impetrauit. Quemadmodum & supra
indicauimus, & alibi copiosius luculentiusque de-
monstrauimus.

Quanquam, si quod hac in re ab initio in nostra
i ij eccle

APOLOGIA ALBERTI PIGHII

ecclesia obseruatum est, id ad formam, quam diuinus spiritus in explicato a nobis loco Deuteronomij expressit, diligenter contuleris, inuenies vmbra cum sua soliditate, figuram cum exhibita nobis sua veritate concordare per omnia: nisi quod nostrae ecclesiae quam illius veteris, insuper summi sacerdotis ac Pontificis Maximi, aliquanto liberior hac in re sit fueritque autoritas.

Nam, vt æque apud nos, quemadmodum apud illos veteres, decebat, relatas ad principalem cathedram & præsidis eius autoritatē, quæstiones & controuersias, quæ religionis & fidei doctrinam cōcernerent, nō definiri temere, sed mature, adhibita pro qualitate negotij etiam humanitus possibili conuenientique diligentia sacerdotalique concilio, ad formā illam quam apud veteres ex diuini spiritus præscripto obseruatam explicauimus: Ita apud nos factū perpetuo cernimus: nisi quod grauiorum apud nos incidentium quæstionum & controuersiarum pondus, maioris diligentiae ipsidem definiendis & componendis necessitatem imposuit principalis apud nos cathedræ præsidi. Veteribus illis in Moisaica cathedra (præter ordinarium illud concilium
sacer

CONTRA MART. BUCERYM.

sacerdotum vna cum præsidente pro tempore vicis
suar in eadem seruientium domino) nullum aliud
adhibitum relatis ad eandem quæstionibus & con
trouersijs definiendis, legitur. At apud nos, etiam il
lud ipsum (quod sacri senatus cuiusdam vice, ex E
piscopis numero & titulo definitis, ex presbyteris,
ac Leuitis Cardinalibus, quos nunc vocamus, in
ministerio vniuersalis ecclesiæ adest præsidi cathe
dræ apostolicæ) adhibitum est perpetuo, in defini
endis relatis ad ipsum quæstionibus omnibus. Sed
incidentium, vt dixi, negotiorum pondus, ad maio
rem sæpe diligentiam, eundem coegit & cogit con
fugere: vt etiam extra locum cathedræ apostolicæ
agentes, aut vicinos, aut etiam distantiores Episco
pos, pro negocij qualitate ad concilium conuocet.
Quin & distantissimis regionibus ac locis (vbi &
quando ipsi id expostulare visa est rei necessitas) su
per emergentibus quæstionibus sæpe coegit sacer
dotalia concilia: & aliquando vno eodemque tem
pore, & super eadem quæstione plura frequentis
sima, & locis a se distantissimis. Qualia Victor, si
mul quinque, super vna quæstione Paschalis obser
uationis, celebrari curauit. Nōnunquam etiam ob
res turbatiores aut potius turbatissimas, ad vniuer
i iij salem

APOLOGIA ALBERTI PIGHII

falem conuocationem sunt coacti descendere. Id quod tarde cœptum est in ecclesia, primum nempe magni illius Constantini instantia, qui primus vniuersalis concilij incentor autorque extitit: ante quem trecentis & eo amplius annis, vniuersalis eiusmodi conuocationis vsus, plane fuit ignotus ecclesiæ. Sed horum omnium auctoritatem & arbitrium esse penes principalis cathedræ apostolicæ præsidem, & totius ecclesiæ pastorem, nec quicquam quod doctrinam fidei ac religionis concernat, in vilo quamuis frequentissimo concilio, absq; eius auctoritate definiri posse ac statui, vt ex præmissis nulli esse dubium confido, ita in sequētibus adhuc reddemus illustrius, atq; alibi a nobis etiam copiosius & accuratius demonstratum est. Ad quæ, in ipsa euidenti veritatis luce omnibus conspicua, si Bucerus sua inexplicabilia, nec a semetipso intellecta, nuda meraq; somnia de ecclesia, eius forma, & specie, de auctoritate igemonici eius pastoris & apostolicæ cathedræ præsidis, deq; ecclesiasticis synodis, serio contulerit: nimis impudens erit, si suipsius ipsum non pudeat.

Sed quando ille tam impudenter nos mentiri affirmat,

firmitat,

CONTRA MART. BYCERVVM.

firmat, qui hoc tribuimus et agnoscimus Romano Pontifici, quod illi Christus attribuit, illi recognouit vniuersa ab initio Christi ecclesia, quod ipsa loquitur, ipsa clamat rei euidentia nulli nō perspecta, qui ipsi non claudit oculos: hic adhuc magis instā- dum est, & quod diuinæ scripturæ clarissima auctoritate nunc demonstrauimus, ipsa rei euidentia illustrandū, & totius ab initio ecclesie recognitione, orthodoxorumq; omnium confessione, confirmandum est.

Existimo imprimis, si hoc nunc demonstrauerimus, ab ipsis mox incunabulis ecclesie, ab ipsis continuo Apostolorum temporibus, hoc in ea vniuersa velut ex apostolica traditione recognitum obseruatumq; fuisse, vt Episcoporum vltimata iudicia, maioresq; omnes causæ ecclesiasticæ, specialiter reseruatæ haberentur auctoritati cathedræ inter nos principalis & apostolicæ, dubitaturum neminem, quin ex Christi institutione, quamuis per apostolorum eius traditionem ac ministerium, hoc ipsum acceperint ecclesie. In quo tamen demonstrādo, minus nobis laborandum foret, si maiori cura ac diligentia perscriptas haberemus res ecclesiasticas: p̄sertim illius primitiue ecclesie, & commendatas posteris.

Vt

APOLOGIA ALBERTI PIGHII

Vtunq; tamen hoc ipsum conabimur ex illa qua
licunque paupertate scriptorum, quæ ex sæculo il
lo ad nos peruenerunt.

Inter quos occurrit, imprimis testis sane irrefra
gabilis beatissimus Anacletus (B. Petri discipulus,
ab eodem quoq; ordinatus presbyter, et tandē in ca
thedra apostolica et in martyrii gloria successor) in
epistola, quam, velut catholicæ ecclesiæ Episcopus,
scribit vniuersæ Christi ecclesiæ. In qua, sacerdotas
lis Episcopalisq; dignitatis, vt vi externæ persequu
torum atq; infidelium eo tempore perpetuo expo
sitæ, reuerentiam & honorē Christifidelibus omni
bus ingerens, & singulariter commendans, aduer
sus internas insidias, & calumniosas oppressiones,
eidē velut asylum autoritatē apostolicæ sedis pro
posuit, ad quā omnibus appellare liceat. Si, inquit,
difficiliores ortæ fuerint quæstiones, aut Episcopo
rum vel maiorum iudicia, aut maiores causæ fue
rint: ad sedem apostolicam si appellatum fuerit, de
ferantur. Quoniam Apostoli hoc statuerunt iussio
ne saluatoris, vt maiores et difficiles quæstioēs sem
per ad sedem deferantur apostolicam, super quam
Christus vniuersam struxit ecclesiam: dicente ipso
ad

CONTRA MART. BVCERVVM.

ad B. principem apostolorum Petrum : Tu es Petrus, & super hanc petram ædificabo ecclesiam. Hæc ille apostolorum discipulus, ex apostolica, cui præsidebat, cathedra, de apostolorum traditione atque ordinatione ex iussu saluatoris nostri, eo tempore, cum adhuc superessent quidam ex apostolis, vniuersæ prædicat Christi ecclesiæ. De cuius epistolæ fide, nihil est quod nunc quisquam dubitet, quando cōstat Isidori sæculo, eodem hoc ipsum testificante, hoc est, ante annos mille iam tum lectā ab omni memoria hominum, pro germana Anacleti epistola, & recognitam ab vniuersa Christi ecclesia. Ne ipsam epistolam, ob stili simplicitatem, quem illis pene omnibus familiarem fuisse constat, contemnendam existimes.

Eiusdem apostolicæ sedis prærogatiuæ æque idoneus testis Euaristus est, qui Anacleto succedēs in cathedra, in epistola ad Aegyptiorū Episcopos, velut transgressores apostolorum & ecclesiasticorum canonum, eosdem arguit, quod sine speciali eius sedis autoritate præsumplissent, velut tumultuāter iudicare, & gradu suo amouere Episcopos, & in eorundem locum substituere alios: eisdem præ-

k cipiens,

APOLOGIA ALBERTI PIGHI

cipiens, vt eiectis his, quos illis super ordinauerant, priores suis sedibus restituant. Quod si, inquit, aduersus eos aliquam querelam habueritis, post restitutionem de ea canonice inquirendum erit: & huius sanctæ sedis autoritate, ea terminanda.

Quin & in altera epistola ad vniuersos Aphricanæ regionis Episcopos, commendat eosdem, quod suborta in fide ac religione dubia, iuxta patrum & Apostolorum regulas retulerint ad iudicium ac definitionem sedis apostolicæ. Consulentibus, inquit, vobis fratres charissimi, quid super his, quæ in vestris continebantur scriptis, nobis visum esset, aut quid docibilis ratio persuaderet, quid vobis a beatis Apostolis nobis traditum & custoditum maneret, optantes (vt retulistis) nostris instrui documentis, dilectio vestra normam patrum secuta, ad sedem apostolicam referre maluit, quasi ad caput, quid deberet de rebus dubijs custodire, potius quàm usurpatione propria præsumere. Hæc ille Euaristus, qui sub Traiano præsedet Christi ecclesiæ, quo tempore adhuc beatissimus Ioannes Apostolus supererat. Ex cuius epistolis clarissime constat, & quod etiam illo tempore Episcoporum vltima
sa ius

CONTRA MART. BVCERYM.

ta iudicia pertinerent ad autoritatem sedis apostolicae: & quod omnes circa fidem & religionem subortae quaestiones, dubia, & controuersiae, iuxta patrum nimirum Apostolorum normam, canones, & regulam referri debebant ad eiusdem sedis iudicium: atque adeo referrentur ultra vasta terrarum, mariumque interiacentia spacia. Nam Africanae regionis ex vrbe Roma ille scribebat Episcopus.

Idem clarissime constat ex B. Alexandri testimonio, quod Euaristo succedens, et ipse sub Traiano Christi ecclesiae praefuit. Qui in epistola quam scribit orthodoxis omnibus, per diuersas prouincias domino famulantibus, ecclesiasticae Hierarchiae vigorem, formam & unitatem, vniuersis commendat: & principalis cathedrae singularem autoritatem & praerogatiuam, quam accepit a Christo, eisdem ingerit: quo ecclesiasticae rationis unitatem, quae inde pendet, tenacius conseruent. Illius sedis auctoritati, summarum dispositiones causarum, & ecclesiarum omnium grauiora negotia, a domino commissa affirmans, ipso dicente principi Apostolorum Petro: Tu es Petrus, & super hanc petram aedificabo ecclesiam meam.

Idem agens Sixtus ille primus (qui continuo
k ij post

APOLOGIA ALBERTI PIGHII

post Alexandrum sub Hadriano Christi ecclesiæ præfuit) in epistola ad totius orbis Episcopos, & turbas, seditiões & calumniosas oppressiones quærens excludere ab ecclesia, ostendit eisdem ad hoc ordinatam auctoritatem sedis apostolicæ a Christo atq; eius apostolis. Ab hac enim, inquit, sancta sede, a sanctis apostolis tueri, defendi, & liberari Episcopi iussi sunt: vt sicut eorum dispositione, ordinante domino primitus sunt constituti, ita huius sanctæ sedis (cuius dispositioni eorum causas et iudicia seruauerunt) protectione, ab omnibus semper peruersitatibus & calumnijs sint liberi. Hæc ille Sixtus.

Anicetus item ille, sub quo B. Polycarpus Ioannis Euangelistæ discipulus Romā venit, eidē post consors factus gloriosi martyrij, q̄ vterque sub Vero et Cōmodo cōsummatu est: ad Gallicanas ecclesias scribens, et inter cætera exigens, vt diligenter obseruēt ordinē, formāq; disciplinæ ecclesiasticæ, quæ interturbari inter easdē quorūdam Episcoporum superbia intellexerat. Si quis, inquit, Metropolitanorum inflatus fuerit, & sine omnium comprouincialium Episcoporum præsentia, vel consilio eorum, aut alias causas, nisi eas tantum, quæ ad propriam suam paro-

CONTRA MART. BVCERVVM.

parochiam pertinent, agere, aut eos grauare voluerit, ab omnibus districte corrigat, ne talia deinceps præsumere audeat. Sin vero incorrigibilis, eisq; inobediens fuerit, ad hanc apostolicam sedem (cui omnia Episcoporum iudicia terminare præceptum est) eius contumacia referatur, vt vindicta de eo sumatur, & cæteri timorem habeant. Si aut propter nimiam longinquitatem, aut temporis incommoditatem, aut itineris asperitatem, graue ad hanc sedem eius causam deferre fuerit, tunc ad eius primatem causa deferatur, & penes ipsum huius sanctæ sedis autoritate iudicetur. Hæc Anicetus ille.

Eleutherius quoq; qui sub M. Anthonio præfuit Christi ecclesiæ, ad easdē Gallicanas ecclesias scribens: De accusationibus, inquit, clericorum, super quibus consulti sumus, quia omnes eorum accusationes difficile est ad sedem apostolicam deferre, finitiua tantum Episcoporum iudicia huc deferantur, & huius sanctæ sedis autoritate finiatur, sicut ab Apostolis, eorumq; successoribus, multorum consensu Episcoporum iam definitum est. Nec in eorum ecclesijs alij, aut præponantur, aut ordinantur, anteq̃ hic eorum iuste terminentur negocia. Quoniam quis
k iij liceat

APOLOGIA ALBERTI PIGHII

liceat apud prouinciales & Metropolitanos, atque primates eorum ventilare accusationes vel criminationes, non tamen licet definire secus, quam prædictum est. Haftenus Eleutherius.

Victor aut huius proximus successor (& ipse gloriosus Christi martyrio) Theophilum Alexandrinū, & cum eo Aegyptiorū Episcopos, grauiter arguit, quod sibi temere præsumpissent, q̄ ad solā apostolicæ sedis autoritatē pertinet. Quæ eius redargutio, quo maius pondus haberet, ipsum etiā canonem ecclesiasticum in sua epistola subiicit, quem, ab Apostolis cōstitutum, & obseruatum deinceps cōtinuo affirmat. Vnde, inquit, statutū liquet a tēpore Apostolorū, & obseruatum deinceps. Placuit, vt accusatus vel iudicatus a cōprouincialibus in aliqua causa Episcopus, licenter appellet, & adeat apostolicæ sedis Pontificem, qui aut per se, aut per vicarios suos eius retractari negociū procuret. Et dū iterato iudicio Pontifex illius causam tractat, nullus alius in eius locum ponatur aut ordinetur Episcopus. Quoniam, quanq̄ comprouincialibus Episcopis accusati causam Episcopi scrutari liceat, nō tamen absolute definire inconsulto Romano Pontifice permiffum

CONTRA MART. BVCERV.M.

missum est, cum vni B. Petro nō ab alio, quā ab ipso dictum sit domino: Quaecunq; ligaueris super terram, ligata erunt in coelis, &c. Quare, inquit, nihil aliud est fratres, talis vestra præsumptio, quam Apostolorum successorumq; ipsorū terminos transgredi, eorumq; decreta violare. Hæc ille Victor.

Eadem pene ad verbum Sixtus secundus, gloriosus martyr Christi et Pontifex, qui beatissimum Laurentium diaconum & martyrij consortem habuit, fidentissime prædicat: atque iterum iterumque repetit, tum in epistola ad Hispaniarum Episcopos, tum etiam in epistola ad Gratum Episcopum. In qua inculcans, vt omnibus Episcopis, si quibuscunque appetantur aut opprimantur calumnij, & quoties opus habuerint, libere appellare possint ad iudicium sedis apostolicæ, atque ad eam quasi ad matrem confugere. Cuius, inquit, dispositioni, omnes maiores causas ecclesiasticas, & Episcoporum iudicia, antiqua Apostolorum successorumque eorundem, atque canonum auctoritas referuauit: Subiungens illum, quem Victor citauit, ecclesiasticum atque adeo apostolicum canonem.

Zephe

APOLOGIA ALBERTI PIGHII

Zepherinus itē Pontifex ad Siciliae Episcopos,
 docens quomodo peragenda ab ipsis essent Episco-
 porum iudicia. Finis vero, inquit, eius causae, ad se-
 dem apostolicam deferatur, ut ibidem terminetur,
 nec ante finiatur (sicut ab Apostolis & successorib⁹
 eorum olim statutum est) quam eius autoritate ful-
 ciatur, &c. Iudicia em Episcopos, maioresq; eccle-
 siae causae, a sede apostolica, non ab alia (sicut Apo-
 stoli, & sancti successores eorū statuerunt) sunt ter-
 minandae. Quia licet & in alios Episcopos transfe-
 ratur iudicandi autoritas, vni tamen Petro inter om-
 nes Apostolos dictum est: Quaecunq; alligaueris
 in terra, erunt ligata & in coelis, &c. Haecenus ille.

Marcellus quoq; Pontifex, & ipse gloriosus mar-
 tyrio, ad vniuersos per Antiochenam prouinciam
 Episcopos, vigorem disciplinae ecclesiasticae, & Hie-
 rarchiae ordinem (vnde totius ecclesiae vnitas & sa-
 lus pendet) comendans. Ab eius, inquit, dispositioe
 deuare non oportet, ad quam cuncta maiora negocia,
 diuina disponente gratia, iussa sunt referri: ut ab ea
 regulariter disponantur, &c. ad quam oēs, quasi ad
 caput, iuxta Apostolorum eorumq; successorum sana-
 ctiones, Episcopi, qui voluerint, vel quibus necesse
 fuerit, confugere, eamq; appellare debent, &c. Quia
 Episc

CONTRA MART. BYCERYM.

Episcoporum iudicia, & summarum causarum negotia, cunctaque dubia, apostolicæ sedis autoritate peragenda ac finienda sunt. Et omnia provincialia negotia, huius sanctæ & apostolicæ sedis sunt retractanda iudicio, si huius ecclesiæ Pontifex præceperit. Hæc Marcellus ille.

Melchiades etiam ad Marinum, Benedictum, Leontium, cæterosque Hispaniarum Episcopos, inter cætera habet in hæc verba. Episcopos, inquit, nolite iudicare, nolite condemnare absque huius sedis autoritate. Quod si contra feceritis, irrita erunt vestra iudicia, & vos condemnabimini. Hoc enim privilegium huic sanctæ sedi a temporibus Apostolorum statutum est servare: quod illæsum in hodiernum usque diem permanet. Hæc ille.

Audis Christiane lector, audis & tu Bucere, in his tam multis, tam sanctis, & tantæ autoritatis patribus, ab ipso ecclesiæ initio in cathedra apostolica continua pene serie sibi succedentibus, ad ipsum usque Nicenum concilium, illius primitivæ ecclesiæ recognitionem & communem sententiã de ea, quam hic adstruimus, autoritate sedis apostolicæ, ut p
l nus

APOLÓGIA ALBERTI PIGHII

nus ab ipsis peruenit ad nos. Nec puto (qualiscun-
que in nos sis & huius sæculi Pontifices) quod illos
tales, tam sanctos, tantæ in ecclesia autoritatis, tantæ
antiquitatis, & qui pene vniuersi pro Christi eccle-
sia glorioso martyrio coronati sunt, mentitos ista di-
cturus sis, & confinxisse de suo capite: dum tam, vt
audisti, consonanter, tam longo & continuo tempo-
ris successu, præteritorum ante se temporum inuiolabili-
ter obseruatam in ecclesia cōsuetudinem, & aposto-
licos canones in conspectu totius ecclesiæ cōmemo-
rant. Nunquid, quo suā super alios efferrent poten-
tiā & stabilirent tyrannidem? Existimo sane, nemi-
nem mētis sanæ de istis sentire aliter, quā quod offi-
cij sui memores, & se super ecclesiæ speculā constitu-
tos a dño, Christiani gregis vigilantes excubias ege-
rint, ecclesiasticæq; disciplinæ & Hierarchiæ vigo-
rem & vnitatē (in qua omnis ecclesiæ salutē consi-
stere certum est) diligenter conseruare studuerunt.
Nam quod sua non quæsierint, sed quæ Iesu Chri-
sti, satis opinor, sanguine suo pro eo effuso contesta-
tū nobis reliquerūt. Et vt maxime voluissent in cui-
uscunq; gratiam aliquid mētiri aut fingere, nullus
sane hac in re fictioni esse locus potuit, aut menda-
cio: Quando ignorare non poterat orbis, quod aut
tunc

CONTRA MART. BVCERV. M.

tunc aut temporibus ab ipso ecclesiæ initio, a quo non ita longe distabant, præcedentibus, toto orbe obseruatum fuerit, videlicet: An ita habuerit rei veritas, quod grauiora illa ecclesiasticarum rerum negotia & Episcoporum iudicia referri consueuerint ad apostolicę sedis iudicium. Nec adeo tunc ignoti esse potuerunt Apostolorum canones, quos illi proferebant & inculcabant (vt quibus solis tunc gubernabatur ecclesia) post ipsa continuo Apostolorum tempora. Sed nihil opus est, aut hac aut alia quacumque pro illis excusatione vti, si cum illorum adeo consono testimonio coniungas, quæ præmissimus cetera: quæ ipsam rei euentiam, & totius ecclesiæ ab initio recognitionem clarissime subiiciunt oculis. Tamen si horum testimonium ecclesiæ, quæ Nicenum conciliū præcessit ab ipso sui initio, formam proprie nobis demonstraret. De sequentibus ipsum temporibus loquentibus fere cæteris, quæ supra adduximus.

Quia tamen, ad Nicenum concilium prouocare audent aduersarij, pretendentes nunc demonstratis a nobis aduersari eius canones (quos parum diligenter inquisisse se mox manifestum erit) hoc nunc accuratius a nobis demonstrandum est, eosdem

l ij non

APOLOGIA ALBERTI PIGHII

non aduersari sed plane subscribere, demonstratis a
 nobis haftenus : & obliterari iam, aut certe negligē-
 tius frigidiusq; obseruari incipiētes, antiquos illos,
 apostolicos ecclesiasticosq; canones, pro conseruan-
 do ordine ac vigore ecclesiasticæ Hierarchiæ, reno-
 uasse. Et inter cæteros illum, quē toties citatum au-
 disti de Episcoporum iudicijs. Quēadmodum eui-
 denter constat ex Iulij primi ad Antiochenā illā, cu-
 ius supra meminimus, impiā synodū, plærisq; epi-
 stolis. Nam fecit (quod mox intelliges) Arriana il-
 la fax, vniuersum pene Orientem, atq; adeo orbem
 terrarū conflagrans, continuo post celebratum Ni-
 cenū conciliū, vt ex illorū temporū scriptoribus spar-
 sim citatos Nicenos colligere & velut emendicare
 cogamur. Quādo eius cōciliij iā multis seculis nusq̃
 extant acta germana atq; integra. Scribit aut ille Iu-
 lius epistola prima ad illos Antiochiæ congregatos
 Episcopos, in hæc verba. Audite, inquit, iam fa-
 ctam in Nicena ciuitate synodum : cui & ego ipse
 conscientiae meae cultum decenter exhibui, quæ ni-
 hil aliud voluit, quam concordiam omnibus fabri-
 care, & præ cunctis arguere ac remouere hanc insi-
 diancium improbitatem. Quorum præuidentes
 sancti patres insidias & calumnias, vnanimiter in
 præ-

CONTRA MART. BVCERV.M.

prædicta statuerunt synodo, vt nullus Episcopus, nisi in legitima synodo, & suo tempore apostolica autoritate conuocata, super quibusuis criminibus accusatus aut pulsatus damnetur aut iudicetur: Sin aliter a quibusuis præsumptum fuerit, in vanum deducatur quod egerint: nec ecclesiastica vlllo modo reputabuntur iudicia eiusmodi. Ipsi enim primæ sedis ecclesiæ, conuocandarum generalium synodorum iura & iudicia Episcoporum singulari priuilegio euangelicis & apostolicis atq; canonicis sunt institutis concessa. Quia semper maiores in ecclesia causæ ad apostolicam sedem multis autoritatibus referri præcepta sunt, &c.

Et rursus in eadem epistola. Dudum siquidem, a sanctis Apostolis eorumq; successoribus in antiquis decretis statutum fuerat (quæ hætenus sancta & vniuersalis tenuit & tenet ecclesia) non oportere præter sententiã Romani Pontificis concilia celebrari, nec Episcopos damnari: quoniam sanctam Romanam ecclesiam, primatem omnium ecclesiarum esse voluerunt: Et sicut B. Petrus Apostolus primus fuit Apostolorum omnium, ita & hæc ecclesia suo nomine consecrata, dño instituẽte, prima

l iij & ca

APOLOGIA ALBERTI PIGHII

& caput sit cæterarum, vt ad eam quasi ad matrem
& apicem omnium, maiores ecclesiæ causæ, & iudi-
cia Episcoporum iuxta eius sententiam sumant.
Hactenus ille.

Audis autem quid dicat ille Iulius: quos aposto-
licos, antiquos, & obseruatos ab initio canones pro-
ferat: quem etiam Niceni concilij canonem citet: vt
videlicet nullus Episcopus etiam in quacūq; syno-
do, nisi apostolicæ sedis autoritate conuocata, super
quibusuis intentatis criminibus iudicetur aut con-
demnetur.

Quod si hic mihi quisq; occurrat, apud Ruffinū
nō inueniri prædictū canonem inter eos, quos ipse
enarrat Niceni concilij: Respōdebo ego, vni Iulio, q̄
decem Ruffinis, vt in omnibus, ita hac maxime in
re, plus esse autoritatis & fidei. Nam vt cætera præ-
teream vniuersa, cum Iulius ille viginti tantum an-
nis post celebratum Nicenum conciliū, dictam epī-
stolam scriberet aduersus totius pene Orientis Epī-
scopos (qui cōtra Athanasīū & alios Nicenæ fidei
zelatores, quam occultis machinationibus impu-
gnabant, cōuenerunt apud Antiochiam: quorum
plurimq; Niceno concilio ipsi interfuerant) quis crea-
det illum prædictum, quē citat, canonē Niceni con-
cilij

CONTRA MART. BVCERVVM.

cilij, de suo capite ausum confingere. Sed nec Oriē-
tales & Græci illi, quamuis satis cōtumaciter respō-
dentes Iulio, verbo vllō in dubium reuocarunt fidē
illius canonis. Ad hæc, si ad euentum spectes (quem
supra explicauimus) illius Tragœdiæ, certo intelli-
ges, non territasse illos Iulium, fumis & mendacijs,
sed ipsa euidentī rei veritate cōuicisse: q̄a coacti sunt
eius auctoritati cedere, eius se iudicio submittere.
Quod iudiciū orbis vniuersus, tanq̄ eius q̄d in cœ-
lo ratū firmumq̄ esse non dubitaret, absq̄ vlla hesi-
tatione sequutus est. Quam aut̄ Ruffinus parē inte-
gre, aut ex fide enarret Nicenos canones, ex eo per-
spicuum est, quod cū ex iuratissimis testibus, q̄ ipsi
non interfuerunt solū, sed præfuerunt etiā conden-
dis eisdem, cōstat LXX. illos fuisse, quibus vniuersa
pene disciplina publica ecclesiæ, ordinata regula-
taq̄ fuerat, ipse tñ non nisi XX. enumerat, frigidos
plane, et ad quiduis inefficaces, quando per se legū-
tur atq̄ æstimantur. Qua tñ in re, non tam Ruffini
negligentiam, quā Arrianorum accuso perfidiam.
Quorū impietate ac fraude, adiuta impij Imperato-
ris Cōstantij potentia ac tyrannide, est effectū, vt de
canonibus ac statutis Nicenis dubitaretur cōtinuo
post celebratū ipsum Nicenum concilium: exustis
vide

APOLOGIA ALBERTI PIGHII

videlicet per vniuersas Græcanicas & Orientis ecclesias eius authenticis exemplaribus: adeo vt solū illud, quod tum adhuc Romæ seruabatur, restaret integrum. Quod ipsum iam dudū iratis nobis superis etiam perijt et ecclesię Christi subtractum est: seu dolo & fraude hæreticorū, seu per hostiles barbaricosque incursum, quos deinceps haud infrequētes vrbs Roma passa est.

Quæ vt vera esse intelligas, audi imprimis quid ad Marcum Pon. B. Siluestri in cathedra apostolica successorem, scribat hac de re gloriosus ille Christi confessor Athanasius Alexandrinus Pontifex, cum vniuersis Aegypti sub se existentibus orthodoxis Episcopis, idq; ex Alexandrina prouinciali synodo: in quam, ad tutandū suos aduersus Arrianam perfidiam congregati, cum viderent apud neminem restare acta Niceni concilij, Romam vsque pro recuperandis eisdem mittere coacti sunt: In hæc verba scribentes ad Marcum Pontificem.

Ad vos, inquiunt, peruenisse non dubitamus, quanta & qualia ab hæreticis, et maxime ab Arrianis patiamur quotidie, &c. In tantum enim nostra vastarunt, vt nec vestimenta ecclesiastica nobis dimitt-

CONTRA MART. BYCERVVM.

mitterent, & libros quoque nostros ad minimum incendentes, nec iota vnum nobis reliquerunt: Nicenam synodum propter veritatis fidem (qua clerus et populus imbuebantur & maxima parte iam imbuti erant) in contumeliam nostram, & omnium Christianorum, incenderunt. Quapropter precamur pater beatiss. quia non dubitamus, apud vos plenaria esse Niceni concilij exemplaria, ut nobis illa, quae sanctae recordationis praedecessoris vestri Siluestri fuerunt, sub tua mittatis stipulatione. Nam quando praedictae synodo, cum beatae memoriae Alexandro, digno Deo Pontifice nostro, id est, Alexandrino magnae ciuitatis Episcopo, in diaconatus interfui-
mus officio, sub nostrae praesentiae testimonio per beatos viros Victorem & Vincentium presbyteros apostolicae sedis apocryfarios missa sunt praedito Papae Siluest. cum ad stipulatione subnixa, LXX. capitula, &c. Quae omnem Christianorum orbem in vnitatem fidei confirmarent: & omnes sub sacerdotali & Christiano nomine degentes, vna fides, vna sacerdotalis & clericalis norma regeret: nec quisquam a suo capite dissideret. Nunc ergo, quoniam ab inimicis sanctae Dei ecclesiae, praefata LXX. Niceni concilij capitula (quae iubente domino meo Aleandro,
m decreta

APOLOGIA ALBERTI PIGHII

decreto Episcoporum omnium attuli, quæ etiã coram omnibus recitavi & trãsscripsi) apud nos sunt igne cõbusta: optamus, vt a vestræ sanctæ sedis ecclesiæ autoritate, quæ est mater et caput ecclesiarum omnium, ea ad correctionem & recitationẽ fidelium orthodoxorum, percipere per præsentes legatos mereamur, &c. Hactenus illi.

Quibus in hæc verba rescribit Marcus: Dominis venerabilibus fratribus Athanasio, & vniuersis Aegyptiorum Episcopis, Marcus sanctę Romanæ apostolicæque sedis & vniuersalis ecclesiæ Episcopus. (Post alia pleraque, quibus eosdem ad constantiam exhortatus est.) De capitulorum, inquit, numero Niceni concilij, quibus vos interfuisse literis fraternitatis vestræ significastis, a nostris qui vana vobiscum interfuerunt diligentioribus requisitiuimus collationibus: qui ita vt vestræ testatæ sunt literæ, omnem nobis ordinem exposuerunt: & vestram epistolam veram esse per omnia testificati sunt, &c. Deinde diligenter perquirentes in sancto nostræ & apostolicæ sedis scrinio, ea quæ sanctæ memoriæ prædecessori meo Siluestro sunt directæ, LXX. vt significatis capitula, illa inuenimus.

CONTRA MART. BYCERYM.

mus. Ipsa autem vobis propter auctoritatem & subscriptionem tantorum patrum & eius magni concilij, minime misimus: Sed per eadem coram apocryfarijs vestris alia similia, eundem numerum, eademq; verba & ipsam subscriptionem continentia, vobis rescribere, & sub certa stipulatione & confirmatione mittere curauimus, &c. Hæc ille Marcus.

Audis itaq; non XX. tm̄, quot Ruffinus memorat, sed LXX. canones Niceni concilij, quibus vniuersa disciplina ecclesiastica ordinata regulataq; fuerat. Idq; a testibus iuratissimis ac plane irrefragabilibus.

Quin & Iulius ille, in secunda sua aduersus Antiochenam illam (cuius paulo ante meminimus) synodum epistola, post grauiter infectatas congregatorum in eadē in viros innocentes & sanctos iniquas machinationes & calumnias: Tales, inquit, insidiatores spū prauēientes sancti patres in Nicena congregati, leges statuerunt, quas nos canones appellamus, ne facile probi dānarentur aut circūuenirentur ab improbis. Ex quibus subiungit ille XXIII. quorum oī in illos transgressores arguit. Quē vero canonem pro XVIII. citat, quoniam euidenter confirmat ac renouat illum, quē supra toties, tantorum

m ij Pon

APOLOGIA ALBERTI PIGHII

Pontificum testimonio audistis ecclesiasticum apostolicumq; canonem, hic adscribere visum est. Habet autem in hæc verba.

Placuit vt omnes Episcopi, qui in quibusdā grauioribus pulsantur vel criminantur causis, quoties necesse fuerit, libere apostolicam sedem appellent, atque ad eam quasi ad matrem confugiant: vt ab ea sicut semper fuit, pie fulciantur, defendantur, ac liberentur. Cuius dispositioni, omnes maiores ecclesiasticas causas, & Episcoporum iudicia, antiqua Apostolorum, eorumq; successorum, atque canonum autoritas reseruauit. Hactenus verba XVIII. Niceni canonis. Ad quem modū citat XXIII. ex quibus singularis huius sedis euidenter comprobatur autoritas, eosque in totius orbis conspectu illis ipsis, qui Niceno concilio interfuere, confidēter obijcit. Quorū tamē nullus omnino apud Ruffinum legitur. Prouocat autem de fide illorum canonum ad exemplar authenticum, de quo supra Marcus, quod Nicena cum subscriptione patrum omniū missum in scrinijs apostolicæ sedis asseruabatur.

Ita quoq; in B. Liberij successoris Iulij epistola ad præfatum Athanasium & secū Alexandriæ cōgregatos

CONTRA MART. BVCERV M.

gatos Episcopos, est legere prolixum canonem Niceni concilij, quo post Nestorius suam tuebatur pertinaciam. Cuius tamen Ruffinus prorsus non meminit.

Rursus B. Innocentius, inter regulas disciplinæ ecclesiasticæ ad Victorinum Rothomagensem Episcopum cap. III. Si quæ autem, inquit, causæ vel contentiones inter clericos vel inter laicos, tam superioris gradus quam inferioris exortæ fuerint, placuit, ut secundum synodum Nicenam congregatis omnibus eiusdem provinciæ Episcopis terminentur. Nec alicui liceat (sine tamen præiudicio Romanæ ecclesiæ, cui in omnibus causis debet reuerentia custodiri) relictis his sacerdotibus, qui in eadē provincia Dei nutu ecclesias gubernant, ad alias conuolare provincias aut aliarum provinciarum prius Episcoporum experiri iudicium. Quod si quis forte præsumpserit: & ab officio cleri summotus, & iniuriarum reus ab omnibus iudicetur. Si autem maiores causæ fuerint in medium deuolutæ: ad sedem apostolicam (sicut Nicena synodus statuit, & sancta consuetudo exegit) post iudicium Episcopale referantur. Haftenus ille.

Audis itaq; etiā hoc teste, Niceni concilij canonibus

APOLOGIA ALBERTI PIGHII

bus constitutum, & antiqua consuetudine obtentum (quæ ab ipsis Apostolorum canonibus atque institutione, vt supra audistis, originem habuit) vt maiores omnes causæ ad sedis apostolicæ autoritatem specialiter pertinerent, vtq; eius in omnibus causis & iudicijs sit excepta autoritas, ad quam omnes licet confugere. At horum nullū apud Ruffinum verbum est. Aequè nec eius, cuius beatiss. Leo ad Theodosium iuniorem de Ephesina illa secunda synodo meminit. Cuius enarrans pleraq; impie gesta autore Dioscoro in oppressione orthodoxæ veritatis, & aduersus appellationem pro inique damnatis interpositam, petentibus retractari synodalem sententiam autoritate sedis apostolicæ: Quam autem, inquit, post appellationem interpositam hoc necessario postuletur, canonum Nicenæ habitorum decreta testantur, quæ a totius mundi sacerdotibus sunt constituta. Hæc ille Leo.

Tu autem profer, quisquis es, qui non alios canones Nicenos, quam qui apud Ruffinum leguntur, fuisse contendis: profer, inquam, ex illis vllum verbum, quod de retractandis Episcoporum synodalibus, eisq; frequentissimis & vniuersalibus

CONTRA MART. BVCERVVM.

bus iudicijs post appellationem interpositam lo-
quatur.

Ad hæc, certum est, non tantum ob Arrij noui-
tatem, sed etiam ob discordiam, quæ erat in die Pa-
schalis celebrationis, motum fuisse Constantinum
principem, vt curaret celebrandum Nicenum con-
cilium. Certum denique, in eodem editum Pa-
schalem canonem, quem Theophilus Alexandri-
nus Episcopus citat, quo decretum extitit, vt ab
VIII. Idus Martij, vsque ad diem Nonarum A-
prilis, diebus videlicet XXVIII. qualiscunque
Luna nata fuerit medio spacio, mensis primi initia-
um faceret. Quartam decimam autem, a XII. Ca-
lend. Aprilis vsque ad XVIII. Calend. Maij soler-
ter inquiri debere. Et si die sabbatorum inciderit,
consequenti die dominico, id est, Luna XV. cele-
brandum fore. Et si die dominico XIII. eiusdem
mensis primi euenerit, ipsa hebdomada transmissa,
in alterum diem dominicum celebrari Pascha
debere. At nec huius decreti vllum apud Ruffia-
num verbum est.

Vt aut reuertamur ad illum canonem tã aposto-
licum, quam Niceni concilij, de Episcoporum iudicijs
& ma-

APOLOGIA ALBERTI PIGHII

& maioribus causis ecclesiasticis specialiter reseruat
tis apostolicæ sedis auctoritati & iudicio: iterum au
di de eo ipso, quod testimonium ferat ille strennuis
simus orthodoxæ veritatis assertor Athanasius, cū
vniuersis Aegypti, Libye, & Thebaidis orthodoxis
Episcopis, in hæc verba inter cætera scribens ad Fe
licem Pon. ex Alexandria: Vbi conuenerant aduer
sus Arrianorum quam patiebantur persecutionē
& calūnias: vt a quibus sub synodali prætextu suis
passim pellebantur sedibus, obtentu commentici
orum, quæ in illos confingebant, criminum, implo
rantes aduersus eosdem apostolicæ sedis auxilium.
Quia semper, inquiunt, antecessores nostri & nos a
vestra apostolica sancta sede auxiliū hausimus, &c.
atq; eandem iuxta canonum decreta vt summam
expetimus: ad eam quasi ad matrem recurrimus, &
cætera. Ob id enim vos, prædecessoresq; vestros, a
postolicos videlicet præfules, in summitatis arce cō
stituit dñs, omniumq; ecclesiarum curam habere
præcepit, vt nobis succurrentes nosq; tuentes libe
rare ab hostibus nostris non negligatis. Nam scē
mus in Nicena magna synodo CCCXVIII. Epis
coporum, ab omnibus cōcorditer esse roboratum,
non deberi absque Romani Pon. sententia concilia
cele-

CONTRA MART. BYCERYM.

celebrari, nec Episcopos damnari, &c. Vos ergo, ut
semper sanctæ sedis vestræ consuetudo fuit, pericli-
tantibus subuenite, oppressos roborate, taliaq; pro-
hibete, et leges imponite, ut apostolica doctrina, quæ
in vobis est, cito ad victoriam iudicium perducere
valeat nostrum, nosq; Apostolorum suffragante prin-
cipe Petro, ab imminētibus periculis liberare. Eius
siquidē cathedræ hæreditario quodam perpetuoq;
iure cōstabilita a Christo vniuersa affirmantes, quæ
ad ecclesiastici regiminis principalem auctoritatem
pertinent. Illam imprimis ligandi & soluendi in v-
niuersa domo ecclesiastica: Eandem ipsam, constitu-
tam lucidissimam formam Christianæ religionis
& fidei: Eius præsidem Romanū Pontificē, confi-
tentur auctoritate & officio esse Petrum, ita testante
diuino eloquio: Tu es, inquiunt (sicut veraciter di-
uinum testatur eloquium) Petrus. Tibi clauēs regni
coelorum cōmisit, & ligandi soluendiq; super alios po-
testatem. Item: Tu profanarum hæreseon, & impe-
ratorum atque infestantium omnium depositor, ut
princeps & caput omnium, doctorq; orthodoxæ
doctrinæ & inculpatæ fidei existis, &c.

Igitur, inquiunt, ne despicias pater tuorum pa-
n trum

APOLOGIA ALBERTI PIGHII

trum pietatem, sed sicut illi patres, prædecessoresq̃
nostros a multis oppressiōibus & angustijs libe-
rarunt: ita & nos liberare digneris. Nā semper fuit
vestræ apostolicę sedi ea potestas, iniuste damnatos
autoritate sua restituere, & sua eis omnia reddere: il-
losque, qui eos condemnauerunt, apostolico puni-
re priuilegio: sicut etiam nostris & anterioribus a-
ctum cognouimus temporibus, &c. Neq̃ enim fas
est apostolicę sedi, supplicum scripto, aut sine scri-
pto oblatas preces despicere, sed vt condecet, & pri-
uilegium vestrę sedis est, & nos, & illi aduersarij no-
stri regulariter conuocemur: & ante vos de nostris
obiectionibus cum omni probitate concertemus:
sicut prædecessores nostri penes vestros fecerunt
antecessores, & sicut canonica in prædicta sancta
synodo docent instituta, &c. Antiquis enim regu-
lis sancitum est, vt quicquid, quamuis in remotis &
longe positis prouincijs, super Episcoporum que-
relis & accusationibus ageretur, non prius ratum
foret, quam ad noticiam almę sedis vestrę fuisset
pronūciatio prolata, quę id ipsum firmaret aut in-
firmaret, &c. ne passim ab accusatoribus, aut calu-
mniatoribus, colūne conuellerentur ecclesię. Nunc
vero Dei ecclesia nō leuiter perturbatur, columnę
que

CONTRA MART. BYCERVVM.

que citis nimis infestantur, quas hoīes prauī amouere nituntur: orthodoxorum vero voces, & gemitus Episcoporū, longe lateq; insonant, nouitates insurgunt, calumniæ crescunt, persecutio grassatur, & perditio fit populorū. Vestrum itaq; est, nobis manum porrigere, quia vobis cōmissi sumus. Vestrū est nos defendere & liberare, nostrumq; est a vobis auxilium expetere, & vestris iussionibus parere, &c. Et tandem concludentes epistolam.

Vos ergo, inquiunt, qui in summa specula gratia Dei positi estis, oramus, vt minime despiciatis hūilitatis nostræ, & oīm Oriētalium orthodoxorū sacerdotum & populorū afflictiones, et deprecationes cū lachrymis oblatas: sed sicut luminaria, vniuerso mūdo verbum vitæ retinentes, introductas extinguere tenebras nefandissimorū insidiatorū, temporibus nostris procaciter germinatas, q̄tenus funditus extincta huiusmodi caligine, Lucifer nobis resplēdeat per vos sanctiss. pater, & dogmatica definitio oēs legitimans, quā gloriosi ecclesię sancti patres in æternæ vitæ firmā hæreditatē docuisse & prædicasse noscuntur, &c. Hæc illi. Tu perpēde, qui, quales, & quāti, nō Romani, sed vltamarini, Alexandrinus, inq̄, sedis secundæ Pontifex, neque is qualiscunque, sed

n n̄ sanctus

APOLOGIA ALBERTI PIGHII

sanctus ille, vereq; admirabilis & gloriosus Christi confessor Athanasius: cuius eruditio & doctrina singularis: cuius fides, tot exilijs, tot persecutionibus probata enituit: neq; is vnus, sed vniuersi vna Aegypti, Tebaidis, & Lybiae orthodoxi Episcopi: in quibus, si non mentiatur Christus etiam duobus aut tribus in nomine suo congregatis interesse se medium, nunquid dubitamus, viguisse illum Christi spiritum: tam multis, tam sanctis, tot persecutionibus pro Christi nomine, & fidei eius confessione, tanquam aurum in igne probatissimis, & in hoc vnum congregatis & conuenientibus, vt orthodoxam fidem secundum officium suum aduersus Arrianam tuerentur perfidiam? Nunquid hos alia praedicasse de autoritate sedis apostolicae, quam ipsa habebat rei veritas, quam ipsa tenebat catholica & orthodoxa per orbem ecclesia, cuiquam esse potest suspicio? praesertim si haec, & ad ea, quae audisti, vniuersa, & quae auditurus es, conferas, quibus consentiant per omnia.

Audisti autem, hi quam non obscure, quam non dubie, sed velut omnibus notoriam, vniuersoque orbi confessam, agnoscant ecclesiae Hierarchiae praesidis, atque eius sedis autoritatem, & quale supra adstruximus, singulare priuilegium: vt supplices ad eandem recurrant

CONTRA MART. BVCERVVM.

currant tanquam ad sacrum verticem, & ad caput Hierarchiæ ecclesiasticæ, inde auxilium expetentes, unde fatentur suos prædecessores, & ordinationes, & dogmata, & subleuationes accepisse. Vt confiteantur & constantissime confirment ecclesiasticos canones, omnes maiores ecclesiasticas causas huius sedis discussione ac iudicio reseruasse. Vt propterea in summitatis arce constitutos a domino Romanos Pontifices, omnium illis ecclesiarum cura demanda, ut per præsentis unitatem & singularem auctoritatem pax & unitas Christiana conseruaretur in ecclesia: ne qui opprimerentur iniuste: ne ecclesiarum pastores aduersum sese tumultuarentur, & tot fierent schismata in ecclesia, quot sacerdotes sunt: ne ille sacer ordo confunderetur ecclesiæ. Vtque ea semper ab initio huic sedi consuetudo fuerit, subuenire periclitantibus, releuare oppressos, iniuste damnatos restituere, iniquos iudices etiam qualescunque punire, leges præscribere, per quas malorum cohiberetur improbitas, & triumpharet doctrina apostolica. Vt nunquam licuerit appellationem, seu verbo seu scripto ad hanc sedem interpositam, contemnere, ut eius iuris ac priuilegii sit, & fuerit, quosuis inter se concertantes, & toto orbe terrarum, etiam

n iij ultra

APOLOGIA ALBERTI PIGHII

vltamarinis partibus, etiam primarum sedium an-
 tistites coram se euocare, vtz sic euocati (quemad-
 modum tenebantur) ita etiam comparere consue-
 uerint, & suas aduersum se querelas coram eiusdē
 sedis tribunali canonice prosequi, & inde suum re-
 portare iudicium. Sicut, inquit, prædecessores
 nostri penes vestros fecerunt antecessores. Audisti
 præterea, vt ante mille ducentos annos testati sint il-
 li, tot, tantq; Pontifices, non tunc nuper, & a recen-
 ti eorum memoria, sed ab antiquis temporibus, an-
 tiquis regulis, sancitū fuisse in ecclesia, vt quicquid,
 quamuis in remotis longinquisq; prouincijs super
 quorumlibet Episcoporum querelis ageretur, non
 ante firmitatem et robur obtineret, quam ad huius
 sedis esset relatum noticiam, atq; eius firmatum aut
 infirmatum iudicio: quod etiam in coelis ratum ha-
 beri ipse nobis Christus confirmauit.

His consonam nunc audi totius Aphricanæ ec-
 clesiae confessionem, ex B. Stephani Archiepiscopi
 in concilio Mauritaniae præsentis, & trium conci-
 liorum Aphricanæ prouinciæ, ex communi decre-
 to ad B. Damasum scripta epistola, in hæc verba.

Beatissimo domino, & apostolico culmine sub-
 limato, sancto patri patrum, & summo omnium
 præ

CONTRA MART. BVCERYM.

præsulum Pontifici Damaso, Stephanus Archiepiscopus cum concilio Mauritaniae, & vniuersis Episcopis, de tribus concilijs Africanae prouinciæ.

Notum facimus vestræ beatitudini, quod quidam fratres in confinio nobis positi, quosdam fratres nostros, venerabiles videlicet Episcopos, vobis inconsultis a proprio deijciunt gradu, & adhuc deijcere moliuntur: Cum vestræ sedis, Episcoporum iudicia, & sum morum finem ecclesiasticorum negotiorum, in honorē beatissimi Petri, patrum decreta omnium cunctam reseruauere sententiā, quæ merito omni cura & sollicitudine obseruare debemus. Maxime enim debent illa ab ipso præsulum examinari vertice apostolico, cuius vetusta & sollicitudo & cōsuetudo est, tam mala damnare, quam probare probanda. Antiquis enim regulis sancitū est, vt quicquid horum, quāuis in remotis & longinquo positis ageretur prouincijs, non prius tenendum aut accipiendum sit, quam ad noticiam almæ sedis vestræ fuisset deductum: vt eius autoritate, quicquid fuisset pronunciatum, id firmum haberetur, &c. Itaq; prædictis illicito præsumptis, vt semper vestræ sedis consuetudo fuit, festinanter occurrere, & pro veritate paternisque canonibus viriliter

cer

APOLOGIA ALBERTI PIGHII

certaines, his resistite, &c. Et Deus creator omnium, longæuum conseruet apostolatum vestrum ad stabilitatem ecclesiarum sanctarum, & orthodoxæ fidei: vosq; pastorem bonum, qui pro spiritalibus ouibus ponitis animam, atq; baculo pastoralis lupos rapaces expellitis, & omnibus oppressis auxilium fertis. Quod & istis & omnibus semper vos facere optamus sanctissime Papa. Hactenus illi, quibus in hæc verba rescripsit ille Damasus.

Damasus seruus seruorum Dei, atq; per gratiam eius Episcopus sanctæ catholicæ ecclesiæ, & vrbs Romæ, Stephano Archiepiscopo præsidenti in concilio Mauritanæ, & vniuersis Aphricanæ prouinciæ Episcopis. Lectis fraternitatis vestræ literis, primo gratias ago, quod tantorum patrum merear benedictione perfrui: deinde quod circa fratres sollicitos vos reperi, & cum eis crucem domini deferre, &c. Igitur quādo in præsentī oportune gestorum consultatione, apostolicis vestra beatitudo visceribus commota nos hortata est tuitionem fratribus apostolica impendere autoritate, & eorum iniurijs subuenire, dum constet eadem cum Apostolo compassibiliter dicere: Quis infirmatur, & ego non infirmor? Quis scandalizatur, & ego non veror? &c.

CONTRA MART. BVCERYM.

ror: &c. Pro qua re oportet iuxta vestram prudentem
commonitionem, magis autem secundum diuinam
præceptionem, nos qui supra domum eius, hoc est,
catholicam ecclesiam, Episcopale suscepimus ministerium,
sollicite vigilare, ne quid de sacris eius muneribus,
id est, apostolicis viris, Apostolorumque
successoribus & ministris, quisquam nobis
inconsultis damnetur. Scitis fratres charissimi
firmamentum a Deo fixum & immobile, atque titulum
lucidissimum suorum sacerdotum, id est, Episcoporum
omnium, apostolicam sedem esse constitutam,
& verticem ecclesiarum, sicut diuinum verbum veraciter
pronunciat, dicens: Tu es Petrus, & super hoc
firmamentum tuum ecclesiarum columnæ, qui Episcopi
intelliguntur, confirmatæ sunt. Et tibi clauces regni
celorum commisi, &c. Cuius vice hodie, gratia Dei,
pro Christo fungimur, & omnes huius sanctæ
sedis præfules eius vicem gesserunt, gerunt, &
gesturi sunt. Itaque omnia, quæ innotuistis, illicita esse
ipsi non dubitatis. Discutere namque Episcopos,
& summorum ecclesiasticorum negotiorum causas,
Metropolitanis vna cum omnibus suis cōprouinciabilibus
licet, sed definire ecclesiasticarum summas querelas
causarum, vel damnare Episcopos, absque huius
o sedis

APOLOGIA ALBERTI PIGHII

sedis autoritate minime licet. Quam oēs appellare,
 si necesse fuerit, & eius fulciri priuilegio oportet.
 Nā, vt nostis, synodū absq; eius autoritate fieri non
 est catholicum. Nec vlla concilia rata leguntur, que
 non sunt fulta apostolica autoritate. Haftenus Da-
 masus. Ex quibus omnibus satis superq; demon-
 stratum existimo, non adulterinum, nō subditiciū,
 sed verum, germanumq; fuisse illum Niceni conci-
 lij canonem, quem de Episcoporum causis et appel-
 lationibus ad apostolicā sedem deferendis, in sexto
 Carthagineñ. cōcilio Faustinus, Philippus, & Asel-
 lius apostolicæ sedis legati, ex literis & commonito-
 rio B. Zozimi Pontificis recitarunt in hæc verba.
 Ita, inquit, dixerunt dilectissimi fratres in concilio
 Niceno, cum de Episcoporum appellatione decer-
 nerent. Placuit autem, vt si Episcopus accusatus fue-
 rit, & eum iudicauerint congregati Episcopi regio-
 nis illius, & de gradu suo deiecerint eum, & appel-
 lasse Episcopus inueniatur, & confugerit ad beatif-
 simum Romanum Episcopum, et voluerit audiri,
 & iustum putauerit ille, vt renouetur, scribere his
 Episcopis dignabitur, q in finitima & propinqua
 prouincia sunt, vt ipsi diligenter omnia inquirant,
 & iuxta fidem veritatis definiant. Quod si is, qui ro-
 gat cau-

CONTRA MART. BVCERYM.

gat causam suam iterum audiri, deprecatione sua
mouerit Episcopum Romanū, vt e latere suo pres-
byterum mittat, erit in potestate Romani Episco-
pi, quid velit, & quid existimet. Et si decreuerit mit-
tendos esse, qui præsentes cum Episcopis iudicent,
habentes potestatem eius, a quo destinati sunt, erit
in suo arbitrio. Si vero crediderit sufficere Episco-
pos, vt negocio terminum imponant, faciat, quod
sapientissimo concilio suo iudicauerit. Haftenus
verba canonis, quem aduersus Aurelium Cartha-
ginensem Episcopum, illius concilij caput, & cū eo
dam congregatos Episcopos (quos vna secum ad
hoc inclinauerat, vt abolere cuperent ac niterentur
obseruatam eatenus consuetudinem de referendis
Episcoporum iudicijs ad examen iudiciumque se-
dis apostolicæ) tanquam ex autoritate Niceni con-
cilij, pro eiusdem sedis autoritate ex literis B. Zozi-
mi Pon. proferebant ijdem eius legati.

Quāq̃ autem illi non solum grauem esse trans-
marinis & tam longe positis prouincijs, morem il-
lum referendorum iudiciorū Episcopaliū ad iudi-
cium et examen sedis apostolicæ, sed etiā tēdere eū-
dem ipsum in dissolutionē vigoris disciplinæ eccle-
siasticæ p̃tenderent (cū saepe retractaretur compro-

o ij uincia

APOLOGIA ALBERTI PIGHII

uincialium Episcoporum & iudicum sententia:
 absolutis, restitutisq; a sede apostolica, q̄s illi dam-
 nauerant) & ob id nequaquā acquiescerent testimo-
 nio Ro. Pontificis, velut in re propria: autoritatē tñ
 Niceni, quæ eis obijciebatur, concilij non audentes
 contemnere, negabant canonem illum haberi in
 his, quæ apud eos extabant, Niceni concilij exem-
 plaribus. Super quibus, ea occasione, ingens mota
 est quæstio & controuersia: non satisfaciente illis fi-
 de Romani exemplaris Nicenorum actorum, sed
 Alexandriam, Antiochiam, imo & Constantino-
 polim vsq; miserunt, inde petitum eorundem acto-
 rum exemplaria. A quibus, similia suis, æque trun-
 ca, æque imperfecta receperunt, nihil dignum tan-
 to concilio continentia, nihil, inquam, præter muti-
 la illa XX. quæ apud Ruffinum leguntur, decreta:
 frigida sane, si per se considerentur, & pro ecclesia-
 sticæ totius disciplinæ constitutione atque ordina-
 tione plane inefficacia. Quam tamen vniuersam di-
 ligentissime ordinatam, constitutamque in illo con-
 cilio, tantorum patrum autoritate atque irrefraga-
 bili testimonio supra demonstrauimus.

Certe nisi improbe impudenterq; mentitos di-
 xeris tot, tantosq; quos audistis, patres et Pontifices
san-

CONTRA MART. BVCERVVM.

sanctissimos, dubitari omnino nō potest, alia fuisse decreta illius concilij. Sed neq; illud dubiū esse poterit, si eorum tempore perpēdas historiam, Romæ seruata fuisse veriora integrioraq; exemplaria actuum Nicenæ synodi, quam in illis Orientis ecclesijs, quas iam annis plurimis vastauerat ille aper de sylua, illa fera singularis, illi, inquam, Nicenæ fidei persecutores Arriani hæretici. Qui, quod supra demonstrauimus, abolentes incendio quacunq; extabant authentica eius synodi exemplaria, hoc effecerunt, vt continuo post Nicenum concilium dubitaretur de actis, & canonibus eiusdem. His adde, quod & Theophilus Alexandrinus, & Alexander Antiochenus, & Atticus Constantinopolitanus Episcopi, ad quos illi miserant petitum Nicena exemplaria, eodem illo tempore ob impiam suam coniurationem aduersus B. Ioannē Chrysostomum, quem inique oppressum calumnijs suis sede sua Constantinopolitana eiecerant, excommunicationi subiecti erant a sede apostolica. Nihil ergo mirum est, adulterata quoq; ab eisdē recepisse se acta Nicena, apud quos nihil erat syncerum & integrum. Quemadmodum & quintam synodum adulteratam, corruptamq; ab hæreticis Constantinopolitanis & An-

o iij tio

APOLOGIA ALBERTI PIGHII

riochenis aliquot Episcopis, apostolicæ sedis legati in sexta synodo cōuicere. Et nos idem pressam eandem sextam, insuper & septimam synodos, in plæriscq; vt nunc passim circumferuntur, in Diatribe nostra, atq; alibi, accuratius demōstrauimus. Quod ipsum actis Nicenis factum minus admirabitur, quisquis considerauerit, quam pertinaciter, & q̄diu Oriens pene vniuersus aduersus ea ipsa repugnauerit, conspirauerit, & coniurauerit.

Quod si exactius, certiusq; intelligere velis illius Aurelij & consentientiū secū Episcoporū conatus, quibus apostolicæ sedis debitū illud obediētiæ iugū nitebantur excutere, num ex Deo fuerint, iuxta Gamalielis illius sapientissimū consiliū, subsequentiū tēporū expēde historiā. Si em̄, inq̄t ille, ex hoībus est consiliū & opus hoc, dissoluetur. Sin ex Deo, non potestis dissoluere, ne quādo & Deo repugnare videamur.

AD CHRISTIANVM, PIVM-
que Lectorem.


Hic locus merito nos homines admonet humanitatis. Quandoquidem satis idoneus testis est ad calamitosam humanæ vitæ sortē ob oculos nobis reuocandā: idq; tanto vehementius fieri par est, quanto


CONTRA MART. BVCERVVM.


quanto maior ille fuit, qui mortis immaturæ violē-
tia oppressus, calamum hic manūq; sistere cōpelle-
batur. Is est D. Albertus Pighius Campeñ. idemq;
Præpositus D. Ioannis Traiectē. qui quum vitam
oēm, eamq; coelibē, in æqui boniq; cognitione con-
triuisset, cumque mirificis humanæ vitæ laboribus
esset defunctus, ad extremum incredibi quadam a-
nimi puæsentia, Deo patri spiritum emisit ad IIII.
Calend. Ianuarias circa ingressum anni post Chri-
stum natum M.D.XLIII. Quare non est, o huma-
ne Lector, quod amplius desyderes a D. Pighio fe-
licis memoriæ, qui lubenter sane Bucero singula-
tim respondisset ad vniuersa eius maledicta, si per
valetudinem vllatenus id fieri licuisset. Nam ad
extremum vsque vitæ suæ diem in hæc scribendo
desudauit. Idcirco, quum modis omnibus vir tan-
tus Reipub. iuuandæ & ecclesiæ Christi illustran-
dæ semper studuerit, æquum est, vt posteritas o-
mnis pio Pighio quam optime precetur, et pro tam
eximijs ipsius monumentis non ingratum se pror-
sus ostendat.

FINIS.

✠ Bonorum operum gloriosus est fructus.







005647285